

云南财政月刊

1

本片卷自 1920 年 1 期
至 1920 年 2 期

1920

年

第

1


期

雲南財政月刊

中華民國九年七月 第一期

徐之琛題

雲南財政廳發行



18
三

319
1018

雲南財政月刊例言

一 本編專以登載關於財政之整理計畫及重要文件而設定名爲雲南財政月刊

一 本編於民國九年七月開始發行記載事項均以最近發生者爲限其他法令之關於財政及從前訂定之章程現尙繼續有效者亦擇要登載以供考查

一 本編分三類如左

甲 公文類分呈咨公函電委任令訓令指令批佈告九目依次排列

乙 法規類凡關於財政之法令及通行式單行章程屬之

丙 雜錄類凡各表冊及雜件等屬之

一 本廳呈文已定案者則附指令於後其批令有非檢閱原文不能明瞭者得將原呈

一併附錄

一 本編所分各類偶有一類無其要件者則暫闕之篇幅因材料多寡酌定不限頁數

一 本省各縣知事行政委員及各富滇分行各釐稅局員隸屬於財政廳者均有購閱

本月刊之義務其發行及訂購價目規定册後

二 各縣署局所購閱本月刊者於卸任時應將收到月刊列册交後任人員不得携去

三 本編月出一册由雲南財政廳內附設編印處發行

雲南財政月刊第一期目錄

公文類

呈

呈省長爲呈報到任日期請查核文

呈省長擬發行財政月刊請鑒核文 附摺令

呈省長擬設立雲南財政委員會請核准令委文 附名單摺令

呈省長擬停止存記釐員一年請核令文 附摺令

呈省長擬委員分區調查釐金商稅情形文 附摺令

呈省長請通電各縣署釐局以檢征收紙幣不准折價及拒絕文 附通電

呈督軍署請通令銀行換領新餉各軍隊團營一律收受紙幣文 附摺令

呈督軍署爲取締軍政各機關公務員兌換多數現金以維持紙幣一案呈請核令

文 附摺令



雲南財政月刊

中華民國九年七月 第一期

徐之琛題

雲南財政廳發行

18



雲南財政月刊例言

一 本編專以登載關於財政之整理計畫及重要文件而設定名為雲南財政月刊

一 本編於民國九年七月開始發行記載事項均以最近發生者為限其他法令之關

於財政及從前訂定之章程現尚繼續有效者亦擇要登載以供參考

一 本編分三類如左

甲 公文類分呈咨公函電委任令訓令指令批佈告九目依次排列

乙 法規類凡關於財政之法令及通行式單行章程屬之


丙 雜錄類凡各項表冊及雜件等屬之

一 本廳呈文已定案者則附指令於後其批令有非檢閱原文不能明瞭者得將原呈

一併附錄

一 本編所分各類偶有一類無甚要件者則暫闕之篇幅因材料多寡酌定不限頁數

一 本省各縣知事行政委員及各富慎分行各釐稅局員隸屬於財政廳者均有購閱



本月刊之義務其發行及訂購價目規定冊後

一 各縣警局所購閱本月刊者於卸任時應將收到月刊列冊咨交後任人員不得携去

二 本編月出一冊由雲南財政廳內附設編輯處發行

雲南財政月刊第一期目錄

公文類

呈

呈省長爲呈報到任日期請查核文

呈省長擬發行財政月刊請鑒核文 附指令

呈省長擬設立雲南財政委員會請核准令委文 附名單指令訓令

呈 督軍省長 擬停止存記釐員一年請核令文 附指令

呈省長擬委員分區調查釐金商稅情形文 附指令

呈省長請通電各縣署釐局以後征收紙幣不准折價及拒絕文 附通電

呈督軍署請通令銀行撥領薪餉各軍隊團營一律收受紙幣文 附指令

呈 督軍省長 爲取締軍政各機關公務員兌換多數現金以維持紙幣一案呈請核令

文 附指令

呈會同警務處呈^軍兩署請解除前頒查禁生銀銀幣出省條例并撤銷各路檢

查員文附指令

呈省長爲昭通釐員劉世英年滿長收請准留辦一年文附指令

呈省長議復警廳年功加俸文

呈省長議復路警總局制服改用黃斜紋布文

呈省長呈報新章第三年度第三期各釐局考核比較文

呈省長爲統核楚雄釐局年滿比較文

呈省長據東川井業公司繳股息撥作自來水公司官股文

咨

咨實業廳將鑛務科職員書役並僑商招待處關防圖記先行咨交接收文

咨全省菸酒公賣局議擬暫禁煮酒辦法文

咨復交涉署准咨奉省長令據河口督辦呈請借款修建市屋後由俱樂部分期

撥還一案應暫緩議文

咨鹽運使據催收委員黎元熙會呈請轉咨飭令場知事將收獲灶薪報解文

咨交涉署奉令將考查越南財政書類八本咨送文

咨催交涉署咨復法國志利洋行運錫出口完納釐稅辦法文

咨蒙自道轉令錫務公司組織運輸公司文

咨騰越道轉令永漾兩縣從速劃撥三里地土文

函復文廟紳管修理祭品樂器應照辦文

委任令

委任顧作梅爲本廳秘書令

委任李厚光接辦景東釐金令

委任陳椿接辦仁和釐金令

委任虞鉞沈鍾二員前往呈貢富民等屬調查米少情形文

委任^{蒙自}兩縣知事檢查箇碧鐵路銀行發行憑票數目文

^{箇舊}

令委分金庫庫長孫蔭堂檢查殖邊分銀行發行鈔票及現金保證準備文

令委尙嘉會採運越米文

訓令

訓令各釐局各商稅局據實報告征收情形并力願解額文

訓令各縣局經徵糧賦釐稅收穫之欸應全數交由富滇分銀行匯解來省文

訓令鎮雄釐員補解短額性稅文

訓令通省各釐局准雲南府分關函請查驗海關內地子口票地名塗改文

訓令各釐局奉財政部令准將甯波翔熊機織軟席出品准予免稅文

訓令昭通縣奉省長公署令據該縣電呈蠻餉不能以紙幣開放請撥發現金一

案令行遵辦文

訓令昆明縣知事據呈報招商承辦木捐增加包款暫撥辦團文

指令

指令分金庫庫員周鼎臣呈報委赴寶華公司會算帳目文

指令麗江釐金兼十五區商稅委員呈報認加商稅解額文

指令文山縣知事呈送印甘各結領太和富帖文

指令平彝縣知事呈查訊糧書吞賦文

指令蒙化縣呈穀價增漲數倍請將積穀變米平糶文

指令鳳儀縣據報借款購米開辦平糶文

指令據卸兼代嵩明局黃委呈請將薪俸仍予支給文

指令皈朝釐局呈報阿記得分卡成立日期釐款彙冊併解文

批

批商民趙茂盛請發給蔴正行行帖碍難照准文

批商民葉綦呈請發給鷄鳴行行帖不准文

批商民楊榮森請發麻正行帖碍難照准文

批西疇縣紳民石佩珩等稟請劃撥錢糧文

批朱美山呈請勒令呂有仁等尋欸抵繳不敷欠數文

批苴卽行政委員呈再聯福延不到苴并調查苟永綏產業各情牌示文

佈告

嚴禁奸商運銀出境兌換銀幣拾價佈告

發行角數小票佈告

嚴禁干求行賄必從嚴懲究佈告

法規類

雲南財政委員會章程

財政委員會議事規則

雲南調查釐金商稅章程

調查方法

雲南省征收田賦考核章程

雜錄類

本廳暨富滇銀行整理金融意見書

調查釐金商稅區域表

本廳統核各釐局比較數目盈絀表

雲南財政月刊

八

第一期

心

文

公文類

呈

呈省長爲呈報到任日期請查核文

呈爲呈報專案奉 鈞長任命狀開任命徐之琛兼署雲南財政廳廳長此狀等因奉此當於五月十六日准前廳長吳琨派員將部頒雲南財政廳印信印章暨文卷庫款器具等件咨交前來廳長即於是日到廳接印視事除將接收各項另案造冊呈報暨分別呈咨函令外理合具文呈請 鈞長查核謹呈

呈省長擬發行財政月刊請鑒核文

呈爲呈請事竊維周官司會立歲計月會之規劉晏理財制國用軍儲之法莫不公開庶政編次井然現世東西各國理財列爲專科會計時有報告而鄂浙諸省亦有財政月刊之發行所以表示度支真相使庶司百僚取爲參考研究之資意至善也本廳綜筭計政出納殷繁值此上下交困之時幾窮調劑維持之術而任事苦衷每爲外間所

不諒旁觀袖手未能協力以同謀良由討論無資收支無報幾視爲一人一家之事莫或爲相維相濟之圖自當仿照成規刊行月報凡關於財政上之整理計畫及重要文件並法規表冊之類鈎元提要分類成書自民國九年七月分起月出一冊名曰雲南財政月刊分售於本省各縣署各富滇分行及厘稅局所酌收價值如有不敷即由本廳呈請撥款補助并分送本省高級官署外省財政廳各一分期得交換之資兼收攻錯之益值會計年度之始敢云九賦以歛財成郡國上計之書庶幾三年而制用所有擬辦財政月刊緣由是否有當理合擬具例言備文呈請 鈞署查核示遵謹呈

雲南省長公署指令

所辦甚是應准照行此令例言存

呈省長擬設立雲南財政委員會請核准令委文

呈爲呈請事竊維政事非財不濟而財非理不明故財政一端繁隲萬緒近年杼軸久空入不敷出凡節流剔弊之法固當任勞怨以進行於開源興利之方尤思合智力而

共赴舉全省用款之殷繁收支之整理固非廳長智慮淺薄爲一人之力所能勝且世變方殷新理層出更須合群材之長采各邦之制始足貫通新舊綜覈精詳茲擬設立雲南財政委員會就各機關主管財政人員及理財經濟學素有研究者遴請委任組成成立設於財政廳內每星期開會一次凡關於糧稅之改良新稅之增行金融之調劑預決算之審核均得提出討論取決多數擇善而從議決之案隨時由本廳呈請鈞署核定施行庶通力合作既無扞格中阻之虞全局統籌漸有收支適合之效茲謹擬委員會章程及議事規則各一分並擬定委員名單是否有當理合呈請鑒核令委指遵謹呈

謹將雲南財政委員會章程第二條第六項請委銜名開呈鈞核

實業廳廳長吳 焜

高等檢察廳檢察長易文燿

督軍公署參議鍾 動

督軍公署參議孫志曾

督軍公署參議由人龍

昆明地方審判廳廳長饒重慶

雲南省長公署指令

呈悉財政困難今爲至極整理更新自不容緩該廳組織財政委員會合羣力以謀之辦理甚是應准照行惟章程內第二條一項應改爲聯軍總司令部軍需處長三項應改爲聯軍總司令部軍需局長第三第七兩條內督軍省長應改爲聯軍總司令官及雲南省長字樣所請委任各員除軍需處長軍需局長軍署參議鍾動孫志曾由人龍等候咨由 聯軍總司令部核委外其餘各員應由本署分別給委任事仰即遵照辦理此令章程存

雲南省長公署指令

案准聯軍總司令部咨案准貴署咨請查核分別委任本部軍需處長等員爲雲南財

政委員會委員一案到部應即如咨委任本部參議鍾動孫志曾由人龍軍需處長李鴻綸軍需局長顧秉鈞爲雲南財政委員會委員除分別給委外相應咨復查照飭遵等由准此合行令仰該廳即便查照此令

呈督軍 擬停止存記厘員一年請核令文

省長

呈爲呈請事竊維厘稅關繫正供期綜覈以求實人材量能器使必灼見而後知本廳綜理全省財政值茲空匱之際常苦供不給求計惟以剔除中飽嚴定考成藉可以裕收入而資應付查各厘局委員經征之責任綦重乃核其比較往往短絀未必皆匪擾而貨稀半緣於私肥而公瘠欲舉綜覈之實非另定嚴密之法不爲功欲盡器使之長尤非限制任用之途不能善除考核辦法另行擬定呈核外現查本廳奉令以厘員存記及各機關咨送存記之員已達二百名以上而厘局祇四十餘處勢難盡人而悅有存記數次久未奉委者既不免時來干求有賦閒日久潦倒不堪者抑未敢輕予信任茲爲限制用途以便考核起見擬將存記人員嚴加考詢分別汰留庶可洞悉材力以

備任使并擬請將存記厘員之案暫行停止一年以免擁擠日多應接不暇俟一年滿後再行酌度情形呈請核辦庶資格稍嚴考查較易所有擬請停止存記緣由是否可行除分呈外理合具文呈請 鈞署鑒核令行各機關遵照并祈指遵謹呈

聯軍總司令部指令

呈悉查所陳各節係爲整頓釐務起見應准照辦除通令各軍事機關遵照外仰即知照此令

雲南省長公署指令

如呈照准除分別通令函咨外仰即遵照此令

呈省長擬委員分區調查厘金商稅情形文

呈爲呈請事竊維本省財政歷年收不敷支出入相差至壹百數拾萬元之鉅其支出之數既不能減少而收入數較預算數僅得八成或尙不及八成用是羅掘皆空應付愈難今欲求收支稍足相抵則不能不由收入一面爲切實整理之謀欲求收入之增

加則厘金商稅爲歲入大宗尤不能不亟謀整理之法查近年厘務自加額改章以後比軫雖稍有起色然至於今日情勢已不無變遷本年春季統核解額虧短頗多借災荒匪患爲詞者比比皆是商稅一項虧短尤鉅如曲端楚雄等處歷任均多虧短考核幾窮於術統計厘金商稅每年收入較預算數僅及七成然証以訪聞則零星之入已固多包卡之認額非絀而公家收效止此自非另籌辦法無以杜滬卮而裕財政惟各厘稅局散在三迤聞見難周真相既未洞明增減苦無標準照舊章考核則過寬既不足生畏心若違爾加嚴則情形既未真確恐亦將有所藉口查各局報征數目其較額短征者是否確有影響不能足額其僅能足額或長解者是否儘數解廳別無餘潤欲得真確之情形擬於存記厘員中遴選精明敏練者委充調查員分赴各厘局各商稅局及各分卡實地調查俟查報到齊有隱匿未解者則統計盈餘加定解額其短絀者如鹽井渡仁和漫乃等局今昔情勢不同亦當酌予減額以昭核實并將考核章程另行從嚴規訂期於確有把握令出惟行除先通令各局員將征收實在情形和盤託出

尅日呈復外茲由本廳將全省厘金商稅局劃爲十區擬每區委員一人前往調查并制定調查方法及章程表式俾其核實填報如蒙俯准即由廳遴委以策進行至委員每人月給薪銀三十元所需旅費照文職出差夫馬費支給事竣分別核發應請准予作正開支所費尙非甚鉅收效似有可憑庶幾私弊除而收入可冀增加考查確則短解無從藉口所有擬委專員調查厘稅緣由是否有當理合擬具章程及調查方法分區調查各表式備文呈請 鈞署鑒核示遵謹呈

計呈雲南厘金商稅調查章程一分調查方法一分分區表一分調查表式一紙
(章程方法及表載法規類)

雲南省長公署指令

呈悉該廳因近年釐稅解額虧短過多遴委專員實地調查以定增減自無不合應准照行惟考核章程既有不宜無妨一面調查一面改定蓋此種章程是一種現行法必以適合現情爲原則大可見到即行不必俟調查完畢始爲之至於滇省釐稅弊混叢

生久爲世人所詬病非得澈底改造恐不易斃絕風清並應從根本上切實計畫辦理仰即分別遵辦具報並將委員銜名呈報備查此令附件存

呈省長請通電各縣署厘局以後征收紙幣不准折價及拒絕文

呈爲呈請事案查各縣署厘局征收賦稅厘捐先儘紙幣征收如人民無紙幣時方准征收金幣銀幣早經廳署先後通令各在案乃近日訪聞所及因省會金融稍有恐慌各縣署厘局即有折價征收或竟拒絕紙幣勒收現金情事查政府行使紙幣與現金毫無差別即一般商民尙不准故爲歧視省內外征收官吏爲商民之表率更應盡力維持以堅信用若果折價收受或竟拒絕行使實于幣政前途銀行信用大有妨礙擬請鈞署嚴電各縣署厘局以後征收賦稅厘捐倘對於人民以紙幣上納時設有折價或拒絕行使情事一經查出立予撤省並按情之輕重嚴行懲治不稍寬假以肅幣政而儆貪婪理合呈請 鈞署查核辦理示遵再本廳擬將省內外徵收機關一律收受紙幣不准搭收現金並籌設各縣紙幣購換所兩事現與銀行研議辦法詳擬規章以

期通行無碍一俟計畫周妥再行專案呈報合併呈明謹呈

雲南

督軍
省長

公署指令

如呈通電遵辦仰即遵照此令電稿抄發

雲南督軍兼省長唐通電

電各縣知事行政委員釐金委員均覽征收賦稅釐金應儘紙幣收納早經財政廳
通令遵辦在案近因金融稍形滯澀聞各縣署釐稅局卡竟有折價徵收或拒紙幣
勒收現銀情事形問市儉大屬不合特再申做嗣後務須遵照通案先儘紙幣收納
如人民無紙幣時方准就地方情形征收金銀銅各幣倘再有折扣拒絕勒收等項
情事一經查覺或被告發定行撤究不貸仰即遵辦並布告週知仍將辦理情形及
該地金融情況呈報候核督省養印

呈督軍署請通令省外由銀行撥領薪餉各軍隊團營一律收受紙幣文

呈爲呈請通令遵辦事竊廳長受事後以富慎銀行紙幣兌現擁擠連日均往該總行

會同正副行長商議維持紙幣辦法昨據該總行將議決事件鈔錄送請核辦前來查議案內稱銀行奉令飭由各分行匯兌處撥墊軍餉如楚雄通海開化昭通等處據該行處報告每每需索現金現值金融吃緊之時分行匯兌處存現無多常川請由省總行發現接濟而途長道阻發解亦頗不易如奉撥餉項動需現金各分行處實難籌措目前公欸收入概用紙幣實爲維持紙幣信用之唯一方法若軍餉必索現金人民觀瞻所繫勢必貽人口實應請簽呈軍署通令各撥欸地方軍事機關及團營遵辦等語本廳復查所陳各分銀行及匯兌處存現無多由省解往道遠運艱軍隊撥款動索現金籌措困難各情洵屬實在所請轉懇 鈞署通令省外各軍隊機關遵照凡遇各該分行及各匯兌處撥交餉項一律收受紙幣勿索現金之處應准照辦理合具文呈請 鈞署銜核通令由省外各分銀行及匯兌處撥領薪餉之各軍隊機關遵照辦理并祈指令示遵謹呈

雲南督軍公署指令

呈悉查各軍隊餉項以兵餉居其多數士兵夫役人衆餉微用數又頗奇零五元以上紙幣即不適用各該撥餉軍隊之需現金自因支發使用找補種種不便若令概收紙幣必應先事計畫雙方兼顧應由廳飭行查酌各地方情形於各該處配發一元及角數紙幣暨銅幣只湏足以流通使用不感困難即無索現之必要且查駐非渡之六團第二營薪餉指由厘款撥發昨據該廳呈請以銀券各半撥給業經令遵在案應併由廳通盤籌畫具報再行核辦仰即遵照此令

呈 督軍 爲取緝軍政各機關公務員兌換多數現金以維持紙幣案呈請核令文

省長

呈爲呈請核示事竊查本廳長以富滇銀行兌換現金日形擁擠迭赴銀行考查得悉兌換擁擠之原因以省內軍政各機關兌換現金亦居其一蓋軍政各機關每以搭發零星薪餉必湏銀幣爲詞即向銀行兌取多數銀幣銀行以此種情勢所必有故對於各機關之兌換銀幣者大都如量兌換嗣因日來日多竟有一月之中換至七八次或五六次者暗地調查其中實係因公需用不能不頻來兌換者固亦有之而假借機

關名義換作私用或代親友兌換者亦所不免因之各法團及與銀行交易之商號遂亦相率效尤傾向銀行紛紛兌換銀行以彼例此應付殊難各機關公務員爲人民表率尤應共體時艱竭力維持詎得因兌換便利之故置公家金融於不顧本廳長已與富滇銀行詹行長籌備多數銀幣逐日擴充普通兌換而特種商業如米商之類關係民生日用者又率皆另訂兌換辦法兌換多數銀幣此後風聲一播人心自必漸定預料一月以後或可回復原狀則紙幣與現金自不致再有區別各機關發給薪餉亦不致因零星不便之故急求現金但在此短期內即使稍不便利務須忍痛須臾力顧大局如果必需現金應由各機關長官特具函條加蓋私章持由銀行酌量兌換不能借用某署某課某所通用圖章以示限制而防流弊是否有當除分呈外理合具文呈請鈞署 銜核令遵並通令各軍政機關遵辦謹呈

雲南省長公署指令

如呈通令仰即轉飭富滇銀行遵照此令

雲南督軍公署指令

呈悉所請係爲預防流弊起見應准照辦除分別咨令外仰即遵照此令

會同警務處軍省兩署呈請除前頒查禁生銀銀幣出省條例并繳銷各路檢查

員文

呈爲呈請核示事案查本省境內所有公務員及一般商旅攜帶生銀銀幣并由甲縣運送生銀銀幣至乙縣者均解除前次查禁條例一律准予運帶不必請給准單護照惟省城車站并大普集大觀樓大板橋鬼兒關各路仍暫照條例辦理曾經吳前廳長會同本處長呈請 鈞示在案茲本廳長到任後迭與富滇銀行行長詹秉忠商議數次并召集商會及各行商人徵集意見僉謂近來省城米糧各物異常昂貴均由省城查禁現金出境而起况現金既不能輸出貨物遂不能輸入因之交相受困且省城雖查禁現金出境仍囤積於私家并未布散於市面故查禁亦無裨益并環求解除省城查禁現金出境條例以期維持市面等情本廳長與詹行長再四研議及與各方面商

權所論亦復相同商之本處長意見亦合查省城禁止現金出境一事前因偷運甚多防不勝防始有此不得已之辦法今昔情狀迥殊靜觀默察覺此事障礙甚多裨益絕少應即呈請 鈞令頒發佈告立予解除俾市面人心爲之大定而維持補救之方始得次第著手所有原委各路檢查員一律令知銷差其解除查禁之後若發生窒礙之處本廳長願與詹行長完全負責其出口各邊要地方應嚴厲查禁之處仍照前呈酌核情形另案呈請是否有當除分呈外理合會文呈請 鈞署 迅賜查核併案佈告指令遵辦謹呈

雲南 督軍 公署指令

省長

呈悉昨據該廳處會呈請將內地各縣運銀弛禁當經核准省城各路並飭查酌情形辦理在案茲據呈與各方面商權均以解除省城禁令爲請自解除查禁之後該廳長願與銀行長完全負責應准自六月一日起將省城各路檢查一律撤銷弛禁仰候布告分令知照並飭遵前令速將邊地查禁辦法妥議呈復候核此令布告鈔發

呈省長署爲昭通釐員劉世英年滿長收請准留辦一年文

呈爲呈報昭通厘員劉世英辦理年滿較額長收請予照章留辦一年以資鼓勵事查昭通厘員劉世英自八年四月初一日到局起迄今已屆年滿之期核查該員差內經征正厘數目據現在電報至九年四月底止共十三月計征獲銀一萬九千七百九十三元以該局定額一萬二千元及四月分一千元共應比額銀一萬四千元較額實長征銀五千七百九十三元計在四成以上按照本省征收釐金暫行章程第八條所載各厘局委員年滿比較增收四五成以上者就所增收之數提給二成勞績金并得留辦一年之規定應請將該員自本年四月初一日起繼續留辦一年并按照增收數目提給二成勞績金以符定章惟此項勞績金仍請候留辦年滿再行統核發給所有昭通釐員辦理年滿請准留辦緣由是否有當理合具文呈請 鈞署鑒核令遵以便轉行 遵照謹呈

雲南省長公署指令

呈悉昭通釐員劉世英年滿比較報解釐款既經由廳統核長征四成以上應准如擬照章留辦一年並提給二成勞績金以示鼓勵仰即轉行遵照此令

呈省長議復警廳年功加俸文

呈爲核議呈請飭遵事案奉鈞署訓令開案據警務處處長兼警察廳廳長黃實呈復省區巡警職務較苦年功加俸辦法不能不行擬由職廳存欸項下暫行勻挪支報仍照前次擬呈加俸令自本年七月實行請查核備案並令財政廳查照一案後開查此項巡警年功加俸辦法既經該廳長聲明必要情形但事關財政能否通融辦理令廳核議具覆以憑飭遵等因奉此此案前奉鈞署令廳核議當以各機關服務人員積有資勞而苦無途升轉者正不乏人若巡警年功加俸一經准行則援例要求者必接踵而至事關全局固難准此駁彼而財力艱窘尤覺應付不易請俟庫款稍裕再行核辦等語呈經鈞署核准如議辦理在案茲續據該廳長以警察任務較各機關爲苦而巡警職務又較其他之警察人員爲尤苦此項年功加俸辦法實不能不實行擬由該廳

存款項下暫行勻挪支報一俟本省財政稍裕再請由庫款支給等情呈奉鈞署核以事關財政能否通融辦理飭應核議具復查原呈僅云存款初未指定何項收入夫存款必由收入而來而收入有列預算不列預算之分如係列入預算之款即係應解省庫之款若挪支墊用仍與由庫款實發無殊如係不列預算之款向歸該廳自行收支不經廳庫出入撥抵者以慣例論似不妨任其勻挪該廳之先自實行而後報鈞署備案且僅令廳查照者或即因此惟是理財與授祿之道原貴均平若該廳因有不入預算特別自行收入之存款可以供支遂實行巡警年功加俸則各機關之無此種存款者其積有資勞之人員將坐是而不得與警界享同一之權利詎不向隅倘竟執此爲詞紛紛援請似未便以該廳自有存款挪支無關財政爲拒絕之理由是以本廳對於此案無論由何款動支均未敢輕於議准所有奉令核議緣由是否有當理合具文呈復請祈 鈞署鑒核分令遵照謹呈

呈省長議復路警總局制服改用黃斜紋布文

呈爲核議呈復事案奉鈞署訓令據兼代蒙自道尹秦光第呈轉滇越鐵路總局長王承祺呈請將九年分春夏季服裝改用黃斜紋料製備一案令廳核議呈復以憑飭遵等因奉此查該局九年分春夏季服裝擬改用黃斜紋料製備請由廳庫支發銀肆千元不敷之數由該局流存罰金及雜款項下撥支若云係爲整頓路警觀瞻維持國家體面起見本應照准惟查現時財政狀況困難達於極點每年收支不敷之數至壹百數十萬元各機關經常費用尙且不能按月照數發給以致積欠至數月之久何有餘力再供他項之支付該局此次改製服裝據原呈稱約需工料銀陸千餘元比照歷年請領之數計超過叁千餘元實覺無從籌措雖曰觀瞻所繫體面攸關然財力只有如此殊難兩全至該局收入罰金及雜款流存照各機關通案或應如數解繳廳庫核收或即撥抵每月應領之經費若截留存局作別項之支用仍與由廳庫實發無殊況此種製備服裝之款由廳庫發給者不僅該局一處如省會警察箇舊警察設均援例要求爲數尤鉅如此准彼駁固非平允之道若一律照准財力又實屬不支故不敢輕

予議准擬請鈞署轉令該局長遵照此項服裝費用仍照舊案之數請領製發其流存之欸應照各機關通案辦理俾歸一律而節度支所有奉令核議緣由是否有當理合具文呈復鈞署鑒核分令遵照謹呈

呈省長呈報新章第三年度第三期各厘局考核比較文

查新章第三年度第二期各厘局考核比較案業經廳署照章考核列表先後呈送鈞署鑒核指令彙行各該局員知照在案茲查九年一二三等月爲新章第三年度第三次考核之期自應繼續考核以符定章現據騰衝厘員陳興廉威遠厘員嚴天驥新營厘員陳念祖思茅厘員張國彬曲靖厘員苟祖培剝隘厘員趙葆齡蒙化厘員易文煥牛衝厘員魏宗唐永昌厘員周克明永北厘員宋廷勳漫乃厘員蕭坤飯朝厘員毛鼎平彝厘員鄒裕泰楚雄厘員繆嘉煦龍陵厘員張其崑嵩明厘員翟建勳昆陽厘員張世勳箇蒙厘員高鈺姚安厘員王繼昌六城厘員白之瀚宜良厘員李毓嵩羅平厘員楊文林東川厘員王政齊武定厘員陳洛書陸良厘員周敬修墨江厘員李煜蘭尋甸

厘員曾潤章副官厘員朱宗繇仁和厘員高士勳景東厘員楊濟源通海厘員曾文林
蒙姑厘員李紹漢開化厘員王嘉福阿迷厘員周汝誠臨屏厘員朱翼竹園厘員徐曾
祜順甯厘員曾應燾宣威厘員段儒綸麗江厘員劉奎光昭通厘員劉世英等先後電
呈經征釐款數目到廳自應查照各該局應解額數考核盈絀情形分別應否酌記功
過列表呈請 鈞核示遵其鎮雄井渡緬雲下關四局一俟收數報到即行廢續考核
呈報辦理再核各局所報厘款長征者寥如晨星短解者比比皆是閱其短解之由率
藉口於匪患災荒然証以諮訪所得內中確受影響之局不過少數可以解足定額而
假借影響之名任意短解者實居大半若不嚴厲整頓其屬有碍權政現已由廳審酌
情形擬定分區委員詳細調查各厘局實收確數章程另案呈奉核准至目下考核辦
法擬分爲兩層其六月以前者考核稍寬其自七月以後則按照現章考核除認爲實
有特別原因之局外概不稍予寬假俾期振奮合併陳明謹呈

計呈各厘局考核比較表四十張（載雜錄類）

呈報省長統核楚雄厘局年滿比較文

呈爲呈報統核楚雄厘局年滿比較案請祈鑒核令遵事查卸楚雄厘員嘉繆煦自七年十二月初一日到局起至九年三月底交卸止計在差一年零四個月共收正厘銀壹萬壹千捌百貳角捌分貳厘照章以該局年額對月攤比共應比額銀壹萬陸千元較額合短收銀肆千壹百柒拾壹元柒角壹分捌厘茲將該員前繳之保證金銀捌拾元及放存銀應得之息銀肆元零捌分如數沒收作抵外仍合短收銀肆千零捌拾柒元陸角叁分捌厘核計在二成以上按照現行新章所定年滿比較短收辦法短收二成以上者應受褫職處分該員履歷內載援有陸軍三等軍醫正之職本應呈請照章辦理以資警惕惟念短絀原因該員前在差內亦據迭次呈明係由於盜匪大肆劫搶商貨異常減少所致核閱似不無可原所有該員此次統核比較短收實屬有因擬請免予褫職處分從寬酌記大過二次藉示懲儆至以後統核各局比較案時應即照章從嚴核辦不再假寬庶各員有所警懼而厘務或可稍資整理於萬一理合具文呈報

請祈鈞署鑒核令遵俾便轉行知照謹呈

呈據東川井業公司繳股息撥作自來水公司官股文

呈爲呈報事案查東川鑛業公司應繳民國六年分官股應得五成息銀壹千柒百壹拾貳元伍角五成紅利銀陸千捌百伍拾元七年分官股應得五成息銀三千元五成紅利銀貳千元共銀壹萬叁千伍百陸拾貳元伍角前經呈明撥作自來水公司官股本銀由廳函達東川鑛業公司如數於民國九年四月二十九日撥交自來水公司核收在案茲據自來水公司於六月八日交來收到本廳官股本銀壹萬叁千伍百陸拾元第壹百號收據一張查閱此收據內聲明日後持據換填股票等語隨由廳將此收據一張令發分金庫保管並據該公司將零數銀貳元伍角隨據呈解到廳亦經令發分金庫收入正款支用除另案填證撥作收放外所有收撥緣由理合具文呈請鈞長查考謹呈

咨

咨實業廳將鑛務科職員書役並僑商招待處關防圖記先行咨交接收文

案奉省長公署訓令查本省實業廳廳長業委吳琨充任本署現設之實業科暨該廳原設之鑛務科及省會原設之水利墾殖總局均應一律歸併該實業廳辦理除關於水利墾殖總局歸併一案已另文飭該廳知照其本署實業科歸併情形續令該實業廳遵照外所有該廳原設之鑛務科即以該實業廳成立之日爲該科歸併之期凡科中一應事務及職員書役卷宗器具暨每月領支經費數目應由該廳長尅日造冊移交該實業廳長接收具報除令實業廳長遵照外合行令仰該廳長即便遵照辦理此令等因奉此自應遵令將本廳原設鑛務科咨交接收所有該科原管卷宗器具容俟另文造冊咨交茲將職員書役先行列表咨交 貴廳長接收管理又僑商招待處預將來僑商來滇開採鑛產亦屬實業範圍請將僑商招待處木質關防壹顆木質長方備圖記壹副暨案卷壹宗咨交貴廳接收管理除呈報外相應咨請 貴廳長查收見復此咨

計咨送鑛務科職員書役姓名表二張木質關防一顆長方圖記一副案卷一宗

咨全省菸酒公賣局議擬暫禁煮酒辦法文

爲咨請核辦事案奉省長公署令查滇省近歲以來迭遭荒歉本年入夏以後天時又復亢旱以致各處糧價高昂貧民購食維艱現據各縣紛紛呈報災歉情形均經令飭酌籌賑糶惟來日方長復繼爲難自不能不再預爲籌畫藉資救濟查民間煮酒消耗糧食爲數甚多值茲凶荒亟應設法督行禁止以維民食合行令仰該廳長即便會同菸酒公賣局酌量妥商辦法通令各屬遵照辦理並具報查核等因奉此查釀酒原料大都以穀麥及各種雜糧爲之現值米值昂貴民食維艱自不能再以有用糧食供無益之消耗惟酒稅事隸貴局主管應如何議擬暫禁煮酒辦法之處相應備文咨請貴局查照主稿會銜通令並呈復爲盼此咨

咨復交涉署准咨奉省長令據河口督辦呈請借款修建市屋後由俱樂部分期

撥還一案應暫緩議文

爲咨復事案准 貴署咨開案奉 省長公署訓令據河口對汛督辦余冠瓊呈此次河口發生火患元氣大傷集紳議決仿照老街改良辦法擬由河口富滇分行暫借銀貳萬伍千元先就此次被災當街地點修建磚瓦舖面一俟修竣連同地基估值陸續轉售人民或計值出租陸續收入攤還銀行欠款如虛產難盡售歸欸無期請由河口俱樂部下每期提還銀壹千元分爲四年償清將來則此項房屋永爲公家所有等情一案咨廳查照核議賜復以便轉呈等由准此查該督辦所擬借款修建河口當街磚瓦舖面自係爲整理市政興利防患起見擬辦尙無不合惟現當市面銀根奇窘銀行停止放款期間難照借至該督辦署所收之俱樂部捐款除撥支該署額活支經費各款外餘數尤應按期掃提報解何能擅提所請均應暫作緩議准咨前由相應備文咨復 貴署查核聯銜轉呈 省長公署令飭遵照此咨

咨鹽運使據催收委員黎元熙會呈請轉咨飭令場知事將收獲灶薪報解文

爲咨會事案據催收石膏井第二屆舊鹽欸委員黎元熙會同監查催收委員楊榛林

呈稱竊委員元熙前卸督煎總辦任移交提舉任內各井灶戶薪本銀捌萬玖千壹百捌拾元零柒角陸仙捌厘柒毫玖絲經後任楊總辦開元接收并呈報在案嗣楊任扣收報解共銀貳萬貳千叁百叁拾元零玖角陸仙伍厘柒毫式絲九忽以後場官均未報解民國六年呈請鈞廳轉咨鹽運使飭各場署扣收報解經咨覆鹽務改章須俟一年再行扣收飭知報解等因於是年十月內奉鈞廳令知在案現計兩年有餘前項灶欠迄未經各場知事扣收報解此次委員等抵磨黑井偕到場署檢閱冊報計該井現扣收銀伍千貳百肆拾叁元叁角柒仙伍厘各灶實欠銀壹萬捌千捌百叁拾肆元壹角叁分貳厘石膏井分場現扣收銀柒百肆拾伍元壹角各灶實欠銀捌千肆百零陸元零柒分隨與吳場知事商請將現扣收者報解其實欠在灶戶者陸續限年扣收庶使灶力稍紓於場務亦無妨碍旋准吳知事函覆此項欠款係墊支灶戶辦薪歷任迭次移交有案現未奉有運署令文遽難代收等語查委員前在提舉任內所墊灶薪爲日已久諗知灶情困難未遽嚴催清款今准吳知事函覆前由應請鈞廳轉咨鹽運使

令各場知事將已收者報解實欠灶戶者限年扣收實爲公便再委員榛林薪工旅費照章於收獲鹽款項下撥領今磨黑場扣收灶薪有款遵章向其撥領均以未奉運使令文未允支撥請轉咨令飭照撥俾資接濟等情據此查此案前據黎委員元熙具呈當經咨准 貴署咨此項借墊灶薪舊款應俟灶戶自收薪本之案實行一年之後始能陸續扣繳還款等語當即令行黎委員知照各在案計已兩年有餘自應照案扣繳還款據呈前情除指令外相應咨請貴署查照轉令各場知事將已收各灶借墊薪本報解其實欠在灶戶者限年扣收解繳以清積案至楊委員榛林請由此項收獲款內撥支薪俸旅費亦請轉令查照撥給實緝公誼此咨

咨交涉署奉令將考察越南財政書類八本咨送文

案奉 省長公署訓令據本署參事胡開雲呈報考察越南財政金融情形到署合行抄單令發該廳仰即查酌辦理并將財政書類咨送交涉署酌量譯出呈閱等因計單一紙越南銀銅幣大小共八枚財政書類共八本奉此除將銀銅各幣發庫暫存外查

奉發財政書類卷帙甚多是否逐卷譯出相應咨請貴署酌核辦理見復此咨

咨催交涉署咨復法國志利洋行運錫出口完納釐稅辦法文

爲咨請迅予見復事案查前准貴署咨開准本廳咨奉

聯帥
省長

公署訓令填送法國志

利洋行運錫出口准單一案咨廳查照辦理等由復經續商貴署核明見復以便分別辦理在案迄今爲日已久尙未准復相應備文續咨 貴署酌核迅賜見復以憑辦理此咨

咨蒙自道轉令錫務公司組織運輸公司文

爲咨行事案奉 省長公署發下准駐英公使施函稱敬啓者接准本年十一月十五日貴署公函內開箇舊大錫爲滇井出產大宗因鍊冶未精僅能銷售香港轉傳洋商致價值等項每爲港商所操縱屈本館調查現在英國市面必須鍊就何種成色之錫方能暢銷並仿照精鍊後用何方法方能直接與英商交易又英商每年約可認銷若干斤並箇錫市價情形等因准此查鍊錫成色自以純淨爲最上惟各地需要情形不

同而需錫成色各異吾國現在鍊法未精必不能得純淨之錫然總宜鍊出一定成色俾需用者知若種成色適合何種需要至與英商直接交易一層查英商業錫者大公司不過四五家用錫向由港商或英商專業運錫公司承銷吾國既乏船隻運往歐洲目前與英商直接交易一時恐尙未能實行查香港有華人設立之公司 The Bao Lee Trading Co 專業進出口貿易股實可靠總經理人鄭君叔蔭既擬組織運輸公司如與此公司合辦或可較易着手戰後錫之銷路較前稍減箇舊大錫英市面並無市價茲將最近錫價錄下三月價每噸三百五十鎊四月拋賣每噸三百五十八磅五月拋賣每噸三百五十六磅六月拋賣每噸三百五十八磅至三百四十六磅三月期三百五十八磅至三百六十磅後復跌至三百四十六磅閉市時又至三百四十八磅此市價大概也相應將近年來錫之銷數並英商業錫大公司及運錫公司名單附寄函復查照辦理等因交廳核辦奉此查香港既有華人組織設立之運輸公司如能與之協商辦法自可救濟一時免外人任意操縱除行箇舊錫務公司查照外相應

照譯原單備文咨請貴道尹煩爲查照希即令行箇舊縣轉知商會參酌辦理實級公
誼此咨

咨騰越道轉令永漾兩縣從速劃撥三里地土文

爲咨會事案奉 省長公署訓令開案據永平縣知事張域成呈稱爲呈覆事案奉騰
越道尹公署訓令第二百零四號開案准雲南財政廳咨開爲咨會事奉鈞署訓令開
據漾濞縣知事羅振銘呈稱疆域久懸行政困難懇祈查案劃撥以順輿情等情到署
一案除原文有案請免冗錄外後開合行令仰該知事遵照原案將各處劃定土地及
戶口錢糧等項分別咨交接收辦理并造具錢糧戶口清冊逕呈財政廳核辦勿違切
切此令等因奉此遵查職縣以原有一萬三千餘戶口之縣分自民國元年劃設漾濞
縣治割去疆域丁口糧稅十分之七原議保山順甯均係五六萬戶籍之衆迭經委員
會勘相度地勢各就天然界址劃撥補助在大府更張輿圖褒多益寡莫非爲整理疆
域便利行政起見查職縣西界保山則以江橋爲界江東之杉木和劃歸永平南界順

甯仍以大江爲界即劃江外四里歸隸永平縣之東北以勝備橋爲界劃界漾濞奉令之下保屬之杉木和已交付清楚勝備橋下應歸漾濞之數十村寨亦已照案劃交惟水竹坪迤古摩寥寥數十戶零星散漫插花甌脫故致發生軼轍然總核全數其蒂欠未交者不過百分之四五耳惟順甯地大物博其江外四里於到貼北界距永平僅四十里距順甯縣城則以四五百里或五六百里不等其間居民大都刀耕火種讀書識字之人百無一二且終身未入縣治者尤居多數該縣長官鞭長莫及不徒整理內政力所不逮即一切征收糧款稅課裁判民刑訴訟皆操縱於該鄉一二士紳之手是以該處保董以管公起家積資鉅萬者指不勝屈每遇會勘時均係該保董等出而爲梗當委員或官長未到之先即擇適中處所號召鄉民會商抵抗方法并教該愚民等衆口一詞同稱死不願意即舊歲蕭知事至水洩而舊保董楊文鴻與新保董蔣霽香仍以此法對付蕭知事亦遂墮其術中作種種支吾塘塞之語呈復上台查原案指劃江外四里戶籍在二萬以上繼而多方爭執退至黃庄了口再退則至苟街嗣承前民政

長令委楊李兩委員協同順永官紳一再會議又復縮小範圍指定永順大河及迤古河爲界按戶籍糧稅論已照原案減去十畹之九矣而該保董等猶以妨礙私人權利逞其鬼蜮伎倆居間作梗不徒職縣戶籍過少選舉無効且當此國家有事之時即征兵籌餉練團等事靡不困難萬狀况省政府統籌兼顧命令既出威信所關豈容該保董等任意刁難設蕭知事不存袒護權紳之心暴民專橫法律具在執行成案當交即交何爲出此展緩遷延之計一則曰代收錢糧再則曰咨交訴訟莫非巧立名目藉圖塞責耳不然於此一年之久何以錢糧訴訟二項完全不成事實如果聽其始終敷衍尙復成何政體知事自接任後訪悉此莪莪小邑地瘠民貧苦無補救之方乃檢查多年擱置之檔案一再親往履勘并繪圖附說呈懇前道尹由轉請令飭順甯結束前案乃順甯於原議應劃之江外四里竟縮爲半里亦尙措不交付而漾濞又以劃割未清之區區數十戶出而返呼於後知事爭割順地尙未入手斷難遽交漾地奉令前因理合錄陳原委備文呈祈鈞署俯賜衡核示遵謹呈等情據此除以呈悉查順永漾三屬

界務早經定案嗣值整理疆界之際此項界務應亟從速結束復經令飭財政廳咨商騰越道尹轉飭各該知事遵照原案迅即劃分清楚在案昨於第一千二百零八號訓令整理疆界辦法案內又復規定凡各地方有與鄰封間之界址前未劃分清楚者應亟會紳前往勘明繪圖具說呈報該管道尹查核但雖未實行劃撥而曾經定案者不得藉詞希冀變更應靜候另令辦理等因通令遵照亦在案茲據呈覆前情查此次整理疆界事在必行該順永漾三屬界務既經定案豈容任意藉延不劃該順甯應行劃歸該縣各地自不能聽蕭知事遷延展緩而該縣應行劃歸漾濞各地該知事亦應遵令從速劃清原呈稱知事爭割順地尙未入手斷難遽交漾地等語是竟視國家土地爲該知事等私產措詞荒謬應予申斥除再令財政廳咨商騰越道尹嚴令各該知事遵照原案從速劃撥外仰即遵照此令等因指令外合行令仰該廳長迅即遵照辦理切切此令等因奉此查此案前據漾濞縣知事羅振銘呈疆域久懸行政困難請查案劃撥以順輿情等情呈奉 省長令廳當經咨道轉令永漾兩縣知事將此案提前辦

理遵照原案將各處劃定地土及戶口錢糧等項逐一分別咨交各該管縣知事接收辦理並造具錢糧戶口清冊呈廳核辦在案嗣又據永平縣紳民王司才等呈請嚴飭順甯速行照案劃撥三里歸永以整疆域而紓負擔等情呈奉 省長令廳又經抄錄原呈咨請 貴道尹查明併同前案轉令遵照辦理亦在案茲奉前因相應咨會 貴道尹希即嚴令永平濠濼各縣知事遵照原案從速劃撥咨交清楚造具錢糧戶口清冊呈廳核辦盼切此咨

函復文廟紳管修理祭品樂品應照辦文

逕復者接准來文備悉種切此次籌修 聖廟自應力求美備修明禮樂以隆祀典而昭敬誠茲得諸君子大力提倡修舉殘缺并荷陳君古抑願盡教習樂舞之義務實爲吾道之光尤本廳所極願贊助樂觀厥成者所請飭下委員修理祭品并給示勒石各節案經分呈希俟 省署核示轉行遵辦可也相應先行函覆即煩查照

委任令

委任顧作梅爲本廳秘書令

本廳文牘主任員顧作梅着升充本廳秘書此令

委任李厚光接辦景東釐金令

案奉 省長令開據本廳呈請以本廳一等科員李厚光接辦釐金一案如呈准以李厚光接辦景東釐金仰即查照給委飭遵此令等因奉此合行令委仰該員即便遵照前往接辦此令

委任陳椿接辦仁和釐金令

案奉 省長令開據本廳呈請以存記釐員高等檢察廳書記官陳椿接辦釐金一案如呈准以陳椿接辦仁和釐金仰即查照給委飭遵此令等因奉此合行令委仰該員即便遵照前往接辦此令

委任虞鉞沈鍾二員前往呈貢富民等屬調查米少情形文

案查省城區域寬廣人煙輻輳需米甚多本地出產糧米不敷食用向由近省各屬運

米進省添資接濟故省城需米雖多米價仍不甚昂乃考查近月以來各屬運省之米頗覺稀少省城米價遂致昂貴異常以省城去歲收成尙好不應昂貴至此推原其故各屬或因收成歉薄或因輸運困難或因糧戶囤積居奇或因米商抑勒減價或因感受金融影響或因填補本地倉儲以致少於運省接濟亟應委員前往產米各屬分別調查期得真相茲委卸保山縣知事 虞鏡 調查 呈官 宜良 徽江 路南 昆陽 晉甯 玉溪等七屬 沈鍾 富民 武定 嵩明 易門 安寧 羅次 祿豐該員即照調查事項尅日束裝起程按屬調查詳細呈復核辦仍先照章赴本廳請領旅費以利進行除呈報分令外仰即遵照辦理切切此令

近省產米各屬調查事項

- 一 該屬每年約產米若干石
- 一 該屬每年所產之米除本地自食外約運省售賣若干石
- 一 該屬產米共分幾種每種折合省斗(壹百貳拾斤)價值若干
- 一 該屬每斗米至省用運費若干雜費若干輸運是否爲難

一該屬去歲米穀雜糧收成如何

一該屬米石是否秋收後由糧戶收儲備售有無大宗糧戶或係零星糧戶

一該屬運省米石是否糧戶自行運售抑或米商轉買運售及米商糧戶買賣情形

一該屬糧戶有無囤積居奇米商有無抑勒減價情事

一該屬買賣米石是否紙幣銀幣銅幣同一價值有無多寡區別設有區別每斗數

至若干

一該屬積穀實存若干石地方倉穀又各實存若干石有無已糶賣未填還之數設未填還其數若干

令委 蒙自 箇舊 兩縣知事檢查箇碧鐵路銀行發行憑票數目文

案奉 督軍 省長 公署訓令據箇碧鐵路公司總理陳鈞呈印就憑票式樣及收同期票改

發憑票一案到署查該公司組織銀行發行憑票前據擬定銀行章程會議核准飭遵在案依照該章程第五條銀行得準備十足之現金以憑票替代收支第六條替代收

支之憑票以準備現金之多寡爲發行之公差呈由本省政府委員檢查核定之茲該公司已將憑票印就發行究竟數目若干準備現金幾何文內並未據聲明又此項憑票既訂明爲替代收支而設金額係臨時填註是一種單據性質絕非銀錢兌換券所稱審定票樣無案可稽照八年三月廿七日政務會議議決案此項票式及條件擬定後應先行呈核迄後並未據該公司呈核有案茲據呈到票樣大小不同區分三種如何用法並無條件且該公司所組織之銀行資本總額爲一百萬元章程內第二條業已規定明白第十六條銀行須經委員檢查後始得開始營業所有該銀行之資本是否已照章籌足何日開業並未據報經委員檢查有案從前所發之期票實數若干曾令蒙自道尹檢查亦未據復現在如何收回改換文內亦無具體之辦法是銀行之自身問題尙待解決遽然又發行憑票未免與法令抵觸應由廳照章委員前往分別切實檢查明白議擬呈候核辦仰該廳即行遵照辦理具報此令等因奉此並准函致到廳查箇碧鐵路公司組織銀行發行憑票曾經核定章程在案按章程第一條本銀行

資本由鐵路公司先劃撥壹百萬元俟營業範圍擴充再隨時酌加第五條本銀行因營運路款之便利得準備十足之現金以憑票替代收支第六條本銀行替代收支之憑票以準備現金之多寡爲發行之公差呈由本省政府委員檢查核定之又第七條本銀行憑票票面金額臨時填註蓋章行使但積數不得逾核定之總額各等語是該銀行於開業之先即須籌壹百萬元之資本其發行之憑票數目應以準備現金之多寡爲衡並不得逾核定之總額現該行已將憑票印就發行究竟數目若干準備現金幾何又營業資本曾否照章籌足何日開業並期票憑票如何收回改換亟應委員照章檢查以昭核實茲委該知事會同

箇箇縣知事希禹
蒙自陳知事英炎

親往分別檢查明白呈復以憑核

辦勿稍徇延除呈報並分令外合亟令委仰該知事即速遵照辦理此令

委令分金庫庫長孫蔭堂檢查殖邊分銀行發行鈔票及現金保證準備文

案查滇省殖邊分銀行發行鈔票及現金準備保證準備營業資金各數目前經呈奉省長公署令准每屆六箇月檢查一次計自九年一月一日起至六月底止已屆檢查

之期自應照案派員檢查茲查該員堪以委往檢查合行令仰該員即便遵照會同省長公署委員前往該分銀行將自九年一月一日起至六月末日止所有發行鈔票及現金準備保證準備營業資金各數目分別檢查呈報毋得徇延切切此令

令委尙嘉會探運越米文

案查省城近因米價昂貴民食維艱曾經 省長公署議定採購越米肆千噸運省接濟現正籌款匯交海防匯理銀行代購惟催運糧米各事亟應委員前往經理茲查有存記縣知事尙嘉會堪以委往會同海防照料委員張南生辦理該委員每月支薪水銀肆拾元自由省起程日起支其在雲南境內來往行住旅費照章支給越南境內行住旅費自與內地不同應切實支用事竣造具清冊連同單據呈候核發除呈報分令外合亟令仰該員即便迅速前往辦理並將採購催運情形會同張委員隨時呈報查核并先繞至蒙自縣與駐蒙匯理銀行經理梁子惠君會晤商辦切切此令

訓令

訓令各厘局各商稅局據實報告征收情形并力願解額文

照得各局厘稅收入爲本省歲入之大宗上關軍政指授要需下則商民血汗所出當此用度浩繁司農仰屋之際全賴征收官吏潔身自愛涓滴歸公庶可裕收入而資應付乃考查各局比較解款長餘者絕無而僅有短絀者則比比皆是不籍口土貨之歉收即諉爲盜匪之阻碍究其實際箇人之豐盈如故包收之認額非誣以國民交瘁之時而徒爲自肥之計撫衷內省能無歉然本廳長視事以來查閱春季各局解額比較表短收者甚多揆諸本年捐稅情形應比往年加旺而報解止此寔無以爲該委員等自解合行令仰該委員遵照於奉文十日內將該局征收情況據實陳明究竟每年實在收入幾何貨物及各分卡情形若何零星副課確收若干務當和盤托出以憑核辦洵知該屬各分卡包收數目及縣地零星之多寡均爲衆所聞見現已派員分途嚴密考查期得精確之報告俟該局員及新委之員查報到齊互相印証虛實立分即當從新規定解額盈者量加紉者酌減於加減之中仍爲該局留有餘地足資辦公

以期公私兩益調劑均平就不至竭澤而漁亦決不吹求既往切勿稍涉欺朦徒以空文爲搪塞之具迨經查實虛僞不免畢露即問心何以自安至現訂之各月解額尤應認真整頓報解足額現正妥訂章程加嚴考核計日程功幸勿再有虧短希圖嘗試仰卽凜遵辦理尅日呈後勿稍違延干議切切此令

訓令各縣局經徵糧賦釐稅收獲之欸應全數交由富滇分銀行匯解來省文案查經徵糧賦釐稅局署收獲之欸應全數交由富滇分銀行匯解來省早經本廳迭次通令遵辦並令富滇分行免收匯費在案乃日久玩生各縣局照交者十僅一二往往自行交商匯解致各地分行時受銀荒之影響而挪移積壓之弊日多殊屬妨碍金融於徵解考成亦無以自解以本廳訪聞所及其所以不交銀行必交商號代匯之故不過存於商號可以生息由此匯彼可得滙水逐此蠅頭之利遂至故違功令罔利營私此種情形殊堪痛恨雖未必通省皆然而如上所述違令圖利者正復不少若不重申嚴令殊不足以重公欸而杜弊端除分行外合行令仰該

知事遵照嗣後徵獲各欸

除坐支外務必遵照通案甲月之款於乙月十日以前如數交由該處或附近之富滇分銀行匯解來省不准再行私交商號代匯更不許任意積壓不解現已令飭富滇銀行將各分行力加整理并添設匯兌處於各地以便該署局等就近解交此後并隨時飭由總行核查各分行收款情形則該地方每月收入是否悉數交行匯解不難按圖以索倘經此次通令之後仍敢玩違不遵希圖微利本廳長惟有執法相繩分別情節重則呈請撤換輕則記過停委言出法隨決不寬假幸勿視同具文妄爲嘗試自貽伊戚是爲至要其距省較近於分行之各署局收獲錢糧釐稅各款仍解繳本廳分金庫核收切切此令

訓令鎮雄釐員補解短額牲稅文

案查接管卷內據該委員呈送八年十一月十一日起至九年一月底止征獲商牲稅比較盈絀表到廳除商稅一項候另案核辦外查牲稅定章收不及額者應負賠償之責該委員自八年十一月到差起至九年一月底止共報收牲稅銀壹百柒拾陸元肆

角柒仙伍釐以定額計算應解銀貳百貳拾捌元叁角叁仙叁釐比較解到之數合短收銀伍拾壹元捌角伍仙捌釐照章應令如數賠繳合行令仰該委員即便遵照解繳勿延此令

訓令通省各厘局准雲南府分關函請查驗海關內地子口票地名塗改文

案查接管卷內准 雲南府海關總辦安函開敵關近查本城洋行有將海關內地子口票上之地名塗改塗改時並未呈到海關簽字加蓋關印而另加蓋洋行圖章於地名之旁者商人攜得此等洋行之子口票運貨入內地時聞可放行無碍但查此等塗改手續實屬違背海關章程自應嚴行取締爲此函達 貴廳長查照懇速行文到內地各厘金局遇有此等洋行塗改地名之子口票應行扣留並將海關子口票送回海關以便按章處罰實緝公誼等由准此除分行外合行令仰該員即便遵照認真辦理勿稍疏略切切此令

訓令各釐局奉財政部准將寧波翔熊機織軟席出品准予免稅文

案奉財政部令開准浙江省長咨稱據實業廳呈稱甯波翔熊機織軟席工廠所出軟席及附屬之席製椅墊桌罩等件不特原料出自土產即機械亦屬自製曾蒙農商部特予專利請咨行稅務處財政部准予一律免稅等情咨請查照辦理正核辦間復准稅務處咨稱浙江省長咨請將甯波翔熊機織軟席工廠出品准予免稅一案該工廠機製軟席及附屬之席製桌罩椅墊花席等件經本處驗明實係出自心裁發明一種草料紡織品應准自本年四月十一日起扣至明年四月十日止免納海關出口正稅及復進口半稅五十里內常稅二年以示優異至三角草及草紗係屬未製成席之原料不在此次免稅之列其內地稅釐應如何辦理應另由貴部核奪各等因到部查此項軟席及附屬之席製椅墊桌罩等貨品既經稅務處驗明實係出自心裁發明一種草料紡織品似應酌予獎勵所有內地各常關稅局應納稅釐除崇文門落地稅仍照章征收外即照海關稅辦法自本年四月十一日起扣至明年四月十四日止暫予免征一年一俟免稅期滿仍當照章納稅至該工廠所出三角草及草紗係屬未製成席之

原料自不在此次免稅之列除分令外合即令仰該廳長遵照辦理可也等因奉此除分行外合行令仰該員即便遵照辦理此令

訓令昭通縣奉省長公署令據該縣電呈疊餉不能以紙幣關放請撥發現金一案令行遵辦文

案奉省長公署訓令開據該知事濠電稱疊餉一項歷來係用銀元及生銀宰塊散放現昭行撥發紙幣該疊習慣絕不能改請令財政廳速飭總行電昭分行籌撥現金立待散放以免生事等情據此合行令仰該廳即便查核飭遵具復等因奉此查此案前據富滇總銀行呈廳當經本廳呈奉督軍公署核以該知事對於信用紙幣當然有維持之責以昭縣之大似此少數現金豈無可籌措之處况一應上納公款早經明令以紙幣征收與現金原無區別疊餉雖不能以紙幣散放該知事亦當設法籌易乃計不出此而請由省籌發地方官尚且如此勿怪金融愈見窘迫殊屬不明事理仰即轉飭遵照并嚴予申斥等因由廳轉令遵照在案茲奉前因應由該知事遵照前令辦理

除呈復 省長公署外合行令仰該知事即便遵照辦理切切此令

訓令昆明縣知事據呈報招商承辦木捐增加包款暫撥辦團文

案查接管卷內奉 省長公署令開案據該知事呈稱案奉本廳訓令開奉鈞署訓令開據該知事呈報招商承辦木捐增加包款暫撥辦團一案後開查該縣團款不敷擬請暫撥增加木捐固屬以公濟公惟團款每月不敷至七八百元之多而木捐加款年祇七百八十元月攤不過數十元挪用似亦無濟於事應否照准即由廳核飭遵辦并飭令該知事迅速集紳另行設法妥籌添助以期持久仰即遵照辦理仍具復查考此令等因奉此并據呈廳查昆明縣此項木捐每年增加之七百八十元前經飭令該知事另行提儲留備他項地方公益事業之用不得移作改編團保之需分別呈復飭遵在案茲據該知事呈稱現正改編團保需款方殷集紳統籌均懇轉請仍撥此款木捐加增之數以濟急需等情核查該縣此項木捐增加包款數目誠如訓令所云該縣團款每月不敷至七八百元之多而木捐加款月攤不過數十元挪用似亦無濟於事但

該縣需款既殷暫准挪移添用俟籌有的款再行提儲除呈報外合行令仰該知事遵照並一面迅速集紳另籌的款添助以期持久切切此令

指令

指令分金庫庫員周鼎臣呈報委赴寶華公司會算帳目文

呈悉查寶華錫鑛公司八年分營業入出賬目既據該員會同鐵路局查賬員將該公司八年分出入帳目底簿詳細核算按散合總均屬無錯並將比較盈虧兩表查對亦屬無訛自應准將呈到盈虧表附卷備案仰即知照此令

指令麗江釐金兼十五區商稅委員呈報認加商稅解額文

呈悉查麗江商稅原定銀伍千元現將火腿等六項劃歸征收新加年額叁百元共合年額五千三百元應准將新加之三百元按照陰歷曆正三三個月期間對照陽歷月分每月加銀五十元共一百五十元其餘一百五十元按九個月平均攤加茲由廳照新額另行擬定逐月比較表隨文令發作為定案仰即遵照表定月分額數認真征解

勿違此令

指令文山縣知事呈送印甘各結領太和當帖文

呈悉據稱該當商姚含章等前擬集資開設泰然當今改爲太和當於九年陽曆七月十六日開肆等情既經該知事查明屬實取具甘結加具印結呈請當帖前來自應照准發給以資營業查三分當每年應納課銀叁拾捌元陸角貳仙伍釐自開肆之日起查照陽曆計日攤算截至九年十二月底止征收解繳以後即遵章按年征解以符通案再查作奉部令整頓當業明定請帖期限暨加征帖費課銀等因現正籌辦尙未定案一俟定案後再行令照新章辦理茲係暫照舊章發帖仰即遵照將帖查收轉發該商承領仍將奉到轉發日期具報查考切切此令

指令平彝縣知事呈查訛糧書吞賦文

案查接管卷內據該知事呈覆奉令查訛糧書胡季梁等侵吞糧賦因糧數紛繁一時不能得其真相呈請查核等情到廳事關書吏舞弊仰即認真督飭理財科員書及該

紳民楊芹洲等澈底清算研訊確情議擬呈覆核辦勿稍徇延切切此令

指令蒙化縣呈穀價增漲數倍請將積穀變米平糶文

呈悉查該縣積穀前據該知事結報接准前任李春曦咨交倉存積穀壹萬零陸石玖斗餘升除元年平糶局欠京石穀貳千玖百餘拾石又芮克昌等虧欠穀捌百玖拾餘石除七年縣屬大倉等約被水成災賑去穀貳百石外實存倉京石穀伍千玖百玖拾伍石餘斗存銅錢伍千肆百玖拾肆千陸百餘拾文等情到廳當經核明符合飭遵在案茲據呈稱該縣去歲秋收歉薄本年小春亦未能豐收穀價增漲民生困苦擬請將倉存積穀發借叁千叁百京石碾米設局平糶核與定章借放六成之數相符應准照辦仰即遵照督紳妥爲辦理事竣造冊呈核并將平糶局欠繳穀貳千玖百餘拾石芮克昌等虧欠穀捌百玖拾餘石趕速催繳人倉具報切切此令

指令鳳儀縣據報借款購米開辦平糶文

呈悉查該縣屬正德利用厚生六倉并紅岩倉存積穀前因上年青黃不接民食維艱

該前知事呈准全數出糶以濟民食嗣因穀價昂貴驟難買還呈請將糶獲價銀暫行放商生息俟穀價稍平即行買補入倉并議擬先事預防辦法由縣會紳借墊款項購買穀米預備平糶呈奉 省長核示准予立案令廳轉飭遵照在案茲呈本年春季豆麥因風雨不調收成減色立夏以來米價日昂較之往歲增漲一倍有奇請將前借墊欸所購穀米并再續借銀洋勸募捐欸分道採買米石於本城紅岩兩處委紳設局平糶係爲救濟窮黎起見辦理甚是應准照辦仰即一面督紳認真辦理務使實惠均沾一面將本城及紅岩兩平糶局詳細辦法呈報查核勿違切切此令

指令據卸兼代嵩明局黃委呈請將薪俸仍予支給文

呈悉查兼差不兼薪事屬通案該員何得獨異所請碍難允行仰仍照數補繳以符通案勿再藉延切切此令

指令販朝局據呈報阿記得分卡成立日期釐欸彙冊併解文

呈悉查各局添設分卡每月征收釐欸另冊報解不入比較此通案也所請萬難照准

仰仍遵照前令分別辦理切切此令

批

批商民趙茂盛請發給蘇正行行帖碍難照准文

查接管卷內據該商呈請發給蘇行行帖等情據此查前據商民周顯廷擬創立蘇行請帖到廳當經批示不准在案茲該商所請發給行帖事同一律仍難准行仰即知照此批

批商民葉綦呈請發給鷄鴨行行帖不准文

呈悉查牙行行帖本廳統籌整頓一時未能就緒前此對於各商民之請求行帖者均經批飭不准在案茲據呈請發給鷄鴨行行帖前來事同一律仍難照准仰即知照此批

批商民楊榮森請發蘇正行行帖碍難照准文

呈悉查販賣生熟蘇者大都肩挑小貿本利甚微若必令落行抽費誠恐繁苛昨據商

民趙茂盛呈請發帖設行業經批駁在案事同一律仍難照准仰即知照此批

批西疇縣紳民石佩琦等稟請劃撥錢糧文

呈悉查西疇縣應征錢糧係由馬關縣糧額內劃撥征收前經由廳委員楊自培前往會同馬關西疇兩縣官紳會商劃撥現尙未據劃撥定案所有已未年錢糧應仍歸馬關縣完全征收方免牽混所請應勿庸議除分令西疇馬關兩縣知事及楊委員迅速會商劃撥外仰即遵照此批

扶朱美山呈請勒令呂有仁等尋欸抵繳不敷欠數文

呈悉查此案李卸提舉所匯鹽欸銀貳千貳百壹拾兩零前於宣統三年經前高等審判廳判決除義美祥折本銀肆百餘拾兩令該民與呂積安二人就匯欸內扣除於一月內點交李定國銀壹千捌百兩以清轉轉而息訟端在案是此項銀壹千捌百兩應令該民與呂積安攤交確確鑿鑿已成鐵案乃一月內應交之款拖欠拾年並不交繳致李定國不能將欸轉交李卸提舉李卸提舉不能將欸轉解本廳核收現查封呂積

安產業僅值銀壹千元零變賣抵款尙有不敷之數應照前高等審判廳判決原案責令該民照繳以足壹千八百兩之數該民乃敢抗延不繳再三呈瀆竟欲置身事外將欠款諉之呂積安並牽涉案外之呂仲模實屬刁狡已極該民須知案經判定斷難翻異即將欠款早日籌措解繳以清積案如再抗延定咨會警察廳提案押追決不寬貸再查此項匯款既由該民與呂積安攤交而前次警察廳咨送呂積安之子呂有仁來呈竟謂此款實係家父所欠應由家父賠還不干朱美山之事云云以其父應攤之款其子竟肯一力認交已屬可疑况呂有仁并未到案承認難保非該民捏造呈詞爲卸責於人之計愈見其居心刁狡也仰即遵照此批

據直却行政委員呈冉聯福延不到直調查苟永綏產業各情牌示文

爲牌示事案查商民蔡榮九虧欠鹽款前據呈請查封苟永綏產業備抵并據呈已派冉聯福攜帶簿據到直抵質等情當即令行直却行政委員俟冉聯福到時即傳提苟永綏家屬當同質訊究追並將苟永綏產業切實調查一併呈候核辦等因各在案茲

據苴却行政委員楊穆之呈調查苟永綏有田業一莊於前清宣統年間杜賣得銀壹千兩與蔡榮九夥辦鹽務並辦柏板運省交蔡榮九變賣以還鹽課不識是誰虧心彼此涉訟致將田價化爲烏有又其住房原日本借與吳亮廷銀三百金添修作爲押頭因十餘年來未給租銀業主將押頭扣清尙不敷銀數十金早將苟永綏家屬逐出現在妻寡子幼衣食不周內無積儲外無股本無所查封至再聯福始終並未到苴無從質訊等情前來查所呈各節核與前委員江文藻呈報情形無異但再聯福半年之久延不到苴亦屬無從抵質合行牌示仰該蔡榮九遵照迅速派人前往苴却與苟永綏家屬對質以杜諉卸若仍不派人前往定係藉詞搪塞惟有該民自向苟永綏家屬清理目下一面將認繳之款上緊籌措解繳勿得違延致干押追不貸切切此示

布告

嚴禁奸商運銀出境兌換銀幣抬價布告

照得富滇銀行紙幣信用久著與現金有同等價值早已通省週知乃訪聞各屬商民

因外埠銀根稍窒遂輸運銀幣出省抬水兌換愚民無知受其鼓惑以致銀幣價漲紙幣價跌祇圖一己之私利並不計紊亂本省之金融此等奸黠行爲實堪痛恨若不從嚴懲治何足以維幣政而杜狡謀除通令各屬查察懲治外合行布告商民人等一體知照嗣後銀幣紙幣務須一律行使不准稍涉低昂若仍抬價兌換銀幣折價收買紙幣一經查實除將所換銀幣全數充公仍依律加等治罪決不寬貸各宜凜遵切切此布

發行角數小票布告

查前因市面銀根日形緊迫整數紙幣不能分割市面零星交易因找補不便之故滯碍甚多爲便利我補活潑市面起見非仿照日本越南廣西等處辦法印發角數小票不足以資周轉當飭由富滇銀行添印伍角貳角壹角三種小票以資補助而利推行茲據該行呈稱此項伍角貳角壹角小票現已印製成數不日即可發行並呈送樣本三份前來查此項小票既經該行製出多數應由該行尅日陸續發行與現行各種紙

幣一律通用舉凡完納錢糧釐稅以及公私出納民間交易概照票面金額收受行使不得增減阻滯致碍幣政爲此佈告仰各界人等一體遵照辦理倘有藉故拒絕或抑減價額者一經拏獲定即從嚴治罪決不姑寬切切此仰

嚴禁干求行賄必從嚴懲究佈告

古者桑林致禱首戒苞苴劉晏理財專用儒士期揚清而激濁必大法而小廉蓋難進易退宜高君子之風而因事擇人非爲酬酢之用特申言以互警當指水以盟心方今時艱孔棘杼軸其空本廳長受任於積困之時視上下之交病慮棉薄所弗勝惟以權責攸歸勉竭心力冀稍紓上廛而慰衆望凡因革損益之道與酌劑維持之方咸按部以課功庶循序而漸進事必親裁毫不紊乎成見人必明試詎云可以私干乃者莅事之初請謁雜進竿牘繁於笥束調和甚於梅羹既顏頤謝笑之俱窮將杜廈白裘之不給甚則敢爲嘗試希以賄成既不恥暮夜之行安冀有通神之具抑知偃室不能私至吳泉未敢試嘗金躍冶者非祥尙俟披沙之揀玉韞匱而待價何庸別足以求况乎賄

賂行求大干刑律鑽營請託尤悖官箴三尺之法具在決不爲蠅營狗苟者容十目所
視其嚴誓當盡蕩垢滌瑕之力傳有之國家之敗由官邪也官之失德寵賂章也本廳
長夙勵清操勉支危局名器固不以假人怨嫌亦非所敢避幸相鑒諒勿惑奸欺倘復
以爾賄遷信人誑汝則執法必先自近來告不問何人白圭之玷終身當共凜四知之
戒黃金之擲虛牝尤難爲一面之寬人貴自愛言出必行凡百君子敬而聽之特此佈
告

雲南財政月刊

六十

第一期

法

規

雲南財政委員會章程

第一條 本會爲籌議雲南全省財政機關凡財政上一切重要事項經本會議定辦法由財政廳行之

第二條 本會以左之職員組織成立

一 聯軍總司令部軍需處長

二 省長署參事一人

三 聯軍總司令部軍需局局長

四 菸酒公賣局局長

五 富滇銀行正副行長

六 各機關富有財政學識經驗人員

七 財政廳廳長

第三條 前條列舉職員由

聯軍總司令官委任之但會議事件有須加入主管機關人員時得由本會臨時函請列席

第四條 關於財政廳提議事件由本廳主管科長臨時出席

第五條 本會委員會會議時主席由在會委員公推任之另置辦事員二員治理會務辦事員由財政廳職員選任之

第六條 本會籌議事項大別如左

- 一 關於田賦之整理事項
- 二 關於釐稅之改良事項
- 三 關於新稅之增行事項
- 四 關於預算決算之審核事項
- 五 關於金融之調劑事項
- 六 其他關於財政上臨時交議事項

第七條 前條各項由本會委員提出議案共同討論議決由財政廳呈請

聯軍總司令官核准
雲南省長定行之

第八條 本會委員提案經會議認為須付審查時得由主席提出公推委員審查之

第九條 各處辦理征收人員負本會議事調查之責並得提出意見書呈送會議

第十條 本會調查事件由財政廳轉行辦理

第十一條 本會會議每星期舉行一次遇有緊要事件臨時集議

第十二條 本會議事規則另訂行之

第十三條 本會設於財政廳內會務之整理由財政廳廳長主辦之

第十四條 本會因繕寫文件由財政廳調用錄事

第十五條 本會經費由財政廳公費撥支

第十六條 本章程自公布日實行如有未盡事宜得隨時議決加入

財政委員會議事規則

第一條 本會會議依會章第十一條分左之二種

(甲)常會

(乙)特別會

第二條 常會每星期二正午十二時開會全體委員均須出席

第三條 特別會由主辦會務之財政廳廳長臨時通知各委員列席會議

第四條 凡列席委員每屆會期如因事不能到會時須先通知本會

第五條 每屆會期如因事不能集會時由本會先期通知列席委員

第六條 凡開會非有列席委員半數以上不能開會

第七條 會議時之議案先於開會前三日分送各列席委員提出議案並附以簡明

理由

第八條 凡列席委員對於議案均得發抒意見其有應行起草者由本會辦事員任

之

第九條 凡會議事件取決於多數若可否同數時由主席表決之

第十條 凡會議事件有一次不能議決者得延至次期會議

第十一條 凡會議事件在未議決發表以前均守秘密

第十二條 會議時之記錄由本會辦事員掌理之

第十三條 凡議決事件由本會辦事員製成文案送達於財政廳辦理

第十四條 本規則自公布日實行

雲南厘金商稅調查員章程

第一條 雲南財政廳因近年釐金商稅解款異常虧短欲為精確之調查俾便整理起見特派釐稅調查員十員分區前往各該局署實地調查

第二條 釐稅調查之區域及事項另行分別規定之

第三條 釐稅調查員調查一局完畢時即按照表列調查事項縷晰填註並詳附說

明書專文呈報

第四條 釐稅調查員關於調查事件一律明白查報勿須秘密

第五條 此次調查事件僅此釐金商稅爲範圍此外不得干預

第六條 釐稅調查員到各境調查時只能住宿客棧或租住民房不得借住各該釐稅局所更不得稍有派累供張及宴會餽贖等項情事

第七條 釐稅調查員對於所調查之事件務須詳確以爲將來整理釐稅之根據並應負完全責任如有虛飾及敷衍了事者分別懲處或予以停委處分

第八條 釐稅調查員對於調查事件如翔實可靠議擬整理方法復切實可行於差竣回省後由廳核明呈請儘先委用

第九條 釐稅調查員如有違背本章程之舉動或不正當之行爲一經查覺或被告發立即撤差查辦

第十條 釐稅調查員每員月給薪水銀叁拾元其旅費照現行出差夫馬章程辦理
迤東迤西兩路行日支旅費銀貳元住日支住宿費銀肆角迤南則行日支旅費叁

元住日支住宿費陸角如係通火車之處應准按照出差時日車費數目每日支給三等車票四等車票各一張之車費即不得再支行日旅費三元之數其住日之住宿費仍准照支將來調查完畢回省時由各調查員自出差日起分別行程車路造具程站表及在差時日共應請領薪水旅費各若干呈由財政廳核明發給承領

第十一條 釐稅調查員於奉委出差時如因製備需費得向財政廳約量預支若中途旅費用罄并得內無商稅之各縣署約量借用一面呈報財政廳查核一面出具收據交由該縣收存備抵

第十二條 各該釐稅局近兩年來之解額比較數目表由財政廳查明抄發以資參考

第十三條 本章程奉核准日實行

第十四條 本章程如有未盡事宜得由財政廳隨時修改之

調查方法

- (一) 調查各該厘稅總局時應詳查該總局每月實解征收正課若干副課(即零星)若干並分別平枯旺情形平月可收若干枯月可收若干旺月可收若干
- (二) 各該厘稅局之分卡如係派辦者其調查情形與總局同
- (三) 各該厘稅局之分卡如係包辦者應詳查每月包收解繳之數實係若干並是否按月均照此數報解抑係分別平枯旺月分別解繳
- (四) 調查各該釐稅總局或分卡所收之數務須詳盡不得以多報少或以少報多
- (五) 各該釐稅局所轄之分卡應逐處親身前往實地調查不得畏難不往僅據傳聞即列入報告
- (六) 各該釐稅局征收之大宗貨物應詳細查列以資考証
- (七) 各該釐稅局征收之大宗貨物是否為該地本產之貨抑係由外處輸入之貨每年征收釐稅數目有無消長今昔情形有無變遷均應詳細調查明確分晰呈報以資查考

- (八) 各該釐稅局現在實收數目與前任實收數目有無增減
- (九) 長解之局因何增加短解之局因何虧損
- (十) 奸商偷漏釐稅應如何整理
- (十一) 零星弊竇最多有無稽核之法
- (十二) 包辦之分卡除解額外是否尚有盈餘
- (十三) 前任包額與現任包額有無增減
- (十四) 各該調查員對於調查之各釐稅局按照現在征收情形能否再加解額幾何均應分別查明酌定附呈核奪
- (十五) 所有表列事項及列舉各事均另以說明書逐條詳註勿稍疏漏

雲南省征收田賦考核章程

第一條 雲南各縣知事征收田賦悉依本章程之規定考核之凡經征租課及隨糧附加之款均併入田賦考核之

第一條 各縣知事征收田賦考核時分左列三項

一 經征本年田賦

二 催征上年民欠并積年民欠田賦

三 帶征災緩田賦

第三條 各縣征收田賦照田賦條例以上下忙分期考核上忙自本年陰歷九月初

一日開征起至十二月底止下忙自次年陰歷正月初一日起至三月底止

第四條 考核各縣田賦應將年征額數勻作十成計算照例上忙期內應完五成下忙期內掃數全完

但有災荒蠲緩者得將應蠲應緩之數於造冊呈奉核准後計除之以實征數爲額其催征上年并積年民欠舊賦以原欠數計算帶征災緩田賦以緩征分數計算

第五條 各縣經征田賦於上忙截數日已征解五成下忙截數日已掃數完解者均免置議至征數較少不敷坐支之屬其功過統於下忙期內考核之

第六條 各縣報解田賦屆上忙考核時征解至五成以上者照多解成數依左列之規定獎勵之

一 成以上者記功一次

二 成以上者記功二次

三 成以上者記大功一次

掃數全完者記大功二次并加半年俸十分之二

第七條 各縣報解田賦屆上忙考核時按該縣額征或應征數未完不及一成者免議一成以上依左列之規定懲戒之

一 成以上記過一次

二 成以上記過二次

三 成以上記大過一次

分釐未完者記大過二次並減半年俸十分之二

第八條 各縣報解田賦屆下忙考核時除按數全完或未完不及一成者均勿庸議外如有延欠依左列之規定懲戒之

一 成以上者記過二次

二 成以上者記大過一次

三 成以上者記大過二次并減三月俸十分之二

四 成以上者記大過三次并減半年俸十分之二

勒限兩個月照數催征報解如限滿仍未完解者呈請省長撤任停委其未完之數歸入積欠案內辦理

第九條 各縣征解田賦在上忙期內或下忙期內係前後任經征者應依年額征數合前後任併計各就在任日期攤算考核但署任不及一月者免其計考

第十條 財政廳考核各縣知事征解田賦上忙定於陰歷二月底截數考核下忙定於五月底截數考核

第十一條 各縣於征獲田賦內坐支一切款項應造具收支總冊及撥領單據連同實解銀元按照上下忙期限報解如係全數坐支亦應造具總冊備具單據依限呈報倘有久延不解或不造報者照第十八條之規定懲戒之

第十二條 各縣催征積年民欠與帶征災緩田賦等均於每年下忙截數時考核之
第十三條 各縣積年民欠舊賦責成縣知事隨同新賦嚴縣催征如催征得力於每年截數考核時將原欠舊賦數目併計作為十成照征解成數依左列規定獎勵之
七成者記功一次

八成者記功二次

九成者記大功一次

掃數清完者記大功二次

第十四條 各縣催征積年舊賦屆每年截數考核時有疲玩拖欠者併計欠數作為十成按照未完成數依左列之規定懲戒之

未完不及一成免議

四成以上記過一次

五成以上記過二次

六成以上記大過一次

七成以上記大過二次并勒限兩個月照數催征報解清完如限滿仍未清完者罰
半年俸十分之二勒限征清

第十五條 各縣催征舊賦除上年民欠田賦不得提支外其積年民欠舊賦准照左
列之規定提支催征辦公費

催征近三年積年民欠舊賦准照征獲實數提支辦公費百分之五

催征三年以外之積年民欠舊賦准照征獲實數提支辦公費百分之十

第十六條 各縣帶征災緩田賦仍照災款條例緩征年限帶征分數分年帶征各縣
知事已依限將應帶征災緩田賦分年征解清完者免其置議如逾帶征期限不能

征清完解者於下忙截數考核時按照未完成數依左列之規定懲戒之

未完不及一成者免議

一二成以上者記過一次

三四成以上者記過二次

五六成以上者記大過一次

七八成以上者記大過二次並勒限兩個月照數催征清完如限滿仍未完解者罰

三個月俸十分之二勒限征清

第十七條 各縣上月征獲田賦限於下月十五日以前報解按月依限報解勿誤者

屆上下忙考核時照左列之規定獎勵之上忙期內按月報解勿誤者記功一次

下忙期內按月報解勿誤者記功一次

上下忙期內均按月報解勿誤者記大功一次

第十八條 各縣每月報解田賦不能依限報解者計其逾限日數除去程站於上下

忙考核時照左列之規定懲戒之

逾限十日以上至二十日者記過一次

逾限二十日以上至三十日者記大過一次積至大過三次并減半年俸十分之一

第十九條 各縣按月征獲田賦但僅敷坐支或尙不敷坐支俟由下月收款或請領撥補者亦應照第十條之定限備具文冊單據聲明理由呈報財政廳核辦如有特別情形應將事實聲明理由先行呈請加展期限

第二十條 各縣按月報解田賦等款近省各縣直解分金庫核收其餘附近富滇分銀行或匯兌處各縣得就近解交銀行匯兌處匯解一面將文冊解批呈投財政廳核辦

第二十一條 各縣解交富滇分銀行或匯兌處之款得按照該縣距離銀行所在地遠近照站坐支解運費但既交銀行後即不准再支解運費如已支有公費之附加捐款者其匯費應由辦公費內開銷不得格外再支

第二十二條 各縣按月報解田賦定限以該縣發文起解之日起算扣除程站考核之其有將款交附近銀行或不敷坐支造報文冊者以該縣發文交郵投遞之日起算

第二十三條 本章程之功過得互相抵銷照現行功過獎罰章程分別獎罰但記功之銀應俟交卸後查無欠款者方准具文請領不得自行坐支其記過之銀除以功計抵外應照數呈繳罰贖

第二十四條 各縣田賦如已過掃數日期人民尙未完納者自陰歷四月初一日起每糧一升加罰制錢五文按月遞加至十五文爲止即不能再加不足一升之零數免其加罰

第二十五條 各縣民欠田賦除照前條辦理外倘有抗欠得由縣提案押追

第二十六條 各縣田賦如查非實欠在民該縣知事捏完作欠侵挪隱混者撤任依法追繳其有書役鄉保頭人隱挪不完者按律監追

第二十七條 凡直接征解田賦之行政員縣佐均適用本章程之規定

第二十八條 本章程如有未盡事宜隨時修正呈准行之

第二十九條 本章程自奉省長核准公布日實行

雜

錄

雲南財政廳暨富滇銀行整理金融意見書

滇省近年以來市面金融漸趨緊迫究其原因一由世界銀根枯竭之影響一由多數人民之誤會良以人民常識有限僉謂收存紙幣不如屯積金銀幣之穩固其實非也近世人類愈繁交通愈便社會之需要愈多因是生產方法亦愈奇自歐美各國以機械代人力物產既多於是貿易額之巨遂爲亘古所未有金銀硬幣所出有限不足以供貿易之巨需且體重不便取携所謂紙幣銀行券支票期票之屬遂起而代之其流通之數幾超過金銀幣數十倍無論金銀本位之國家其市場零星交易則用輔幣單位以上之數則用紙幣多數鉅款則用期票支票爲交易債項之轉移所有硬幣或存於銀行或儲於國庫或因國際貿易輸入貨多輸出貨少時以供不時之需如常平倉粟聊備災荒而已歐戰方興各交戰國皆匿硬幣而用紙幣然因戰費過鉅猶可言也日本於歐戰期間吸收各國金銀幣幾不可以數計乃日本市面紙幣仍屬充斥且發行一角之紙幣以便流通大凡一國市面金銀幣流行之數如超過於貿易額則

金銀幣價格必低落各項物品價格必增高即如美洲發見新大陸之後於十六世紀中輸入歐洲金銀幣較歐洲原有之數多至三倍而在此時期歐洲物價之增長亦相等其明徵也

世界各國銀行所以必發行紙幣之故既如上所云而中國人民則仍狃於寶貴金銀之舊見解而未能驟革此固由人民眼光未甚廣遠而國家幣制之紛歧百出國家銀行之辦理不善亦一重大原因推世人所以寶貴金銀之故大都以其取携便利藏貯經久隨處有相當之價值即有事變亦可挾以備用究竟金銀之爲物不若穀米油鹽之足以爲食絲麻布帛之足以爲衣鋼鐵燃料之需以爲用不過上列各物或以經久而質變或以值輕而量重或以分割而用失惟金銀幣可免諸弊且可爲凡百貨物交易之標準此中國人民寶貴金銀之最要原因然試觀中國數千年之歷史上古之時僅以貨物交易迨中古始改用金銀銅錢其不能復廢金銀銅錢而仍用貨物交易勢使然也又試觀近今世界之潮流既因金銀幣不足以供貿易之巨額而發行紙幣其

不能復廢紙幣而專用金銀幣亦勢使然也

又况世界產銀最多之國莫如美利堅及墨西哥以彼國積數百年之生產時至今日仍不足供世界之需要近聞墨西哥因國內紛爭開採漸少其礦苗亦將枯竭而人類日繁一切妝飾日用品需用金銀者方日增而月盛大地之寶藏有限人生之需用無窮長此以往其何能繼中國金銀礦產極多吉林蒙古金沙江上游青海西藏等處爲尤著我滇本山國五金礦產向稱豐富此後交通便利開採漸多金銀幣之加增其數當不可勝計然以應世界商業之競爭仍非全國通行紙幣及維持紙幣之信用不足以謀便利而圖發展就中國近數十年經濟狀況而論銀幣流通限於地域分裂窒滯非但爲外人所詬病即華人行旅經商亦感受無限痛苦其不能應全國經濟之趨勢以爲伸縮自不待言故前清末年即於各省籌設大清銀行民國成立更推廣中國銀行均汲汲於統一幣制以便商民祇因頻年內爭之故迄未得良好結果然省自爲謀則富滇銀行之發行紙幣亦所以應世界之潮流維全省之金融勢使然也

中國必用紙幣之故又如上所述然而外國紙幣從無危險中國紙幣則時有恐慌者其故何也自歐戰後金銀硬貨日形短少而用途日增故銀價高昂至於不可思議如法之佛郎在歐戰前每一佛郎五即值中國銀幣一元今則須十四五佛郎矣英之金鎊在歐戰前每一鎊值中國銀幣十二元今僅值四元零矣美金日金亦所值僅半至德之馬克僅值百分之六七俄之盧布所值僅百分之二三銀價愈高而人民藏匿銀幣亦愈甚故港滙及南洋羣島各大商埠無處不紙幣充斥然商民之信用如故亞洲各商場最大之銀行如英之匯豐法之匯理日本之正金其發行紙幣各不下數千萬元然一問其存儲之現金常不過十分之二三近且停止兌現而紙幣之信用仍如故此固由於各該銀行賴有各該國政府爲後盾人民信任其本國政府即無不信任其銀行而銀行之發行紙幣辦理得法亦爲中國所不可及也

北京中國交通兩銀行即所謂國家銀行基本金亦不充足而兩行紙幣價格常跌至五六成者因袁氏稱帝時該行基本金多被壘於而紙幣復濫發無度價格低落固勢

所必至若富滇銀行紙幣則完全不同當民國四五年間常有以現金求換紙幣而不可得者此固滇人所共知自前年歐戰停後各大商埠銀根奇緊生銀難購當事者因有鑄金幣之議以巨款購辦生金往返周折兌現稍形滯澀人民即羣起恐慌復因貪利奸商屯積現金暗圖補水更有多數貧民終日代人兌換現金得補水以爲生活者擁擠於銀行之門岌岌焉若不可終日實則富滇銀行原爲本省政府所設基金既甚充足紙幣復有限制且完全由政府担保絕無危險之慮所謂市面之恐慌由於多數人民之誤會者此也

之琛乘忠等蒙

督軍兼省長唐委任辦理財政銀行事務自維志行薄弱何堪任此鉅艱而學識經驗又不足以副之奉命之餘勿任惶悚顧念市面金融動關人民生計梓桑誼切何敢固辭雖蚊負之堪虞仍驚駭之勉竭謹於就職之前秉承

督軍兼省長意旨擬議維持金融救濟市面各辦法條列如左

(一) 嚴令各徵收機關專收紙幣不准搭收現銀違者應從嚴撤懲

查富滇紙幣發行已及九年信用昭著甲於國中良以基金充足隨時均可兌換前因本省現金甚多周轉極易紙幣之行使一任人民之自由省內外徵收機關勿論現金紙幣均可收受毫無限制茲因世界銀荒之結果本省政府對於紙幣之信用不能不加意維持並將富滇紙幣分散於各縣地方現擬呈請

軍省兩署嚴令省內外各征收機關每遇民間上納糧稅暨公家一切收入款項概令繳納紙幣不准搭收現金如敢故違一經查實勿論多寡即將該主管征收人員從嚴撤懲不稍寬貸

(二)各縣地方款之收入支出擬一律行使紙幣

各縣收入除國家款外實以地方款為大宗國家款項既嚴加限制非紙幣不許收入則關於地方各款如學警團實業之收入支出亦擬籌第二部之辦法概用紙幣以增進銀行信用

(三)籌設各縣紙幣購換所

滇省所發紙幣多屯聚於省會及蒙自箇舊各大商場而不能流通於各縣之中故市面遂起恐慌茲既嚴令各征收機關收紙幣即不能不將紙幣分發各縣以資兌換現擬在各縣設一紙幣購換所如遇商民上納錢糧厘稅及公家各種收入需用紙幣時可以到所購換但祇負以現金購換紙幣之責任換入現金應令悉數存儲斟酌盈虛隨時解運至分配紙幣及解運方法應即妥訂規章與就近各分行隨時接商辦理

(四)由銀行極力收買鑄料趕鑄現金爲有限制之兌換以足敷市面流通爲度欲維持紙幣之信用則兌現一事仍應積極籌備現擬分派委員往滬港川黔等處不論何種鑄料均應極力收買即有虧折亦所不計但值世界銀根奇緊若盡量兌換誠恐兌出之後復爲奸商偷運抑被人民藏匿後此將無以爲繼故兌換數目亦不可不稍有限制當隨時酌量本省必要情形總以足敷市面流通爲度

(五)速添購機器運滇趕鑄銅元

欲使金融活動則輔幣一端自應切實擴充從前行使制錢市面已能周轉而無碍矧

今銅幣較制錢便利尤多本省爲著名產銅之區鑄料萬不虞缺乏若能鑄出大多數之銅幣以爲輔助實足維持市面而有餘惟滇省造幣機器有限趕鑄銀幣尙虞不給若欲鼓鑄大多數之銅幣滇趕緊添購機器運滇藉資應用已分向外商接洽訂購以交貨最速者爲訂購之標準

(六) 趕印五角二角一角小紙幣暫資救濟

查滇省發行紙幣僅及一元而止民間米鹽柴菜之交易數目多係零星市面現金又多爲無意識者所囤集周轉不靈誠勿容諱查日本越南等處已發行角數之小紙幣市面暢行商民稱便滇省亟應仿辦已呈奉

軍省兩署核准趕印五角二角一角紙幣三種發行市面俾使民間找補零數藉資救濟現已加工趕辦日內即可印行矣

(七) 籌餉局軍需局所有存款已呈准將全數移存銀行

銀行放債存款本有營利性質苟酌劑盈虛權衡緩急一切悉協其宜當然取不盡而

用不竭查籌餉局軍需局儲存欸項爲數實多現已呈准
軍署暫將全數移存銀行庶經濟呈活潑之觀而泉府亦有流通之益矣

(八)內地運銀出境發給准單之禁令除接近邊地各縣尙待攷量外各縣即先

取銷此例

現金輸出之應豫防者以國外省外爲最要至甲縣運往乙縣仍在內地流通原無禁
止之必要前因金融吃緊私運甚多防不勝防故有此不得已之辦法現擬呈請

軍省兩署先將外縣禁令取銷惟接近邊地各縣偷運堪虞不能不慎重攷量應暫仍舊
禁止俟將來擬有辦法或確有把握時再行酌核辦理

(九)禁各種現金輸出省外及國外

近年以來造幣廠鼓鑄銀幣幾於日不暇給自民國初元迄今計已六七千萬元一經
實地調查市面銀根不惟不稍鬆動而反日加緊迫者良由輸出之漏卮未能盡塞故
也查現金輸出不在內地之關係而省界與國界之間最爲緊要應再設法從嚴檢查

使現金不致輸出漏卮既塞一切救濟方法不至徒勞無功矣

(十)由財政廳銀行要人與商會及各股商隨時開會討論

政令之行務須通達民隱况金融之與商民尤有密切關係官民意見更不可稍有隔膜擬由本廳本行要人隨時與商會諸君及各幫董並各股商開會討論諸君如有偉見儘可發抒商情如有困難尤當恤念政府自能從民好惡以定去取毫無偏執之意存乎其間也

(十一)分金庫擬歸併銀行代辦以增長銀行實力

富滇既屬省立銀行本省收入支出各款與銀行有密切之關係雖銀行以存放款項爲目的分金庫以收支款項爲目的性質各不相同然兩事相輔而行頗足增長銀行之實力擬將本省分金庫歸併銀行代辦則每年可多有六百萬省款以資周轉庶支配可期其敏捷而挹彼注茲亦無牽掣之慮矣

(十二)清理銀行歷年所放債務及設法追收

查銀行存儲現金及鑄料計八十餘萬元造幣廠存儲鑄料計有四十餘萬元軍需局存儲現金計有五十餘萬元合計現金共有一百七十八萬元之多分行所存尚不在內而銀行所發紙幣僅三百六七十萬元以此比例有二分之一之準備金實不爲少揆之銀行則例亦甚相符况本省政府每年收入總數將及六百萬元以爲後盾實無萬一之危險乃其間猶不免於恐慌者因歷年來放款太多之故查財政廳歷年挪欠銀行之款將及一百萬元商界借款約計二百餘萬元祇以庫帑支絀商業凋零未能如期償還遂演出今日之險象現政府已極力設法趕將本廳借款分期撥還(如貴南較場官產爲指定之款)並將銀行歷年商欠各款逐一清理上緊設法追收以救眉急如將上兩項欠款完全歸還則市面紙幣可以吸收淨盡尙何危險恐慌之有哉

(十三) 紙幣擬用鋼版印行俾歸一致

紙幣發行關係國家幣制信用所在製印務求精緻方免其他流弊查慎中現行各紙幣有由滬印者有就滇印者不惟形式紛歧抑且不能堅久此後當妥爲計畫完全用

銅版印行俾歸一致而杜偽造

(十四) 暫停銀行職員紅利

銀行職員例得分紅本爲定章所許但查銀行現相幾費維持政府尙多方裁節搜羅以資救濟該行職員亦應體念時艱將應分紅利暫行停止免貽口實一俟銀行辦理起色或金融穩固時再行酌量規復

(十五) 切實整理分行與各縣紙幣購換所相輔而行

省城總行既經積極進行則省外各分行尤應切實整理欲使聲息相通供求相準務令各分行就近與各縣紙幣購換所聯爲一氣則調劑得以均平內外可資聯絡

(十六) 由政府特派專員隨時督查銀行辦事狀況以策進行

金融之流通實以銀行爲樞紐辦法稍不適宜影響遂及於全省擬請政府特派專員隨時到行督促切實整理滯碍者加以改良違悟者即予糾正並將行中辦事狀況分別陳報庶幾實事求是而銀行基礎日益鞏固矣

(十七)外國銀行鐵路公司及本國鹽務海關郵局各處已商請照常收受紙幣
毫不拒絕

本省自鐵路通車以後外商雲集故市面金融亦與之發生關係况鐵路銀行二者尤有操縱金融之能力政府對於此點極爲注意故富滇紙幣發行後迭與外人交涉以本省政府名義担保一律行使紙幣迄今數年從未聞有拒絕之事上年滇越鐵路收歛雖小有爭議但一經交涉旋即平息市面縱形恐慌而外商毫無疑懼良以本省政府之能力之信用担保富滇發行紙幣原無絲毫之危險故外商有所恃而不恐現與上述各機關交涉妥洽凡紙幣及小紙幣與銅幣等一律收受毫不拒絕外商尙肯就範吾滇商民關係較爲密切又何至用其疑懼耶

(十八)政府以嚴厲命令維持紙幣如敢低折即實行懲辦

政府既趕鑄銀幣加印小紙幣及多鑄輔幣並多方設法維持則紙幣信用自然增長市面亦通行無碍若仍有少數奸商任意低折或拒絕行使實屬不顧公益有心破壞

政府爲整頓金融起見自不能不持法以繩其後已呈准

軍兩署發布最嚴厲命令責成地方官廳及警察實行監查如敢故違即行嚴加懲辦
勿謂言之不預不教而誅也

以上辦法均經議定即當分別施行此外尙有擴充銀行整理財政之根本計畫一時未能公布者容俟另案辦理

調查釐金商稅區域表

第一區

釐金局 六城 嵩明 尋甸 東川 蒙姑
商稅局 第一區商稅局

第二區

釐金局 宜良 阿迷 通海 臨屏 箇蒙
商稅局 建水縣

第三區

釐金局 曲靖 陸良 羅平 平彝 宣威

商稅局 曲靖 羅平

第四區

釐金局 昆陽 新舊 墨江 思茅 漫乃

商稅局 思茅 元江

第五區

釐金局 竹園 開化 皈朝 剝隘

商稅局 廣南 富州 馬關

第六區

釐金局 武定 仁和 永北 姚安

第七區

釐金局 昭通 鹽井渡 牛街 副官 鎮雄

第八區

釐金局 楚雄 下關 蒙化 麗江

商稅局 楚雄 大理 麗江

第九區

釐金局 順甯 緬雲 威遠 景東

商稅局 順甯

第十區

釐金局 永昌 騰衝 龍陵

商稅局 保山 騰衝 龍陵

雲南財政廳統核各釐局比較數目盈絀表 第一號

局名	局長	短絀	成數	功過	摘要
騰	陳	壹千陸	壹千陸		查該員係八年十二月三十一日到局上列應解額及報收數均自八年十一月二十一起至九年三月底止應歸入三月比較
衝	興	百柒拾	百柒拾		
釐	廉	柒元肆角貳分	柒元肆角		
局	興	柒元肆角	柒元肆角		
備	廉	角貳分	角貳分		
考	廉	分	分		
	廉	分	分		
	廉	分	分		

查該員短絀不及一成照章免予置議

摘要

雲南財政廳統核各釐局比較數目盈絀表 第貳式

考備	局	遠	威	局名	員名	應解額	報收數	比		盈	絀	長解成數	短征成數	功	道	摘	
								盈	絀								
查該員短征原因迭據該員以貨物滯銷等情呈報核查雖不無可原然短征既在三 成以上應照短征有特別原因從寬記過一次藉示薄懲	驥	天	嚴														
	元	百	玖														
		分伍厘	貳角捌	拾肆元	伍百陸												
		分伍厘	柒角壹	拾伍元	叁百叁												
		上	以	成	叁												
		次	一	過	記												
																查該員係八年十一月十 六日到局上列應解額 及報收數均自八年十 月十六日起至九年三 月止應歸入六月比較	

要

雲南財政廳統核各釐局比較數目盈絀表 第 叁 號

備考	局	釐	督	新	局名員名		應解額	報收數	盈	絀	長	短	成	數	屬	記	功	過	次	數	摘	
					員名	局名																
查該員短征既在一成以上應照章記過一次	祖	念		陳	陸千柒	伍千肆	陸元柒	百肆拾	百陸拾	壹千貳	百捌拾	叁元柒	角陸分	壹元	壹元	壹元	壹元	壹元	壹元	壹元	壹元	壹元

查該員係八年十二月十八日到局上列應解額及報收數均自八年三月十八日起至九年三月止應歸入三月比較

要

雲南財政廳統核各釐局比較數目盈絀表 第 任 號

考 備	局 釐 靖 曲			局 名 員 名 應 解 額		報 收 數	比	盈	絀	長 解 成 數	短 征 成 數	功	過 次 數	摘	
	培	祖	荀	應 解 額	報 收 數										
查該員現已卸差所有差內短收應得處分應歸入統核案內辦理	壹	貳分捌	元壹角叁厘	壹拾陸角壹分	千伍百拾元貳	壹萬貳捌千肆									查該員係八年三月十六日起至九年三月止應歸入年滿比較

要

雲南財政廳統核各釐局比較數目盈絀表 第陸號

備考	局	釐	溢	剝	局名	名	應解額	報收數	比			摘	
									盈	絀	長		
	齡	葆		趙					短	成	功		
查該員到差不及三月所有本期考核短收應得處分俟至下期考核再行酌量辦理	元	千		壹									
		厘	玖角伍	拾壹元	陸百貳								
		厘	玖分伍	拾捌元	叁百柒								
		上	以	成	叁								

要

查該員係九年二月初一日到局上列應解額及報收數均自九年二月初一日起至九年三月底止應歸入三月比較

雲南財政廳統核各釐局比較數目盈絀表 第 柒 號

局名	應解額	報收數	比		功	過	摘
			盈	絀			
蒙 易	叁千壹	叁千陸	長	短	成	數	查該員係八年十月三十日到局上列應解額及報收數均自八年十月二十一日起至九年三月止應歸入六月比較
德 文	百陸拾玖元玖角叁厘	拾貳元玖角肆厘	長	短	成	數	
局 煇							
考 備	查該員短征不及一成照章免予置議						
							要

要

雲南財政廳統核各釐局比較數目盈絀表 第一號

局名	員名	應解額	報收數	比		長短	成數	應記功過次數	摘要
				盈	絀				
牛街	魏	壹千壹柒百壹							查該員係九年一月初八日到局上列應解額及報收數均自九年一月初八日起至九年三月底止應歸入三月比較
釐	宗	陸角柒壹分叁							
局	唐	分柒壹壹							
備考									

查該員到差時日雖未屆滿三月然短征之數已在三成以上應先行記過一次俟後再行酌量辦理

雲南財政廳統核各釐局比較數目盈絀表 第 玖 號

局名	應解額	報收數	比		盈	絀	長解成數	短征成數	功	過	摘
			長	短							
永周	壹萬柒千伍百	壹萬伍千叁百	壹千壹	貳千壹							查該員係八年八月初一日到局上列應解額及報收數均自八年八月初一日起至九年三日止應歸入九月比較
昌克	捌拾元	玖拾玖元陸角	壹分捌	捌分貳							
明		壹									
考備	查該局新加解額二千元雖據該員以商情疲軟貨物滯銷等情呈請暫緩比較然事關定業本期考核數目仍連全加額併計該員新額既未能征足而舊額亦尚有短少應記過一次以示薄懲										

雲南財政廳統核各釐局比較數目盈絀表 第十號

考備	局	釐	北	永	局名	員名	應解額	報收數	盈	絀	長解或數	短征或數	功	過	摘
查該員長解不及一成照章不予記功	款	廷	廷	宋	宋	宋	壹萬柒	壹萬捌肆拾	肆拾	肆拾	不				查該員係八年三月初五日到局上列應解額及報收數均有八年三月初五日起至九年三月底止應歸八年滿比較
	壹厘	叁元捌貳元柒角	百捌拾百叁拾捌元	壹萬柒	壹萬捌肆拾	肆拾	肆拾	不							
	肆厘	叁分	捌元	壹萬捌肆拾	肆拾	肆拾	不								
	壹厘	叁分	捌元	壹萬捌肆拾	肆拾	肆拾	不								
	肆厘	叁分	捌元	壹萬捌肆拾	肆拾	肆拾	不								
	壹厘	叁分	捌元	壹萬捌肆拾	肆拾	肆拾	不								
	肆厘	叁分	捌元	壹萬捌肆拾	肆拾	肆拾	不								
	壹厘	叁分	捌元	壹萬捌肆拾	肆拾	肆拾	不								
	肆厘	叁分	捌元	壹萬捌肆拾	肆拾	肆拾	不								
	壹厘	叁分	捌元	壹萬捌肆拾	肆拾	肆拾	不								
肆厘	叁分	捌元	壹萬捌肆拾	肆拾	肆拾	不									

要

雲南財政廳統核各釐局比較數目盈絀表 第拾壹號

考備	局	漫		乃		釐		坤	局	考備
		蕭	崇	百	百	卷	卷			
查該局報數自既在七歲以上按照新章所定六月比較短收辦法本廳呈請撤換誰是短收原因迭陳核實以奉查核各釐局數多者改正受前章中清呈報到廳核查不無奇弊查本局考核短收應得是 分照短收有時原情酌量寬記過二次特示薄懲		崇千貳	壹千柒	百叁拾	陸元玖	叁元	分玖毫			
		伍千肆		百玖拾	陸元玖	陸元壹				
		柒	成	以	上					
		記	過	二	次					
		摘								

安

查該員係八年十月初一日到局上列應解額及報收數均自八年年十月初一日起至九年三日止應歸入六月比較

雲南財政廳統核各釐局比較數目盈絀表 第拾貳號

局名	應解額		報收數		比	盈	絀	長	短	成	數	應	請	法	本	應	請	記	大	過	惟	是	短		
	元	角	元	角																					
版	壹	千	陸	百																					
毛	伍	拾	玖	拾																					
朝	壹	元																							
釐	玖	元																							
局	上	以	成	叁																					
備	次	一	迨	記																					
考	<p>查該員係九年一月初一日到局上列應解額及報收數均自九年一月初一日起至九年三月底止應歸入三月比較</p>																								
考	<p>查該員短征數目既在三成以上按照新章所定三月比較短收辦法本應請記大過惟是短收原因據該員以盜匪搶劫商貨滯銷等情呈報核查不無可存所有本期考核短收應得處分從寬辦理酌予記過一次以示薄懲</p>																								

雲南財政廳統核各釐局比較數目盈絀表 第拾叁號

局名	員名	應解額	報收數	比		盈	絀	長	短	成	數	功	過	通	摘
				盈	絀										
平	鄒	陸千	伍千柒	叁百	式拾										查該員係八年八月初一日到局上列應解額及報收數均自八年八月初一日起至九年三日止應歸入九月比較
彝	裕	壹百	百柒拾	式元	柒元										
釐	裕	元	百叁分	式角	元										
局	泰		玖厘	陸分	壹厘										
考	備	查該員短征不及一成照章免予置議													
				成 壹 及 不											
要															

雲南財政廳統核各釐局比較數目盈絀表 第拾肆號

備考	局	釐		楚	局名	員名	應解額	報收數	比	盈	絀	長	短	成	數	應記功過次數	功	過	摘	要																					
		嘉	陸	壹																																					
查該員現已卸差所有差內短收應得處分應歸入...	照	元	陸	千	壹	萬	壹	萬	壹	萬	壹	萬	壹	萬	壹	萬	壹	萬	壹	萬																					
																					元	貳	千	壹	萬	壹	萬	壹	萬	壹	萬	壹	萬	壹	萬	壹	萬	壹	萬		
																					捌	分	貳	拾	捌	壹	萬	壹	萬	壹	萬	壹	萬	壹	萬	壹	萬	壹	萬	壹	萬
																					捌	分	貳	拾	捌	壹	萬	壹	萬	壹	萬	壹	萬	壹	萬	壹	萬	壹	萬	壹	萬
																					捌	分	貳	拾	捌	壹	萬	壹	萬	壹	萬	壹	萬	壹	萬	壹	萬	壹	萬	壹	萬
																					捌	分	貳	拾	捌	壹	萬	壹	萬	壹	萬	壹	萬	壹	萬	壹	萬	壹	萬	壹	萬
																					捌	分	貳	拾	捌	壹	萬	壹	萬	壹	萬	壹	萬	壹	萬	壹	萬	壹	萬	壹	萬
																					捌	分	貳	拾	捌	壹	萬	壹	萬	壹	萬	壹	萬	壹	萬	壹	萬	壹	萬	壹	萬
																					捌	分	貳	拾	捌	壹	萬	壹	萬	壹	萬	壹	萬	壹	萬	壹	萬	壹	萬	壹	萬
																					捌	分	貳	拾	捌	壹	萬	壹	萬	壹	萬	壹	萬	壹	萬	壹	萬	壹	萬	壹	萬
上 以 成 二																																									
查該員係七年十二月一日到局上列應解額及報收數均自七年三月初一日起至九年三月止應歸入年滿比較																																									

雲南財政廳統核各釐局比較數目盈絀表 第拾伍號

局名	局名	應解額	報收數	比較		功過次數	摘要
				盈	絀		
龍張	張	壹千肆	壹千肆	貳元			查該局係八年十月十一日到局上列應解額及報收數均自八年十月十一日起至九年三月止應歸入六月比較
陸其	其	百壹拾	百壹拾	陸角			
釐		玖元叁	陸元陸	捌分			
局		角伍分	角陸分	玖厘			
峯		伍毫	陸毫				
考							
				成	壹	及	

查該員短絀不及一成照章准予置議

要

雲南財政廳統核各釐局比較數目盈絀表 第拾陸號

備考	局	明	高	局名	員名	應解額	報收數	盈	絀	長	短	成	虧	功	過	摘	
				員名	應解額	報收數	盈	絀	長	短	成	虧	功	過	摘		
查該員到差時日尚淺應俟下期考核再行的辦	魚	建	程	壹百陸	拾陸元	拾貳元	肆拾	肆拾	肆拾	肆拾	肆拾	肆拾	肆拾	肆拾	肆拾	查該員係九年三月二十日到局上列應解額及報收數均自九年三月二十日起至月底止應不入比較	
				壹百貳	拾貳元	拾貳元	肆拾	肆拾	肆拾	肆拾	肆拾	肆拾	肆拾	肆拾	肆拾		
				壹百貳	拾貳元	拾貳元	肆拾	肆拾	肆拾	肆拾	肆拾	肆拾	肆拾	肆拾	肆拾		肆拾
				壹百貳	拾貳元	拾貳元	肆拾	肆拾	肆拾	肆拾	肆拾	肆拾	肆拾	肆拾	肆拾		肆拾
				壹百貳	拾貳元	拾貳元	肆拾	肆拾	肆拾	肆拾	肆拾	肆拾	肆拾	肆拾	肆拾		肆拾
				壹百貳	拾貳元	拾貳元	肆拾	肆拾	肆拾	肆拾	肆拾	肆拾	肆拾	肆拾	肆拾		肆拾
				壹百貳	拾貳元	拾貳元	肆拾	肆拾	肆拾	肆拾	肆拾	肆拾	肆拾	肆拾	肆拾		肆拾
				壹百貳	拾貳元	拾貳元	肆拾	肆拾	肆拾	肆拾	肆拾	肆拾	肆拾	肆拾	肆拾		肆拾
				壹百貳	拾貳元	拾貳元	肆拾	肆拾	肆拾	肆拾	肆拾	肆拾	肆拾	肆拾	肆拾		肆拾
				壹百貳	拾貳元	拾貳元	肆拾	肆拾	肆拾	肆拾	肆拾	肆拾	肆拾	肆拾	肆拾		肆拾

要

雲南財政廳統核各釐局比較數目盈絀表 第十條 號

備考	局	名	員	名	應解額	報收數	比	盈	絀	長	短	成	數	功	過	次	數	摘	要
查該員長征一成以上應照章記功一次	張	張	肆	肆	肆	肆	盈	絀	長	短	成	數	功	過	次	數	摘	要	
	元	元	元	元	元	元	元	元	元	元	元	元	元	元	元	元	元	元	
	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分	拾元陸角捌分
	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹

查該員係九年一月初一日到局上列應解額及報收數均自九年三月初一日起至九年三月底止應歸入三月比較

雲南財政廳統核各釐局比較數目盈絀表 第拾捌號

備考	箇蒙釐局		局名	員名	
	鉅	高	應解額	報收數	比
查該員短征原因因逃據該員呈明係因錫價跌落厥情哀歎以致貨物滯銷釐收減色核開不無可存所有本期考核短收處分應從寬辦理記過一次藉示薄懲現奉省長指令以該員到差已久並不設法整頓改為記大過二次聲明	元	陸千	壹百肆拾	壹千肆百玖拾	盈
	角	叁元捌	肆拾	壹千	絀
	貳角	陸元	肆拾	壹千	長解成數
	上	以	成	壹	短征成數
	次	一	過	記	功
					過
					摘
					要

要

查該員係八年八月初一日到局上列應解額及報收數均自八年八月初一日起至九年三日止應歸入九月比較

雲南財政廳統核各釐局比較數目盈絀表 第拾玖號

局名	員名	應解額	報收數	比		長解成數	短征成數	功過	摘要
				盈	絀				
姚安	王	肆千叁百叁拾	叁千玖百壹拾		肆百壹拾				查該員係八年三月初一日到局上列應解額及報收數均有八年三月初一日起至九年三月底止應歸入年滿比較
繼		叁元叁角壹分	捌元玖角壹分		肆角壹分				
昌		叁元	捌元		肆元				

查該員短征不及一成照章免予置議

不 及 壹 成

要

雲南財政廳統核各釐局比較數目盈絀表 第貳拾號

局名	應解額	報收數	比		盈	絀	長解成數	短征成數	功	過	摘要
			盈	絀							
六白	貳萬陸	叁萬柒	壹萬	壹百	肆	肆					查該員係八年四月二十日到局上列應解額及報收數均自八年四月二十一日起至九年三月止應歸入年滿比較
成	百叁拾	百伍拾	壹拾	壹拾	肆	肆					
之	肆元柒	壹元陸	陸元	壹拾	肆	肆					查該員長解四成以上業已照章呈准留辦一年在案此次考核業內應不再記功
瀾	角捌分	角貳分	叁分	叁分	肆	肆					
局	陸厘		肆厘	叁分	肆	肆					
考備	查該員長解四成以上業已照章呈准留辦一年在案此次考核業內應不再記功										

雲南財政廳統核各釐局比較數目盈絀表 第貳拾壹號

局名	員名	應解額	報收數	比較		功過	摘要
				盈	絀		
宜良	李	柒千柒拾陸元	柒千玖拾貳元	盈	長		查該員係八年二月十一日到局上列應解額及報收數均自八年二月十一日起至九年三月止應歸八年滿比較
嵩	毓	柒角捌分伍厘	叁角壹分叁厘	盈	短		
局	嵩	分伍厘	分捌厘	盈	成		
					徵		
					功		
					過		
備考	查該員長解不及一成照章不予記功						

雲南財政廳統核各釐局比較數目盈絀表 第貳拾貳號

局名	員名	應解額	報收數	比		長解成數	短征成數	功	過	捕	
				盈	絀						
羅	楊	肆千貳	壹千柒		叁千壹						
平	文	百壹拾	拾捌元		百叁拾						
釐	陸元壹	柒角伍			柒元叁						
局	角貳分	分伍釐			角柒分						
林	捌毫				叁毫						
上				以				成			
次				一				過			
大				記				過			
查該員係八年十月二十日到局上列應解額及報收數均自八年十月二十日起至九年三月止應歸入六月比較											

備考
查該員短征已成以上經征本局不力惟迭據呈稱實因錫價跌落影響以致貨物滯銷兼以入關出關之貨雙方減少至收銳減並非經征不力懇予鑒核等情核查所呈短收情形不無可原應照短收有特殊情形從寬酌記大過一次藉示薄懲

要

雲南財政廳統核各釐局比較數目盈絀表 第貳拾叁號

局名	員名	應解額	報收數	比		盈	絀	長	短	成	數	應	功	過	次	數	摘	要	
				盈	絀														
東川	王政	肆千叁	肆千叁																
百柒拾	百柒元	百柒拾	百柒元																
陸元捌	柒角叁	柒角叁	柒角叁																
角陸壹	分陸壹	分陸壹	分陸壹																
陸拾	捌元	柒分																	
不	及	壹	成																
查該員係八年七月十	八日到局上列應解額	及報收數均自八年七	月十八日起至九年三	月止應歸入九月比較															

查該員短征不及一成照章免予置議

雲南財政廳統核各釐局比較數目盈絀表 第貳拾肆號

備考	局書	定釐		武陳		局名	員名	應解額	報收數	比盈	較絀	長解成數	短征成數	功過	摘要	
		元	陸百	陸千	伍千玖											
查該員短征不及一成照章免予置議	書															
		貳元	角捌分	百捌拾	陸百壹											
		肆元伍	分捌壹	拾柒元	陸百壹											

摘要

查該員係八年十月初一日到局上列應解額及報收數均自八年十月初一日起至九年三月底止應歸入六月比較

雲南財政廳統核各釐局比較數目盈絀表 第貳拾伍號

局名	員名	應解額	報收數	比較		應記功過次數	摘要
				盈	絀		
陸	周	叁千柒叁千玖		柒百壹	長		查該員係八年十一月十一日到局上列應解額及報收數均自八年十一月十一日起至九年三月止應歸入六月比較
良	敬	百貳拾元壹角		拾肆元	短		
釐	敬	叁元叁肆分貳角叁厘		壹角玖分壹厘	成		
局	修	叁厘			短		
				壹	成		
				以	功		
				上	過		
				次	記		
				一	運		
				次	摘		

備考

查該員短征原因據呈係錫價跌落貨物滯銷所致核查不無可原所有本期考核短收處分應從寬辦理酌予記過一次以示薄懲

雲南財政廳統核各釐局比較數目盈絀表
第貳拾陸號

局名	應解額	報收數	比較		盈	絀	長	短	成	數	應託功過次數	功	過	摘要
			盈	絀										
墨李	貳千叁	壹千捌				壹百伍								查該員係八年五月十六日到局上列應解額及報收數均自八年五月十六日起至九年三月止應歸入九月比較
江	拾肆元	百捌拾				拾壹元								
釐	捌角叁	叁元壹				柒角捌								
蘭	分捌厘	角叁分				厘								
備考	查該員短征不及一成照章免予置議													
										不				
										一				
										成				

雲南財政廳統核各釐局比較數目盈絀表 第貳拾柒號

考 備	局 釐 甸 尋	章 潤 曾	局名員名		應解額	報收數	比	盈	絀	長	短	成	功	過	摘	
			長	短												
查該員短征既在一歲以上應記過一次			壹千陸	壹千肆												
			百伍拾	百捌拾												
			叁元貳	伍元柒												
			角貳分	角玖分												
			伍厘	柒厘												

壹 成 以 上

記 過 一 次

查該員係九年一月初六日到局上列應解額及報收數均自九年一月初六日起至三月底止應歸入三月比較

要

雲南財政廳統核各釐局比較數目盈絀表 第貳拾捌號

考備	局	釐	官	副	局名	員名	應解額	報收數	比	盈	絀	長	短	成	數	應	功	過	摘	要								
					員	額	數	盈	絀	解	成	成	成	成	成	成	成	成	成	成	成	成	成					
查該員現已卸差所有差內短收應得處分應歸入統核案內辦理	魚	宗		朱			玖千柒陸拾玖	玖千柒陸拾玖												查該員係七年十一月十三日到局上列應解額及報收數均自七年十一月十三日起至九年三月止應歸入年滿比較								
							百柒拾	百玖拾																				
							伍元	玖元捌																				
							角柒分	角柒分																				

貳 成 以 上

財政廳統核各釐局比較數目盈絀表 第貳拾玖號

局名	員名	應解額	報收數	比		盈	絀	長解成數	短征成數	功	過	摘
				盈	絀							
仁 和 釐 局	高 士	捌千伍拾陸元	叁千叁拾壹元	伍千貳拾伍元	分肆重							
備 考	查該局業已委員前往接替短征亦具有特殊情形所有該員差內短收應得處分應歸入統核案內辦理											
陸 成 以 上 查該員係八年六月二日到局上列應解額及報收數均自八年六月十二日起至九年三月止應歸入九月比較												

雲南財政廳統核各釐局比較數目盈絀表 第叁拾號

局名	應解額	報收數	比較		功過	摘要
			盈	絀		
景東楊	柒千壹百肆拾元叁	柒千壹百伍拾元叁				查該員係八年六月初三日到局上列應解額及報收數均自八年六月初三日起至九年三日止應歸入九月比較
濟源	陸元陸玖元伍角陸分	陸元陸玖元伍角陸分				
陸厘	陸厘	陸厘				
考備	查該員長收不及一成照章不予記功		成一及不			

雲南財政廳統核各釐局比較數目盈絀表 第叁拾壹號

考備	局	應解額	報收數	比		長	短	成	數	功	過	次	記	摘	要
				盈	絀										
查該局在此貨物以煙烟為大宗年來銷路大形減色厘收銳減此為重大原因迭據該員呈報核閱不無可原所有本期考核短收應得處分應照短收有特殊情形從寬酌記大過一次藉示薄懲	通海	肆萬玖千伍百	叁萬陸千伍百												
	文	伍拾元	捌拾陸元玖角												
	林														

查該員係八年八月初一日到局上列應解額及報收數均自八年八月初一日起至九年三日止應歸入九月比較

雲南財政廳統核各釐局比較數目盈絀表 第叁拾貳號

局名	員名	應解額	報收數	比		盈	絀	長	短	成	數	應記功過次數	功	過	摘
				盈	絀										
蒙	李	陸千玖	壹千柒				伍千壹								查該員係八年五月十六日到局上列應解額及報收數均自八年五月十六日起至九年三月止應歸入九月比較
姑		百陸拾	百陸拾				百玖拾								
釐	紹	壹元貳	柒九肆				叁元捌								
局	漢	角玖分	角柒分				角壹分								
		玖厘													
備															
考															

查該局業已委員接替短收亦具有特殊情形所有該員短收應得處分應歸入統核案內辦理

要

雲南財政廳統核各釐局比較數目盈絀表 第叁拾肆號

局名	員名	應解額	報收數	比	盈	絀	成	數	功	過	次	數	摘
河	周	壹千陸	貳千貳	叁百									查該員係八年七月初一日到局上列應解額及報收數均自八年七月初一日起至九年三月底止應歸入九月比較
速		百伍拾	玖元	肆拾									
釐	汝	伍元	壹角捌	肆元									
局	誠		分柒厘	壹角									
				柒厘									
				捌分									
備													
考													

查該員長解二成以上照章記功一次

要

雲南財政廳統核各釐局比較數目盈絀表 第叁拾伍號

局名	員名	應解額	報收數	比		功	過	摘要
				盈	絀			
臨	朱	肆千捌	肆千肆					查該員係八年十月初一日到局上列應解額及報收數均自八年十月初一日起至九年三日止應歸入六月比較
屏	翼	百玖拾	百柒元					
		元	玖角叁					
			分玖厘					
				肆百捌				
				拾貳元				
				陸分壹				
				厘				
備	考			不	及	一	成	

查該員短征不及一成照章免予置議

要

雲南財政廳統核各釐局比較數目盈絀表 第叁拾陸號

考備	局 釐 園 竹		局名	應解額	報收數	比	盈	絀	長	短	成	數	應記功過次數	摘	
	局 名	局 名	局 名												
查該員現已卸差所有差內短收應得處分應歸入統核案內辦理	徐	陸	徐	伍千	叁千貳			貳千伍						查該員係八年六月初五日到局上列應解額及報收數均自八年六月初五日起至九年六月止應歸入九月比較	
	曾	陸	曾	陸百	拾伍元			百柒拾							
	元	陸			壹角肆			肆元捌							
	分	玖			壹重			角伍分							
	重							壹重							

肆 成 以 上

要

雲南財政廳統核各釐局比較數目盈絀表 第叁拾柒號

局名	應解額	報收數	比較		功過	摘要
			盈	絀		
順甯	柒千肆	陸千捌		陸百壹		查該員係七年九月十二日到局上列應解額及報收數均有七年九月十二日起至九年三月止應歸入六月比較
甯	百伍拾	百叁拾		拾玖元		
釐	叁元叁	叁元玖		叁角肆		
局	叁	叁分		分壹厘		
備	查該員短征不及一成照章免予置議					
考						

不 及 一 成

摘要

雲南財政廳統核各釐局比較數目盈絀表 第叁拾捌號

考備	局	釐	成	宣	局名	應解額	報收數	比		盈	絀	長	短	成	數	屬	功	過	次	摘	
								盈	絀												
查該局短在原用據呈係上年旱魃為虐饑饉荐臻民不聊生流離失所元氣大傷產物減色以致厘政銳減補救無方核閱雖不無可原然短征既在三成以上到差亦已五月應酌記大過一次以示薄懲現奉 省長指令以該員列差已久並不設法整頓改為記大過二次聲明	綸	儒	貳	玖	宣	陸千	肆千玖	貳千壹	百玖拾	壹分陸厘	壹分陸厘	壹分陸厘	壹分陸厘	壹分陸厘	壹分陸厘	壹分陸厘	壹分陸厘	壹分陸厘	壹分陸厘	壹分陸厘	壹分陸厘
	上	以	成	叁	記	大	過	一	次	查該員係八年十一月初一日到局上列應解額及報收數均自八年三月初一日起至九年三月底止應歸入六月比較											

要

雲南財政廳統核各釐局比較數目盈絀表 第叁拾玖號

備考	局名	員名	應解額	報收數	盈		絀		功過	摘要	
					長解成數	短征成數	長解成數	短征成數			
查該員長解不及一成照章不予記功	麗	劉	肆千叁肆千肆	壹百						查該員係八年十月二十日到局上列應解額及報收數均自八年十月二十日起至九年三月止應歸入六月比較	
	江	奎	伍元捌	伍元玖	壹						
	釐	奎	角陸厘	角伍分	肆						
	光	奎	肆厘	分捌	壹						

不 及 一 成

要


雲南財政廳統核各釐局比較數目盈絀表 第肆拾號

考備	局	釐	通	昭	局名	員名	應解額	報收數	盈	絀	長	短	成	徵	功	過	摘
					名	名											
查該員較額長解業經另案呈請照章留辦此次考核案內應不再記功	英	世	劉	壹萬	劉	劉	壹萬	壹萬捌伍千	盈	絀	長	短	成	徵	功	過	查該員係八年四月初一日到局上列應解額及報收數均自八年四月初一日起至九年三月底止應歸八年滿比較
				叁千			壹萬	壹萬捌伍千	盈	絀	長	短	成	徵	功	過	
				元			壹萬	壹萬捌伍千	盈	絀	長	短	成	徵	功	過	
				元肆角			壹萬	壹萬捌伍千	盈	絀	長	短	成	徵	功	過	
				肆角			壹萬	壹萬捌伍千	盈	絀	長	短	成	徵	功	過	
				肆元			壹萬	壹萬捌伍千	盈	絀	長	短	成	徵	功	過	
				肆元			壹萬	壹萬捌伍千	盈	絀	長	短	成	徵	功	過	
				肆元			壹萬	壹萬捌伍千	盈	絀	長	短	成	徵	功	過	
				肆元			壹萬	壹萬捌伍千	盈	絀	長	短	成	徵	功	過	
				肆元			壹萬	壹萬捌伍千	盈	絀	長	短	成	徵	功	過	
			肆元			壹萬	壹萬捌伍千	盈	絀	長	短	成	徵	功	過		

要

中華民國九年七月發行

編輯者 雲南財政廳



定價報目
每月一册
售價四角
郵費在內

中華民國郵政局特准掛號認爲新聞紙類
印刷所雲南官印局

1920 年

第 **2** 期

中華民國九年八月 第二期

雲南財政

月刊

徐之琛題

雲南財政廳發行

32
1018

雲南財政月刊例言

- 一 本編專以登載關於財政之整理計畫及重要文件而設定名爲雲南財政月刊
- 一 本編於民國九年七月開始發行記載事項均以最近發生者爲限其他法令之關於財政及從前訂定之章程現尙繼續有效者亦擇要登載以供考查
- 一 本編分三類如左

甲 公文類分呈咨公函電委任令訓令指令批佈告九目依次排列

乙 法規類凡關於財政之法令及通行式單行章程屬之

丙 雜錄類凡各項表冊及雜件等屬之

一 本廳呈文已定案者則附指令於後其批令有非檢閱原文不能明瞭者得將原呈

一併附錄

一 本編所分各類偶有一類無甚要件者則暫闕之篇幅因材料多寡酌定不限頁數

一 本省各縣知事行政委員及各富滇分行各釐稅局員隸屬於財政廳者均有購閱

本月刊之義務其發行及訂購價目規定冊後

一各縣署局所購閱本月刊者於卸任時應將收到月刊列冊咨交後任人員不得携去

一本編月出一冊由雲南財政廳內附設編輯處發行

雲南財政月刊第二期目錄

公文類

呈

呈省長據富滇銀行呈核擬作價收買押錫放港沽押文

呈省長爲富滇銀行請將南較場公地撥歸經管文

呈省長據富滇銀行呈擬添設匯兌處以資欸收付公文

呈省長據富滇銀行呈請修改行章文

呈聯帥請派員監燬銷廢紙幣文附指令

呈省長將沒收違禁私運現金提撥伍千元以作賑欸文

呈省長議覆小學教員加薪文

會同造幣廠呈省長議復金楚泉請以人工製造銅幣礙難准行文

呈省長奉令據蒙自道呈河口督辦呈報河口災民陸明階等家被火成災請格

外加賑呈復文

呈省長奉令據同善堂紳管請發給常年補助費一案核議呈復文

呈省長爲昆明縣屬勘修軍路佔用民田請免田賦文

呈省長審訂戶糧冊情形文

呈省長請永免會澤縣屬己未年山崩蛟發田畝被災錢糧文

呈省長請轉令警察廳九年度預算數目仍照八年度編製文附指令

呈省長據石屏縣請由積穀存息提用建倉核議呈復文

呈省長據彝良縣請將牛街縣佐升爲一等缺文

呈省長考核曲靖縣知事兼辦第二區商稅六月比較短收文

呈省長考核兼辦第九區商稅騰衝縣知事交卸比較多收核議文

呈省長考核十五區商稅短收二成請記過文

呈省長考核楚雄縣兼征商稅短解議處並聲明調查計畫文附指令

呈省長爲第十三區商稅局六月考核比較文

呈省長擬定昭通縣征收火腿鑽頭稅率文

呈省長據富慎銀行呈請停紅加薪文

呈 聯軍總司令部
省長公署 令飭電政局將軍署歷年欠發電費查明結報以後該局經費統由

廳撥借不能再向外縣局分撥以免紛歧文

咨

咨鹽運使據監查催收楊委員監催磨黑井灶商欠欸情形文

咨交涉署據甯洱縣呈請轉咨英領引渡朱光榮歸案文

咨實業廳迅予編送九年度預算文

咨復實業廳咨請籌發實業研究會專任委員津貼文

咨蒙自道尹請加轉猛丁逃亡糧戶蠲免田賦冊結文

咨普洱道尹據緬寧縣呈報擬訂豐備倉暫行細則文

咨騰越關監督據尋甸釐員呈復辦理怡和興商號絲票年分錯誤文

咨實業廳奉省長令廳籌備考查箇東兩處礦業費用文

函據兼填出關票所委員呈復商會函達不照規定時間填換出關各票情形文
函覆郵政管理局函送東川局撥交釐款銀元文

委任令

委任李毓嵩接辦永昌釐金令

委任丁燦南接辦通海釐金令

委任黃復生爲耀龍電燈公司官股董事令

委任調查各區釐稅委員令

委任劉名昭接辦剝隘釐金令

訓令

訓令路南縣知事迅速籌辦牲稅文

訓令各縣行政委員改編各縣團保填報逾限減俸文

訓令靖邊行政委員據農民王請等呈請發給田產執照一案查復文

訓令各釐局委員各區商稅局據茂記商號呈請發還未用之特許証原繳出口

稅銀分別令知查照文

訓令各釐局奉令准廣西省長咨請飭各釐卡照章收繳稅票文

訓令武定縣知事呈報辦理營救史教士開支招待各費請核銷一案文

訓令各釐局商稅局各縣知事據商人請發給採買土貨出口特許証文

訓令鎮沅縣據呈請將何前知事募獲內國公債移作靖國公債文

訓令鳳儀縣知事准其採運糧米平糶文

訓令六城釐局准騰關監督咨送商人怡和興採買黃白絲運照令發填換文

訓令各縣知事本廳兼理升務職權移交實業廳接管文

訓令各釐局委員奉貴州省長庚電准商人運白硝赴滇桂銷售文

訓令昆明縣奉令據蔡謀處呈查獲赴銀行更番掉換現金奸民數名請究辦文
指令

指令雲龍縣呈復糧額欠缺原由文

指令昆明縣知事據呈傳迫省城各商虧欠鹽款情形文

指令易門縣知事據呈報縣屬米價騰漲請將各鄉倉積穀提五成平糶文
指令宣威釐員據呈復宣局征收實在情形文

指令曲靖釐員據呈復奉令飭查釐金收入數目文

指令陸良釐員據呈復征收情況文

指令羅平局楊委據呈復奉查征收歲入大宗一案文

指令緬雲釐局據呈報解欸困難請予展限文

指令興文當據呈送九年春季分管收除在四柱清冊並送月總簿文

法規類

雲南征收釐金暫行章程

雲南財政廳擬定土貨出口稅章程

雲南財政廳擬訂查驗採買土貨特許證辦法

雜錄類

雲南財政委員會建議案

雲南財政委員會議事錄

雲南財政月刊

八

第二期

心

文

公文類

呈

呈省長據富滇銀行呈核擬作價收買押錫放港沽押文

呈爲呈報事案據富滇銀行正副行長呈稱查上年因大錫滯銷銀根奇緊市面恐慌異常曾於議復前箇舊縣知事劉祖蔭呈大錫滯銷請設法救濟案內管箇碧鐵路公司總理陳鈞錫務公司總理李卓元電請由銀行息借鉅款收買礦砂案內擬將箇行押入大錫陸續跟放至港向各銀號按款撥還本行其不願跟放又不能另籌款項償還本行者即將押入之錫照現時市價由本行收買放港沽押換入外資藉以救濟箇舊市而但概以沒收字樣代之免與行章抵觸等情先後呈奉核准照辦並飭由箇行分別辦理據報沒收項下已陸續放出四千零零四片代跟項下已陸續放出四千五百四十六片經隨文呈報在案嗣因錫市停頓港埠各號均不按押款項當函飭箇舊分行暫行停辦以免積頓過多周轉不靈近來錫價雖時漲時落然幸有銷行動機各

銀號尙可按押欸項徒以價未大漲致各欠商希圖厚利每多觀望不售若任聽攔存居奇則押借本行之欸不知待至何時方能清還爲調濟金融活潑市面起見自非設法收回外欠換入外資不足以資周轉爰仍擬廢續將箇行押入之錫勒令各欠商按照市價作爲富記收買即將收買之錫陸續放運至港由港行經理斟酌市價如果與買價相當不至虧折即照市價售出若遇錫市停頓之時則將運到之錫押與港埠各銀號俟價值合宜時再爲取出售賣所有售押欸項及一切賬目均用富記名義俾於銀行業務不致抵觸似此辦理則箇行放欸既可陸續收回而外埠資財亦能稍爲挹注一舉兩得莫便於此當經函知箇舊分行酌量情形相機辦理去後嗣據先後函稱作價收買押錫放港沽押實係收回外欠轉換外資之一種機會現在作價收買之押錫已在一百三十餘張均經陸續放港以後押錫借欸擬於立券時訂明限期三月屆期不能償還即將所押之錫照市作價放港等語並據香港分行函報箇行放港之錫已先後運到數批因錫市停滯暫以富記名義向各銀號押欸備交各種欸項一俟錫

市稍動足敷本息時即當一律售出藉資周轉等情前來除仍分別函達港箇兩行相機辦理外理合具文呈請核示等情據此查該行長等所擬各節係爲調濟金融起見應請照准備案理合具文呈請 鈞署查核令遵謹呈

呈省長爲富滇銀行請將南校場公地撥歸經管文

呈爲呈請核示事案據富滇銀行呈稱竊查鈞廳先後暫貸本行之款共在壹百叁拾餘萬迭奉訓令均謂俟南校場公地售賣獲價陸續償還歸款計自出售以來買主甚屬稀少良由市面冷靜商民多無餘力購置產業且由廳購買必須將地價及建築費籌備齊全方能著手亦覺有種種窒礙之處若不設法變通辦理未知延至何日查現在南校場地價係照原定價額以七成五折算茲擬請鈞廳將該南校場公地撥歸本行代售即照原定價額暫以七折結算作抵本行貸款俟將來售出之後究竟規合幾畧再爲據實呈報撥收欠賬又此項地基而積現在測繪寬狹之點與實際上亦恐不合擬俟每次售買定議時再請鈞廳隨時派員三面會勘以昭實在至此項公地撥歸

本行代售後如遇買主欸有不足照本行放款規定儘可將購買此地執照仍向本行押借欸項藉資補助而偏僻之地商民不欲購建房屋者並可由行墊欸修建以便轉售似此變通辦理在商民欸雖稍絀尙不至咨嗟不前在本行陸續獲價即可以添資周轉一舉兩得莫便於此如蒙核准即請派員會同覆勘撥交售賣俾免望梅不能止渴懷金徒自啼饑也所有請撥南校場公地暫以七折價由行代售緣由是否有當理合具文呈請察核令遵等情據此當於七月十三日開財政委員會第二次會議時由本廳提出會議經出席會員全體議決以富行爲全省金融命脉所關自當力予維持詎可長此虧墊致令發生危險愈增政府之憂查南校場官地原訂售價收還銀行積欠之欸乃近年市面蕭條雖將原價減至七成五而售出者不過十分之三多係僅繳定銀未完地價值此金融恐慌之際尤難期全數售出以清積欠如撥歸該行經管不惟可令資本增多信用愈固且以政府欠欸尙撥產爲償則私人欠欸之催收因比較而亦易爲力至所擬開路開溝及建房轉售各節均屬切實可行惟地價仍以七成五

爲定不能再議減少倘因時勢之變遷實有低折時應由本廳臨時核辦上項研議結果已經委員全體贊成究竟可否照該銀行所呈將南校場公地撥歸經營之處本廳未敢擅專理合具文呈請 鈞署核示遵辦謹呈

呈省長據富滇銀行呈擬添設匯兌處以資收付公款文

呈爲呈請核示事案據富滇銀行呈稱竊照本銀行分行匯兌處章程前因核有未盡適宜之處當經分別修改繕請鑒核並將修改理由隨文聲叙在案查分行匯兌處之設原爲調劑金融便利公私起見故凡通都大邑及商務繁盛地方均應酌量情形分別設立分行或匯兌處以期脉絡貫通互相挹注本銀行現設分行匯兌處雖已有一十八處但各縣錢糧釐稅等項既經鈞廳通令概以紙幣徵收而距省較遠地方凡應解金庫之款均歸由分行匯兌處代收自非於通衢適中地方添設匯兌處數處不足以供給紙幣收付公款且非將某某等屬應解公款指明由某分行匯兌處代收亦不能杜絕欺朦得其挹注茲特斟酌各地方情形擬請添設匯兌處十處並將各屬解交

分行匯兌處處所明白規定繕摺呈請鑒核如蒙核准即請一面令知各縣知事及釐員等一律遵照辦理一面由總行遴選委員呈請委充各匯兌處經理以便早日組織成立照章辦理理合具文呈請衡核示遵等情計呈擬添設匯兌處暨指定收欸處所清單一紙據此當於七月二十七日開財政委員會第四次會議臨時提出議決僉以查各屬征收錢糧厘稅應交由最近之富滇總分各銀行匯兌處匯解迭經本廳通令各縣知事行政員各釐稅委員一體遵辦在案復查近日省會及附省各地銀根奇窘其在偏遠各縣紙幣之推行未偏收入公欸尙多現銀率因運解繁難交商匯兌迨其兌交省庫純以紙幣上納每月收入現銀寥寥無幾以致紙幣之行用有限而充斥於省垣現金之來源愈稀而影響及市面茲該銀行已擬修改行章於分行及添設匯兌處均加入代理省政府欸項之收付一項自當准於通衢適中地方添設匯兌處數處藉以收付公欸并指定某屬應解公欸應交由某分行或某匯兌處代收既杜交商匯解之弊兼爲推行紙幣之用俾各地收款應需紙幣時就近購換而吸收現金用資調

劑亦普遍而易於流通所擬添設之地方及某縣應交某處均屬切實可行惟應將匯兌處改名匯款處庶與章程第八條規定相符以免人民之誤會當經出席會員多數贊成理合照抄清單具文呈請 鈞長銜核令遵以便轉行遵照謹呈

呈省長據富滇銀行呈請修正行章文

呈爲呈請核示事案據富滇銀行呈稱竊查本銀行分行匯兌處章程前經分別擬訂呈奉核准照辦在案行長等接事以後體察本省情形酌金融狀況覺前訂章程對於分行匯兌處權責尙有未盡適宜之處茲特分別修改繕呈查核並將修改理由一爲鈞廳陳明之查各屬征收錢糧釐稅雖經鈞廳通令各知事釐員等一律交由就近之分行匯兌處匯解但係匯兌性質與代理政府收款情形不同無怪各知事釐員等收獲之錢糧釐稅每多不交由各分行匯兌處匯解也茲擬於分行章程第四條匯兌處章程第二條內各加一（代理政府款項之收付）則凡各屬收獲應解之錢糧釐稅等款只須解交各分行匯兌處即可作爲庫收至於應付各款一經政府飭撥亦即代

爲支付似此辦理則銀行方面既可得挹彼注此之益而省內外各機關亦可省往返發解之煩一舉兩得莫善於此又分銀行匯兌處現均負兌現責任一遇現金缺乏即向總行請領當此金融緊絀之時實屬難於兼顧且現因通令各屬凡征收錢糧釐稅概以紙幣繳納則各屬所需紙幣必須由本行設法供給現擬添設匯兌處多處專供附近地方購換紙幣若照從前辦法各匯兌者均負兌現責任則不惟邊遠地方欸絀時萬難解濟且通省分行匯兌處連添設處計當在三十餘處之多倘紛紛請現接濟總行之力實有未逮茲擬於分行章程第四條內加入負兌現責任一項而匯兌處章程第八條則改爲對於附近地方需用紙幣應供給購換但不負兌現責任似此明白規定則文義明瞭自不致受人指摘以上兩項於分行匯兌處權責關係極重理合繕具修改章程各二份具文呈請轉呈立案示遵等情計呈分行匯兌處修改章程各二份據此查富滇銀行分行匯兌處章程前於民國五年經該行修改呈經吳廳長呈奉鈞署令准照辦並咨准 財政部核復在案此次該行以前訂訂章程對於分行匯兌

權責尙有未盡適宜之處分別修改呈請轉呈立案前來核查所修改之分行章程第四條匯兌處章程第二條內各加代理省政府款項之收付一項又於分行章程第四條內加本行發行兌換券之兌現一項匯兌處章程第八條內則改爲匯兌處只能匯兌款項不負兌換現銀之責任各等語既於分行匯兌處權責關係極重即於七月二十七日開財政委員會第四次會議時連同添設匯兌處之案併提交議當經出席委員以目前推行紙幣始足使現金流通該行擬添設匯兌處與前擬設紙幣購換所用意相同其代理收付及兌換等事亦與迭次令飭各處公款交行匯解之義不悖因是而流行紙幣吸收現金則銀行之實力既增而金融之週轉亦靈似於公家及商民均裨益非淺應可照准惟該行與各分行匯兌處責任益加重應令將收匯各節再行妥擬辦法詳密規定呈候核定施行以期慎重公款免滋流弊經出席委員多數表決贊成理合檢同修改章程二份具文呈請 鈞長衡核令遵以便轉令照辦謹呈

聯帥
省長 請派員監燬銷廢紙幣文 附指令

雲南財政月刊 公文類

九

第二期

呈爲呈報事案查富滇銀行於民國四年一月二十三日呈繳作廢紙幣合金額貳拾伍萬玖千壹百元二月十六日呈繳作廢紙幣合金額玖萬伍千貳百元四月十六日呈繳作廢紙幣合金額伍萬陸千元八月二十七日呈繳作廢紙幣合金額捌萬貳千壹百肆拾叁元又五年二月二十四日呈繳作廢紙幣合金額貳拾柒萬貳千壹百元臨安分行被匪燒殘紙幣合金額貳萬陸千捌百叁拾元三月初十日呈繳作廢紙幣合金額壹拾叁萬元四月初八日呈繳作廢紙幣合金額壹萬壹千玖百元又六年三月十五日呈繳作廢紙幣合金額叁萬元又八年三月十三日呈繳作廢紙幣合金額肆萬零叁百伍拾貳元歷經分金庫點驗收存由各前廳長呈報 前 巡按使 公署並 省長公署 查核廳長任內又據富滇銀行於本年六月初七日呈繳作廢紙幣合金額叁萬貳千壹百肆拾元十九日呈繳作廢紙幣合金額陸萬貳千叁百元七月初六日呈繳作廢紙幣合金額壹拾叁萬元亦經分金庫點驗收存并呈報 省長公署 署查核各在案計該行前後十二次呈繳作廢紙幣連同臨安分行燒殘紙幣共合金額壹百貳拾貳

萬捌千零陸拾伍元查此項作廢紙幣均屬無用之物長此收存不惟保管交代均費手續且一般人民於收回大宗廢紙幣亦未知悉擬將此項廢紙幣悉數焚燬既免保管交代之煩且使一般人民知焚燬大宗廢紙幣於富慎銀行信用愈覺昭著惟茲事體大應請 鈞 座 遴派專員親蒞廳庫逐細點驗再行定期監視焚燬以昭慎重除呈 省長公署 會派外理合具文呈請 鈞 部 查核令遵謹呈 聯軍總司令部 雲南省長公署指令

呈悉富行節年呈繳廢票已積數百萬有奇久事存儲實不相宜所請派員點驗監視焚燬自屬正辦應准照行茲委派本署總務科員王鈞圖赴廳辦理仰即遵照並候 聯軍總司令部核示可也此令

聯軍總司令部指令

呈悉著派本部軍需處中校處員羅堯相前往會同辦理仰即查照此令

呈省長將沒收違禁私運現金提撥伍千元以作賑款文

呈爲呈請核示事案查省城近因米價昂貴民食維艱曾經 鈞署議定救急辦法分別着手辦理但賑濟貧民一項需款尤急官紳雖應捐欸提倡政府尤應籌欸補助值此庫帑奇窮實屬萬難籌備惟查有本廳庫收存各處沒收違禁運帶出境銀幣約共柒千陸百餘拾元係屬臨時收入擬請由此欸內提銀伍千元撥作賑濟以違禁沒收之欸作救荒賑濟之需似較得體是否有當理合具文呈請 鈞長查核示遵謹呈

奉省長議覆小學教員加薪文

呈爲核議呈覆事案奉 鈞署訓令據省立四區小學校藝徒學校校長第一師範附屬小學主任員會呈現在本省生活甚高百物騰貴懇祈俯念小學清苦加給月薪一案後開復查省會現時百物騰貴開用浩繁小學教員月僅支薪一十七元實屬微薄若不酌予加給殊不足以示體恤惟據表列應加數目每員月加一十八元月共需一千五百元按之本省現時財政每月驟加此一千餘百元之支出殊難辦到茲由署酌中擬定且定爲暫時津貼辦法自本年七月分起以三個月爲限嗣後又另行規畫核

定其年功加俸亦俟日後并案核辦計小學五校主任教員六十八員定爲每員月加津貼銀七元合四百七十六元兼任教員十二員每員月加三元五角合四十二元又九員每員月加一元七角五仙合一十五元七角五仙五校月共加銀五百三十三元七角五仙又藝徒學校每日教授學術兩科各半此項津貼自應比照酌減定爲每員月加銀三元計廠監一員教員三員技師五員共九員月加銀四十二元又體操教員一員月加銀一元七角五仙藝徒一校月共加銀四十三元七角五仙又查該校長主任等每員月支薪俸二十八元亦屬微薄自應一體每月每員照加津貼七元以資辦公計校長五員主任一員共六員月合加銀四十二元總共每月加銀六百四十元零五角即由該廳核議籌發此項暫加津貼祇以小學校長教員爲限其他學校及各縣地方不得援以爲例至三月屆滿以後究應如何加給屆時再爲酌定令飭核議合行令仰該廳長即便核覆飭遵等因奉此查省會現在生活甚高百物昂貴該小學校長主任員等請加月薪既經 鈞署酌核按各校所設員名擬定暫加津貼數目以三個

月爲限令廳核議籌發等因查現在庫儲之窘更甚於前仰屋興嗟焦灼萬狀多增支出實難籌措茲仰體 鈞長體念教員清苦之盛意勉爲其難酌量承認擬請按照核定酌加之數減去四成以六成發給仍自七月分起以三個月爲率限滿即行停止嗣後其他省立各校若有援例要求者務乞 鈞署即查照此次令廳之案逕予拒絕不必再令廳核議以免應付爲難實沾德便所有核議緣由是否有當理合具文呈覆並將擬發六成銀數另單開呈請祈 鈞署查核訓令遵辦並祈示遵謹呈

會同造幣廠呈省長署議復金楚泉請以人工製造銅幣礙難准行文

呈爲會核呈復事案奉鈞署訓令據督署中校副官金楚泉呈請以人工製造銅幣一案令廳會廠核議具復以憑飭遵計發銅幣式三枚表一張等因奉此本廠長查此項人工鑄造銅幣比較機器製造相懸太遠其顯而易見者約有數端可略舉之(一)式樣與原有不同觀察樣幣一面印嘉禾一面印政府造式樣既與原有同一地方而有兩種鑄造恐於行使上顯分彼此(二)輕重相差太甚以樣幣三枚相比較有四錢

五分者有三錢六分者輕重相差至九分之多恐於行使上難昭信用(二)花紋粗劣便於仿造香樣幣所印花紋與金銀舖所印者無異若鑄造有利而一般諸工藝者難免私自鑄造行使市面真偽莫分無從防止以上三端僅就樣幣而言其表列所載每日之利益未將銅本人工燃料鋼料葯料等費用列入是否真確尙難核計至擬撥借本廠印花機兩部一層查本廠印花機可用者僅數部僅敷每日掉換鑄造之用其閑置者僅有由天津運來之數部尙未修配完備雖撥借尙需修配時日方能行使恐緩不濟急本廳長查造幣爲國家唯一特權自不宜紊雜凌亂致礙幣制矧所陳辦法窒礙甚多利未可期而弊滋甚恐反致金融之擾亂就目前市面論經本廳長等多方救濟銀銅各幣亦已照常流通但銅元爲輔幣之一爲活動金融計亟應切實擴充况滇省爲產銅最富之區鑄料不虞缺乏特以機器有限鼓鑄銀幣尙虞不給現已向外商訂購機器俟購成運到時即可鑄出大宗銅幣以資輔助該副官所擬以人工製造銅幣一節本屬熱心救濟其心甚屬可嘉惟於事實不甚諳悉擬請毋庸置議所有會核

緣由是否有當理合會文呈請 鈞長鑒核示遵謹呈

呈省長奉令據蒙自道呈河口督辦呈報河口災民陸明階等家被火成災請格外加賑呈復文

呈爲呈復事案奉 鈞署訓令開據蒙自道道尹秦光第呈據河口對汛督辦余冠瓊呈報河口被火災民陸明階等懇予設法拯救擬由新收五月分各汛俱樂部撥款內提銀伍百元格外加賑災民以維現狀一案後開查此次河口地方慘遭回祿延燒居民二百數十戶之多灾情奇重實爲向來所無該督辦所請再由五月分收入各汛俱樂部捐款內提銀五百元格外加賑既據呈由該兼道尹核明係爲體念災黎維持現狀起見應予照准以惠災黎合行令仰該廳長迅即查核辦理咨道令遵並具報查考等因奉此查該河口居民陸明階等家被火成災延燒二百三十餘戶前據呈報業經照章給賑飭由俱樂部撥支在案茲續呈前情復查各屬地方居民被火成災無論延燒若干戶均係按照章程辦理從無格外加賑之案該督辦以此次灾情奇重請再由五

月分收入各汎俱樂捐款內提銀五百元格外加賑自係爲體念災黎維持現狀起見
既奉 鈞署核明照准自應令飭余督辦再由收入俱樂捐款數內提銀伍百元加賑
被災各戶惟此格外加賑之款係因河口地方界在邊壤與內地情勢較殊是以特別
照准他處不得援以爲例並即由廳令委河口富滇分銀行行長李士肅會同河口督
辦余冠瓊前往撫卹按戶散放以示政府軫念邊境災黎之意仍取各災民領結紳首
切結造具領賑災戶姓名清冊各加具印結呈報以憑查核除分別咨令外理合具文
呈復 鈞署查考謹呈

呈省長奉令據同善堂紳管呈請發給常年補助費一案核議呈復文

呈爲核議呈復事案奉 鈞長訓令開據同善堂紳管李葵等呈報善堂欸項奇絀貧
民生計維艱請由本年賑糶餘欸內籌撥常年補助經費以維善舉一案後開查此案
昨據該紳管等呈署當以前呈所請撥欸補助以維善舉一案業經令據財廳呈覆核
准由廳提撥銀陸百元補助該堂經費何以來呈尙未領獲即經指令候飭財廳查核

照案給領在案茲據聲明臨時常年兩項呈復前來查現在庫款異常支絀所有該堂不敷之常年經費勢難再行籌撥惟據稱該堂自例捐停止來源已絕而地方慈善事業非有常款不足以資維持等語核查尙係實情所有該紳管等呈請籌給常款之處究竟能否勉力酌量規畫以維善舉之處除指令外合行令仰該廳長即便查核議擬呈覆核奪等因奉此並據呈廳查省會同善堂及養疾院育嬰堂三處前因年歲饑饉貧民衆多每年收支兩抵不敷三千肆百餘元虧累甚鉅造具預算冊表呈奉 鈞長令廳設法籌款補助以惠貧民當經核明於舊案按月補助該堂院等之經常費外另由庫儲止款酌給一次補助金陸百元呈請 鈞長分令遵辦嗣據該堂院紳管李蔡等備具單據呈領到廳業經照案核發陸百元各在案茲奉前因復查本廳現因庫儲奇窘軍政兩費尙且積次累月未能按月發清焉有餘力再行補助該堂院等長年之經費但念該堂院等俱屬地方慈善事業且所呈米價驟增貧民生計爲艱等語尙係實情擬請查照前次辦法除舊案補助該堂院等按月補助之經費外再由庫款續行

酌給一次補助費銀陸百元以惠窮黎而維善政是否有當理合具文呈復 鈞長查核指令示遵謹呈

呈省長爲昆明縣屬勘修軍路佔用民田請免田賦文

呈爲呈請永免田賦事查前任昆明縣知事葛延春奉 督軍公署訓令開案查由省垣至巫家坝改築軍路凡路線經過佔用民間田地一律丈量酌中估價概行收買等因派員前往勘丈並將遵辦情形呈報在案茲據該現任知事魏錕將佔用田地派員前往會同堡村董等詳細勘丈明確造具請免田賦冊結呈送前來核查冊列勘修軍路佔用縣屬南東鄉西甯馬軍堡香條前後村和甸營官坡五里多等村上則成熟民田壹拾玖畝柒分玖釐每畝應征秋糧肆升伍合共合糧捌斗玖升零伍勺伍抄上則成熟民地捌畝零肆釐每畝應征秋糧貳升肆合共合糧壹斗玖升貳合玖勺陸抄以上民田民地兩項共合秋糧壹石零捌升叁合伍勺壹抄每石應征田賦銀柒元零貳仙團費銀叁角附捐銀壹元共應請豁免田賦銀柒元陸角零陸釐團費銀叁角貳

仙伍釐附捐銀壹元零捌仙肆釐既經該知事勘丈明確田地既已廢置不能耕種呈請將應納田賦永遠豁免廳長覆核與例相符若仍照常征收民力實有未逮擬請鈞長俯念已作軍路之用准將前項應納田賦等欸自己未年起永遠免除以舒民困所有核議永免軍路佔用昆明縣民田民地應征田賦各緣由是否有當理合具文呈請鈞長查核指示以便計除令飭祇遵謹呈

呈省長審訂戶糧冊情形文

呈爲呈請查核事竊查本省田賦弊混已深自本廳呈定改編戶糧冊按鄉分里按戶擠查雖未能將弊混掃除罄盡然以現時情形裨益良多就征收積欠田賦言在未辦糧冊以前各縣糧戶納糧若干積欠若干催收者無從得悉納糧者亦不知其欠數故催解文牘幾至盈尺而蒂欠各縣呈報催收者廖若晨星自改編糧冊以後收獲田賦積欠即在數拾萬元最著者如蒙化縣因此一舉逮開征之日收數達壹萬元左右就增加收入而論清獲溢額之縣十居八九每縣年增千數百元茲將審定發還備案各

縣彙陳備案石屏縣溢銀玖百貳拾叁元捌角陸仙貳釐華坪縣溢銀伍百貳拾壹元陸角陸仙玖厘澂江縣溢銀肆百捌拾元零叁角伍仙壹釐蒙自縣溢銀肆百柒拾玖元肆角壹仙柒厘肆毫文山縣溢銀貳百伍拾肆元肆角貳仙捌厘麗江縣溢銀壹百陸拾陸元貳角肆仙玖厘富州縣溢銀貳百壹拾玖元零零玖釐叁毫鳳儀縣溢銀壹百零貳元陸角柒仙捌厘緬甯縣溢銀壹百貳拾貳元玖角陸仙零貳毫賓川縣溢銀壹百壹拾肆元陸角肆仙玖厘叁毫壹絲牟定縣溢銀壹百貳拾貳元陸角伍仙伍厘叁毫會澤縣溢銀壹百捌拾柒元柒角伍仙順甯縣溢銀柒拾元零壹角陸仙陸釐尋甸縣溢銀陸拾伍元肆角肆仙玖釐叁毫魯甸縣溢銀叁拾玖元壹角柒仙叁厘馬龍縣溢銀叁拾肆元零玖仙柒厘捌毫叁絲富民縣溢銀叁拾叁元陸角貳仙貳厘鶴慶縣溢銀叁拾元零伍角伍仙陸釐玖毫捌絲永平縣溢銀叁拾貳元叁角肆仙零貳毫雲龍縣溢銀伍拾伍元捌角伍仙捌厘貳毫貳絲巍巒縣溢銀壹拾柒元玖角玖仙玖釐叁毫陸絲昆陽縣溢銀叁元捌角貳仙壹釐肆毫通海縣溢銀肆角零伍釐嵩明縣

溢銀陸百叁拾肆元貳角捌仙玖厘綜計二十四縣共溢銀肆千柒百零叁元肆角伍仙陸厘捌毫均已由廳照數登記分令各縣入額征解餘如比較原額毫無增減之涸源鄧川鹽豐漾濞等縣及礪嘉五曹等縣佐亦已審定發還備案除令現正改編各縣勒限趕辦外理合將審定各縣糧冊情形及溢額銀數具文呈請 鈞長衡核立案示遵謹呈

呈省長請永免會澤縣屬己未年山崩蛟發田畝被災錢糧文

呈爲呈請永免被災錢糧事案查前據會澤縣知事李上理呈報縣屬集義鄉大下甲等處己未年分蛟發山崩成災請委會勘等情到廳當經由廳令委東川釐員王政齊前往會勘辦理在案嗣據該印委等勘明被災田畝造具冊結呈報請免前來核因都圖漏送與例不符碍難呈辦即經由廳令飭該知事趕速補送去後茲據補造前來核查冊造該縣屬集義鄉大下甲等處己未年分蛟發山崩成災壓滅下則民田壹拾陸畝民地伍畝伍分應請蠲免條糧等款銀壹元陸角玖仙陸釐團費銀壹角壹仙伍釐

附捐銀叁角伍仙貳釐即據該印委會勘明確均被山石堆壓請免田賦數目廳長覆核與例相符若仍照常征收民力實有未逮擬請 鈞長俯念民情困苦准將前項被災田地應征條糧團費附捐等款銀元自己未年起一律特予永遠蠲免以舒民困所有核議會澤縣屬己未年分較發山崩壓滅田地不能墾復請永免田賦各緣由是否 有當理合具文呈請 鈞長衡核指令以便計除行飭遵辦謹呈

呈省長請轉令警察廳九年度預算數目仍照八年度編製文

附指令

呈爲呈請核令事案查省會警察廳八年度經費列入國家預算者共銀壹拾陸萬柒百零捌元列入省地方預算者共銀捌萬伍千伍拾貳元現辦九年度預算曾奉 鈞署令發警察廳預算表册當即按款審覈計國家預算內列警察廳及六分署經費共銀貳拾壹萬元有奇比較八年度預算計增銀伍萬伍千玖百餘拾元又省地方預算內列銀壹拾萬捌千餘元比較八年度預算計增銀貳萬肆千肆百餘元係巡警教練所幼孩工廠宏濟醫院普濟堂等共增之數以國家省地方兩項共約增銀捌萬餘百

元按前次辦理八年度預算即因警察廳經費增加過多曾經呈請轉令仍照原案編製嗣以警察廳呈准添設崗住經費及三迤警務視察經費係刻不容緩之舉復令本廳照編本廳以事關要政不能不勉爲承諾編入預算茲奉發九年度預算又較八年度預算約增捌萬餘百元在警察廳整頓警務增加經費固屬要圖然值此庫帑萬窘之秋每年收不敷支計達壹百餘拾萬元故現支軍政各費積欠累月無法彌補即照舊案辦理猶不能如期應付以後欲求收支適合非得各官廳體念財政困難竭力核減預算直無適合之望况又增此巨款虧短愈鉅更屬力不能支惟有懇請 鈞署轉令警察廳所有九年度經費預算仍照八年度預算原案編製稍杼財力理合具文呈請 鈞長查核并指令遵辦謹呈

雲南省長公署指令

呈悉查警察廳編製九年度預算書既經該廳按款審覈比較八年度約增銀捌萬餘百元並據聲明值此庫帑萬窘之秋每年收不敷支况又增此巨款虧短愈鉅等語自

係實情所請轉令警察廳將九年度經費預算仍照八年度預算原案編製以杼財力之處應即照准除將原書令發警察廳遵照辦理外仰即知照此令

呈省長據石屏縣請由積谷存息提用建倉核議呈復文

呈爲呈覆事案奉 鈞長訓令據兼代蒙自道道尹秦光第呈據署石屏縣知事彭世功呈稱竊查庚午以前縣屬原有積谷公倉捌所後因失修相繼倒塌僅存公倉二所接年以來所存谷石勿論新谷舊谷均併歸一堆存儲損壞堪虞知事擬就原有基趾建築公倉一所飭令倉正及正紳十餘人與各項工匠切實估計約需洋壹千零數十元然當此財政奇絀之際庫儲如洗請欸固屬不能而地方又無別項存積公款可以提撥擬將八年份所存息谷京石壹百零肆石變價伍百貳拾元充用又由倉正胡商鼎袁丕訓等捐銀壹百元尙不敷肆百餘元則由知事設法籌措不敷時則捐俸以補之務期告成以益地方惟提用積谷存息事關重大未敢擅專理合具文呈請核轉等情據此查該知事呈請建築公倉係爲當務之急所需工料銀壹千餘拾元請由積

谷存息項下提撥開支不敷之數由該官紳設法籌捐補助擬請照准理合具文轉呈請祈 鈞署俯賜查核示遵等情據此查該知事議擬建築積谷公倉自屬備荒要圖所需工料費千餘元請由積谷存息項下撥支不敷則由官紳籌捐補助既經呈由該管道尹核轉請准前來合行令仰該廳長即便核明具覆以憑飭遵此令等因奉此查保存積穀簡章第二十條內載凡平糶所獲盈餘無論多少只准提出一半之數作爲買補耗穀還倉及開支倉紳薪水盤量人工伙食修補倉廩工程之用不問費用之盈虛如何倉房之修補多寡統給此數其餘一半應如數歸入實存項下買穀入倉具報又第十條載凡倉廩若有朽壞經倉正審查認爲必須修補時得報告地方官勘驗屬實所有隨時修補應需修費應照第二十條規定辦理若有大修之處應由地方官另外籌款修理各等語茲該知事呈稱該縣原有積穀公倉捌所後因失修相繼倒塌僅存公倉二所節年以來所存穀石無論新穀舊穀均併歸一堆存儲損壞堪虞該知事擬就原有基址建築公倉一所估計工料約需洋壹千餘拾元請由該縣八年所存息

穀壹百零肆京石變價伍百貳拾元提用開支不敷之數由官紳設法捐助呈請核示等情前來核與章程不符事關通案恐一經照准他縣援例請求窒碍殊多擬請令飭該知事仍遵照保存積穀簡章第二十條規定辦理所請應勿庸議奉令前因理合具文呈覆請祈 鈞長查核令飭遵辦并祈令示祇遵謹呈

呈省長據彝良縣請將牛街縣佐升爲一等缺文

呈爲核議呈復事案查接管卷內奉 鈞署訓令據彝良縣知事王履和呈請將彝良縣牛街縣佐缺升爲一等俾資辦公等情到署查牛街地居邊要所呈繁難各節亦係實情惟當此庫帑支絀之時能否准如所請改爲一等之處合行令仰該廳即便核議飭遵具報原文已據分呈不再抄發等因奉此并據呈廳查所呈牛街地處極邊匪重政繁月領縣佐公費銀肆拾元不敷應用各情尙屬實在所請改爲一等縣佐增加公費以資挹注本應照准惟是現在庫款支絀達於極度按月應發各項軍警政學經費正苦無款發給積欠累累實無餘力再籌新增經費且本省各縣佐中之政務紛繁公

費不敷者不只牛街一處若該缺升等增加公費他處必援例要求一概允許則款項從何而出將准此駁彼似又不足以昭公道應由該縣轉令該縣佐暫行勉爲其難就原定公費勻挪開支至請提升之處一俟本省財力稍裕再行提議除令遵外理合具文呈復請祈 鈞署查核謹呈

呈省長考核曲靖縣知事兼辦第二區商稅六月比較短收文

呈爲呈請核示事案查第二區商稅係曲靖縣知事李沛兼辦自民國八年七月三十一日到任起至九年一月底止計六個月零一日共報收商稅銀陸千叁百陸拾元零肆角柒仙貳釐照章以該區新定年額銀貳萬貳千元分別平枯旺月攤比共應攤解銀壹萬肆千叁百叁拾柒元陸角叁仙以報收之數核比合較額短收銀柒千玖百柒拾柒元壹角陸仙貳釐短收在五成以上按照商稅定章六月比較短收叁成以上者應行撤換惟該區商稅前據該知事呈明征收困難情形當經吳前廳長核准暫照該知事所認壹萬肆千元之數報解令飭遵辦嗣又據復呈短收各情亦經令飭認真

整頓照額征解各在案茲屆六月考核即以核准定案壹萬肆千元之數攤算亦應解銀柒千零叁拾柒元陸角叁仙肆釐以該知事報解之數比較實短收銀陸百柒拾元壹角陸仙貳釐擬請嚴令該知事照所認之額補解足數以符定案所有考核緣由是否有當理合具文呈祈 鈞長查核指示俾轉令祇遵謹呈

呈省長考核兼辦第九區商稅騰衝縣知事交卸比較多收核議文

呈爲呈請核示事案查兼辦第九區商稅騰衝縣知事謝式南自民國八年九月十六日到任起至九年四月十三日交卸止計六個月又二十九日共報收商稅銀捌千零貳拾貳元肆角伍仙陸釐照章比較該區新定年額銀壹萬貳千元分別平枯旺月攤比共應攤解銀柒千玖百捌拾叁元叁角叁仙叁釐以該知事報收之數比較定額合長收銀叁拾玖元壹角貳仙叁釐計其多收之數不及壹成照章不能給獎應請勿庸置議所有考核第九區商稅交卸比較多收不及一成照章勿庸置議緣由理合具文呈祈 鈞長查核示遵謹呈

呈省長考核第十五區商稅短收二成請記過文

呈爲呈請核示事案查兼辦第十五區商稅麗江釐金委員劉奎光自民國八年十月二十三日兼辦起至九年四月底止計六箇月零九日共報收商稅銀壹千叁百陸拾陸元貳角九仙照案以該局新定年額銀伍千元分別平枯旺按日攤比應額解銀壹千捌百柒拾伍元伍角壹仙陸釐壹毫以報收之數比較定額合短收銀伍百零玖元貳角貳仙陸釐壹毫短收在二成以上查商稅定章屆滿六箇月比較短收二成以上者應記大過茲該釐員兼徵商稅短收二成以上雖據呈明因受東旺匪亂影響以致收不足額請俟年滿再行考核然與定章不符未便照准仍應照章辦理擬請將該麗江釐金兼辦商稅委員劉奎光予記大過壹次如年滿考核時能於比較足額准其呈請取銷所有考核第十五區商稅短收記過緣由理合備文呈請 鈞長俯賜衡核示 遵謹呈

呈省長考核楚雄縣兼征商稅短解議處並聲明調查計畫文 附指件

呈爲呈請核示事案查楚雄縣知事程宗孔兼辦第三區商稅該知事自民國八年一月十一日到任起至九年二月底止在任共計十三個月又十七日共報收商稅銀伍千陸百壹拾伍元叁角以新定年額銀捌千元攤比應額解銀玖千壹百壹拾捌元貳角柒仙捌釐以報收之數比較短收在三成以上查該區商稅前據該前署縣王知事嘉福呈稱自舉義以來商貨停滯盜匪猖獗稅收較前減色堅不承認新額復請援引大理縣呈准成案暫照舊章辦理當經吳前廳長珉核准暫照四年分實收之數核比嗣程知事到任復將徵收困難情形呈廳亦經由廳核准暫照前任辦法以舊章核比在案茲該知事程宗孔在任十三個月又十七日照案以四年報征實數伍千玖百捌拾玖元捌角零對月按日攤比共應解銀陸千捌百零貳元柒角伍仙肆釐今該知事僅報收銀伍千陸百壹拾伍元叁角實合短收銀壹千壹百捌拾柒元肆角伍仙肆釐短收在壹成以上按照新章應記大過壹次查該知事前屆六月比較短收貳成以上曾經呈請從寬記過壹次奉令照准轉行遵照茲該知事業經交卸統核任內收數按

照舊章仍短收壹成以上實屬經徵不力擬請將該卸楚雄縣知事程宗孔照章記大過壹次以示薄懲所有考核緣由理合備文呈請 鈞長查核示遵再查各區商稅前於民國六年吳前廳長現任內曾經擬定加額通令遵辦然兼征各縣強半未照新額征解考核徒有其名雖因年來道路阻塞商務停滯所致而假託影響於中侵蝕者要亦難保必無職廳現擬切實整頓先從調查入手一經調查得實即可另定比額責令徵解嚴定考核不稍寬假除俟計劃完備另文呈報外合併陳明謹呈

雲南省長公署指令

呈悉查該卸知事程宗孔任內所收商稅短額一成以上實屬經征不力應准如擬照章記大過一次以示薄懲至附陳整頓辦法先從調查入手另定比額嚴加考核各節應即另案呈核辦理除飭科註冊外仰即轉令遵照此令

呈省長爲第十三區商稅局六月考核比較文

呈爲呈請核示事案查兼辦十三區商稅局長廣南縣知事商文炳自民國八年九月

一日到任起至九年二月底止計六個月共報收商牲稅銀壹千壹百壹拾陸元照章以該局新定年額貳千捌百元按月攤比應額解銀壹千肆百元以該知事報收之數比較定額計短收銀貳百捌拾肆元短收在二成以上照章應記大過擬請將該廣南縣知事商文炳照章記大過壹次以示薄懲俟將來年滿如能征解足額仍准呈請取銷所有考核緣由理合具文呈請 鈞署俯賜查核示遵謹呈

呈省長擬定昭通縣征收火腿罐頭稅率文

呈爲呈覆事案奉 鈞長訓令據宣和火腿公司經理浦鍾傑呈請飭宣威昭通兩縣緩免火腿罐頭稅捐一案呈悉此案既據該廳令據宣威縣知事呈復警察事務所雖有抽收該公司火腿罐頭捐彌補警欸之議并未准行應即勿庸置議至昭通縣征稅一節係屬釐稅正供經該廳核明比照火腿釐率酌減按每火腿罐頭百斤征牲稅銀叁錢照章給票放行以裕稅源之處辦理尙無不合應准照辦仰即轉飭該公司遵照此令等因奉此並據呈廳當經分令宣威昭通兩縣知事查明此項火腿罐頭曾否實

行征收征收方法如何規定呈覆核辦去後茲據宣威縣知事周世銘呈稱遵查該火腿罐頭公司前經倒閉本年來始行恢復知事尙代爲維持何致有抽捐之議該經理浦鍾傑此次呈請緩免稅捐係因宣威警察事務所黃區長炳文以警款支絀向知事面稱可否抽該公司火腿罐頭稅捐以補警款不足知事並未准行故未議征收方法及規定一切該經理誠恐實行征收是以先爲呈請緩免奉令前因理合具文呈覆請祈俯賜核辦又據昭通縣知事梁友楹呈稱該公司將火腿改爲罐頭稅收極形困難至如何徵收尙未奉有明示奸商遂藉此漁利查釐章每火腿百斤徵銀叁錢自改罐頭後每百斤收爲五錢可否准予仿照釐章徵收抑或另訂收法之處知事未敢擅專理合具文呈復請祈俯賜查核飭遵實爲公便各等情據此查宣和火腿罐頭銷路逐漸發達昭通縣知事擬請征稅以顧正供其辦法自係正當且民人有納稅義務載在約法該公司既營此業斷無不完釐稅之理况宣威嵩明等釐局固已征收釐金性稅事同一律自應照准征收惟所請按照釐金章程每百斤抽釐銀伍錢其數雖不爲多

但該縣從前所收火腿牲稅稅率係每隻抽錢貳拾文較之現定罐頭稅率爲輕現值商况艱難亦不能不略示體恤廳長再三斟酌擬請比照火腿釐率酌減按每火腿罐頭百斤准徵牲稅銀叁錢照章給票放行以裕稅源而顧正供至宣威縣知事雖有抽捐彌補警欸之議然未實行可勿庸置議奉令前因所有核議緣由是否有當理合具文呈復請祈 鈞長查核示遵謹呈

呈省長據富滇銀行呈請停紅加新一案文

呈爲呈請查核立案事案據富滇銀行呈稱竊查本銀行總分各行各匯兌處自行長經理以次薪俸均較微薄在擬定章程時原以每年兩屆札賬既由純利十二成內提出一成作爲總分各行處行長經理員司等紅利則每月額支薪工自不能不比照各機關所訂薪俸稍事末減以免貽人口實近來銀根奇窘行務困難從前呈准分紅原案自應暫時停止即將此項提分之一成紅利留備彌補虧折俟將來金融稍裕業務回復原狀時再照前案提分以符銀行原則惟紅利既經暫停而原定薪俸較薄自不

能不酌量加給俾與既廩稱事之意相合茲將總分各行處行長經理暨各行員等薪俸公費津貼交際費等項分別擬訂繕摺呈送如蒙核定即自七月一日起實行停紅加薪以便結算賬務所有擬訂總分各行匯兌處加薪數目呈請查核緣由理合繕摺具文呈請俯賜查核轉呈立案並乞示遵計呈請摺二扣等情據此查該銀行爲本省金融上重要機關數年以來紙幣流通信用昭著在行服務各員誠不無微勞足錄前以薪俸微薄故每年分給紅利藉爲激勵茲既停止分紅自不能不酌加月薪俾其贍用矧值此銀根奇窘市面恐慌之時尤當督勵群力共謀支柱核計月加之數較原支數雖增數百元而停止分紅則所節已多似可照准仍俟整理起色飭其酌減人員以免糜費至省外分行如香港及將來擬設上海貴陽重慶等處省內如箇舊等處生活高昂亦應准其酌加用資津貼除由廳將原册分行薪津各項改定另繕附呈并指令外理合具文呈請 鈞署查核示遵謹呈

呈請 聯軍總司令部 令飭電政局將軍署歷年欠發電費查明結報以後該局經費統由

省長公署

應撥借不能再向各縣局分撥以免紛歧文

呈爲呈請核令事案奉

鈞部
鈞署

訓令據電政監督吳珣呈領軍署六年七八九等月一

等官電報費銀叁萬貳千玖百伍拾貳元伍角壹仙除函財政廳令由各縣局撥支分
電局經費電桿價值及向廳庫借支經費共銀貳萬捌千貳百柒拾元零玖角陸仙外
實應領銀肆千陸百捌拾壹元伍角伍仙請令廳照發以濟支銷一案後開飭核表列
各電字數及折收銀數除符合者不議外惟八月分拍發本省各電照表列各數計算
共二萬八千二百零八字茲列四萬一千九百四十二字計多一萬三千七百三十四
字費銀當即逕飭電報處查明簽覆係因繕寫錯誤合多列銀肆百壹拾貳元零貳仙
應請更正扣除實合叁萬貳千伍百肆拾元零肆角玖仙等情除由財政廳先後飭令
各縣釐撥濟各電分局經費桿價共洋壹萬伍千肆百叁拾陸元壹角壹仙陸釐尙合
領銀壹萬柒千壹百零肆元叁角貳仙玖釐應查照舊案由該局暨財政廳軍需局三
面撥作收放俾紓財力至該局自八年八月至九年五月止每月赴廳請領壹千共合

壹萬元係在上年該監督請自六月分起按月撥濟經費由廳核擬定案後所領之款自不能奉入六年分報費內抵撥以清欸目除指令分行外合行令仰該廳遵照辦理計發單據壹分等因奉此查電政總分各局每月應需經費除照案由廳令飭省外各縣署釐局每月撥支各分電局經費約貳千餘元外前經本廳呈奉 鈞署核准每月由庫款借墊總局經費銀壹千元均作抵該局應領軍政兩署官電報費歷經照辦在案茲奉前因核查電政局所領 前督軍公署六年七八九三月官電報一欸既經 鈞 部 核明除刪去多列銀肆百壹拾貳元零貳仙外實合銀叁萬貳千伍百肆拾元零肆角玖仙准將各縣署釐局墊支電局經費電桿價銀壹萬伍千肆百叁拾陸元壹角壹仙陸釐作抵領款餘銀壹萬柒千壹百零肆元叁角貳仙玖厘由廳會局查照舊案作收作放該局由廳庫借支之欸係上年酌擬按月接濟經費定案後所領不能牽入六年分報費撥抵自應遵令由廳分別撥抵以清欸目惟查該局每月應需經費在部轄時代收支自給與廳庫初無關繫軍政兩署之電費則由庫支發以爲數有限

亦未蒂欠自滇舉義後軍署應發電費數輒累萬知廳庫無款可發故多數恒作爲提
供軍用令廳虛作收放不予實發電政局收入大減因之常年經費不敷開支遂變計
分途寸節取償於本廳既迭請由各縣署釐局撥支各分電局經費嗣復呈請按月由
廳庫借墊銀壹千元均請抵領軍署歷年欠發電費而又故爲延宕分爲三個月呈請
抵領一次揆其用意蓋恐全盤報出經 鈞部 一概令廳虛作收放將歷年積欠了清
則後此由廳庫撥墊之款即須就後此應領軍事電費數內扣還不能再以前欠甚鉅
爲詞只抵舊賬不抵新賬其開支不敷之款將無餘地可以騰挪故以懸賬不結爲得
計雖迭經本廳函請將軍署歷年積欠電費截期結算分月備具請欸細數單據呈請
核明令廳俾歷由各縣署釐局撥支之欸得以從速核作收放免日久賬懸不結諸多
窒碍該局迄未照辦現請領 前督軍公署六年七八九三個月電費案內經 鈞部
核明各縣局墊支之欸准抵領欸其廳庫歷月借支之欸不能牽入六年報費內撥抵
蓋以廳庫借欸照原案係以接濟電政局開支之不敷不能牽入舊賬作抵前欠又圖

再索開支之款足見

鈞部

於財政電政雙方兼顧之至意特是各屬應解糧稅及各

釐局應解釐金均屬廳庫之收入今以之撥支軍事積欠電費仍與由庫實發無異統計舉義後各縣局撥支電局經費已撥抵過領款者在數萬元經本廳函送印收尙未撥抵過賬者約貳萬餘千元現據各縣局呈送印收尙未彙送電局者約壹萬餘百元合計現在虛懸各縣局撥款共有叁萬餘千元每月由各縣局額定撥支之款近貳千元而函請撥款之文猶續來未已大都凡可以撥款之地方無不計及以現在計每月由各縣局撥支及廳庫借墊之款共叁千餘元而

鈞部

電費復請由庫實發不任由

撥款扣抵是

鈞部

一方面電費雖不直接實發而間接由廳庫每年實發之款仍需

叁萬餘千元以邇來財政之窮支應殊覺不易欲待停止撥墊則電政局因

鈞部

欠鉅數電費不能全發局用開支不敷周轉亦係實情若不將從前未善之辦法酌加改變則廳庫撥墊之款既漫無底止懸欠又經年不結是本廳財不能省且因電政局撥款一事至每月增加公牘至數拾件之多繁重固苦難勝更恐因賬欠懸致生錯誤

似此辦法實不可以爲常現經本廳切實計畫擬請

鈞部

令飭電政局一面將軍事

歷年欠發電費從六年十月起截至本年最近月分止算明共欠若干除以業由廳庫及各縣局撥墊尙未過賬之款詳細查明開具清單送廳並由本廳查明現據各縣局呈報已撥各款如數作抵實發外尙共欠銀若干呈請

鈞部

核准如數作提軍用令

應會同軍需局虛收虛放爲一結束一面將電政總分各局開支數目從新切實計畫某數局以收抵支有餘某數局以收抵支不足其收入電費之數應認爲的款如有某分局長餘未解某機關記欠未償均由電政局自行整理俾有歸著即以抵經費開支之不敷不能置固有之收入而多索接濟開支之款如此羸絀兩抵實在每月開支不敷若干詳晰列表呈請

鈞部

令廳核辦只要所需數目不甚過鉅本廳度量財力勉

足支應亦即承認每月墊發若干暫作定案惟須聲明每月墊發之款只認由廳發總數不認再由各縣署釐局分頭散撥縱有時限於事勢必須由外屬撥支者應先由廳庫於每月應發總數內扣存此數而後能令由外屬撥支俾發領撥三方面得以隨

時過賬不致如從前懸賬經年不結其每月由廳庫墊發之款將來結算仍作抵電政局每月應領鈞部電費俟電政局請領電費單據發廳時先抵放鈞部電費如墊發之數有餘再儘數抵放鈞部電費抵放之後若尙應我發若干即由廳會同軍需局虛作收放勿再懸宕照此辦理則廳庫每月墊發電政局之款確有定數且發總數廳中辦事手續不致繁雜即電局一方面每月有盈數之款可領亦不必如從前分途撥款寸節取償惟恐弗得至鈞部一方面每月電費無論應發若干以廳庫每月墊發之款除去抵放鈞部電費外所餘之數爲斷抵放後尙有應發之電費概請鈞部准作虛收虛放月清月欸以免終不實發之款徒事久懸而財政電政雙方時勞兼顧倘鈞部電費減少不及墊發之數時又另議辦法蓋此事之爭點在電政局需款多則廳庫無以籌給廳庫墊欸少則電局無以開支始終非兩得其平不能解決如蒙 核准即由廳截定期限通令撥支電局經費各縣局一律停止撥付在省定新案實行後及通令未到以前之各縣局墊出欸項一概憑送到收據隨時由電政

局領款內扣收歸款所有本廳酌擬改訂電政局請領請撥電費辦法是否有當理合具文呈請

鈞部鈞署

衡核令飭電政局遵辦并祈指令示遵再查該局所領上項六年七

八九三月電費原呈所叙本廳令庫借支及各縣局借墊數共貳萬捌千貳百柒拾元零玖角陸仙廳庫借款僅列壹萬元而各縣局借款又僅列壹萬伍千肆百叁拾陸元壹角陸仙壹厘總數雖合而分數合少列貳千捌百叁拾肆元柒角玖仙玖厘又單據金額經

鈞部鈞署

刪減銀肆百餘拾元該局仍列原數亦屬不合已由廳函送電政局更

正送廳核辦合併陳明謹呈

咨

咨鹽運使據監查催收楊委員呈監催磨黑井灶商欠款情形文

爲咨會專案查前據催收石膏井第二屆舊鹽款委員黎元熙會同監查催收委員楊榛林呈稱竊委員元熙前在石膏井提舉任內各井灶欠薪本爲數甚鉅委員等此次馳抵磨黑井到場署檢閱冊報計石磨二井現扣收銀伍千玖百捌拾捌元肆角柒分

伍厘請轉咨令飭報解扣收等情當經咨請 貴署轉令報解扣收各在案茲據監查催收委員楊榛林呈灶欠薪本一項檢閱場署五月分冊報扣收無款查係場署撥旺月扣收枯月墊發之成例將四月分所收穫者墊發以致五月分欠款數目反爲增加該灶戶得以任意循延則扣收者不能報解而欠款亦難清完等情前來除指令外相應咨請 貴署查照轉令各場知事將已收穫者迅速報解以後上月扣收若干務於下月接續報解以清積欠實級公誼此咨

咨交涉署據甯甯縣呈請轉咨英領引渡朱光榮歸案文

爲咨會事案查石屏縣商民朱光榮虧欠鹽款前經管押甯甯縣署追繳該商乘陳知事宗彝清鄉遠出乘間脫逃迭經令飭嚴緝未獲茲據陳知事呈稱該商現逃往英屬腊戍地方請轉咨英領飭令引渡歸案究追等情前來自應照准辦理除指令外相應咨請 貴署轉咨英領事令飭駐緬英官將朱光榮引渡歸案以便究追實級公誼此咨

咨實業廳迅予編送九年度預算文

爲咨會事案奉 省長公署指令本廳呈請令飭實業教育兩廳編製九年度預算一案呈悉查本公署九年度經費預算因分設教育實業兩廳所有教育實業兩科經費自應劃出分別撥歸該兩廳另編預算辦理茲將本公署預算編定發交該廳彙辦惟新年度轉瞬屆教育廳尙未成立在該廳未成立以前本公署經費應仍照八年度舊案除劃撥實業廳之數外按月領支仰即查照辦理並候分令遵辦可也此令預算并發等因奉此相應咨請 貴廳飭員迅予編製送廳彙辦此咨

咨復實業廳咨請籌發實業研究會專任委員津貼文

爲咨復事案准 貴廳咨奉 省長公署訓令本省實業研究會已議決歸實業廳辦理其辦法章程由該廳擬訂應用經費咨由財政廳籌撥一案後開茲由廳籌議辦法擬訂該會章程呈辦應用經費雜支等項需數無多由本廳經費內勻挪開支惟酌給專任會員之津貼一項人數無定擬每月以五百元爲額隨時核實由貴廳領支是否

可行相應抄錄章程先行咨商貴廳查照核覆以憑呈辦計鈔送章程一件等由准此查本省庫帑奇絀每年收支不敷至壹百叁拾餘萬焦急之狀莫可名言上項新增研究實業會會員津貼實無餘欸可以籌撥惟此會之設於本省實業之改良提倡極有關繫章程已由 貴廳擬訂應需經費雜支又經 貴廳核明就月領廳署經費內勻挪開支所有應需專任會員津貼一項自應勉力籌付但目前財力實形艱窘倘專任會員能從少數設置每月不必定需伍百元之數即請照實需數目支領發給以節度支若能由 貴廳經收之鑛區稅項下動支不必由廳庫另籌發給尤級公誼除將章程存卷備核外相應咨請 貴廳查照辦理此咨

咨蒙自道尹請加轉猛丁逃亡糧戶蠲免田賦冊結文

爲咨請查核加轉事案查前據猛丁行政委員張焯鵬會同委員楊發銘勸明猛丁戊午年匪亂逃亡糧戶荒蕪田地應征田賦附捐請予蠲免歸業糧戶田地栽插失時應征田賦附捐官租請予緩征四成分作二年帶征分別村莊造具都圖冊結呈請轉呈

等情到廳當經核査未據呈由本管道尹加結核轉咨廳與章不符又送到都圖册結僅只二分不敷分送碍難核呈業將册結發還令飭該委員遵照再爲補造册結二分連同原册圖結呈由 貴道尹核轉咨廳以憑呈辦在案迄今日久未准核轉前來究竟該員曾否補造呈送殊難懸揣除令催外相應咨詢 貴道尹請煩查明核復以憑辦理盼切此咨

咨普河道尹據緬甯縣呈報擬訂豐備倉暫行細則文

爲咨會事案奉 省長令開案查前准 省議會咨據議員李興楷請通飭各縣整頓積穀推廣社會以維荒政而備偏災一案到署當經抄發意見書令飭該廳核明通令各屬遵辦並咨覆查照各在案茲據緬甯縣知事田炳經呈擬具該縣屬豐備倉暫行細則請予查核指令祇遵等情前來查來呈所擬變通按戶分等募及改定減收息穀各節自係就地方情形酌量辦理其擬呈細則各條是否便利可行與歷訂積穀章程有無舛觸合行令仰該廳長即便核明飭遵具報並咨道查照原文已據分呈不再抄

發此令等因奉此并據呈廳查此案前奉 省長令准 省議會咨請通飭各屬整頓積穀推廣豐備會以維荒政等因當經由廳通飭各屬遵辦在案茲據該知事呈稱召集各區紳耆團首會議豐備會辦法按戶分等募集總期募足陸百石而止及變通改定減收息穀擬具暫行細則呈請核示等情前來核查所呈辦法係採募集主義所擬細則均與議會通章及積穀簡章不相舐觸尙屬可行至所請改定減收息穀擬每斗加一升一節雖與加二行息通案不符然係就地方情形酌量辦理亦准變通照辦奉令前因除將細則存查并呈覆令遵外相應咨會 貴道尹查照此咨

咨騰越關監督據尋甸釐員呈復辦理怡和興商號絲票年分錯誤文

爲咨覆事案查前准 貴監督咨准本關稅務司函據華商怡和興稟呈運照誤填年分請予更正一案後開相應咨請貴廳迅賜轉行尋甸釐金委員查明該商運照號數相符並無夾帶影射情弊即便蓋戳放行勿任留難阻滯如有他項事故併飭詳細呈明咨轉來署以憑核辦等由准此當以此案未據該尋甸厘員呈報究竟是何情形無

從知悉轉令該厘員查復核辦去後現據復稱查此案於九年二月內該商怡和興駝運黃白絲貳箱過羊街被厘局司事查驗該商所持絲票係八年一月十日過期廢票留令填換後據該商稱此票係嘉定統捐局填誤非商家之錯嗣接四川嘉定統捐局來電代該商聲明情形認係該局筆誤請更正放行等語厘局擬即放行該商又恐前途阻碍請爲設法當以只有換票一法告知該商該商甘請換票早經放行在案至謂由厘局更改票上年分一層查票據年數字樣關係至重該局職司所在既經錯誤自應負責厘局未敢違例曲從擅爲更改如果更改可行則一切之過期票均可措詞改用必致百弊叢生靡所底止查此案之始末其錯誤實在統捐局之疎忽從公該商領取票據時又不查看是否符合即行持往厘局司事見票不合遽予扣留固無不是後來換票又係經該商情甘請求尤屬正當辦法奉令前因理合據實呈明請祈查核辦理等語到廳並據該商怡和興將填錯年分之運照一張及在尋甸厘局另取之厘稅票據各一張一併呈請核辦前來本廳核查該商呈送之運照其號數尙屬相符所列

絲舫數目亦無多寡等項情弊既經 騰關稅務司以該商請領第四千八百一十四號運照確係在八年十月十八日核與本關檔案相符在川倒換同號運照萬無回轉到八年一月之理况嘉定已電尋甸認錯請改年分該分局不應故爲刁難始合公理此案擬請准如商請電知省厘局轉飭尋甸分局改正年分在上蓋戳放行以昭公允等語函經貴監督轉咨核辦到廳是此項運照確係嘉定統捐局之誤與該商無涉所請更正年分之處自應照准惟該尋甸厘局既未照改祇有由廳代爲更正以利進行又查倒換運照期間照章以六個月爲限該商此次因運照誤填年分被尋甸厘局扣留往返電呈查辦時日不無耽延以該商九年一月十日換照之日起算截至七月十日即爲滿限現已七月計限只有數日前項運照即使年分由廳代爲更正而運照之限滿經過沿途各厘稅局卡時難免不另生枝節並以 貴監督咨廳之日起至現在止爲本廳查辦此案期間計期又已兩月之久除更正年分外於運照上附單註明此項運照於正限六個月屆滿後再延長兩個月爲有效期間等字樣加蓋廳印俾免沿

途留難阻滯之事實至尋甸厘局另換之厘稅票據所收厘稅銀元據稱出於該商之自願應即免于置議除將運照更正附單說明交由該商執持運行暨令飭尋甸厘局以後遇有此等事件務須先行呈廳請示辦理外相應將此案查辦情形備文咨復貴監督查照辦理此咨

咨實業廳奉 省長令廳籌備考察箇東兩處礦業費用文

爲咨請照辦事案奉 省長訓令開據 貴廳呈請令廳籌備考察箇舊東川兩處礦山費用銀壹萬元一案後開當以查賓福士等現既抵省應即由該廳囑其前往箇舊東川兩處考察礦山具報候核所需費用約銀壹萬元并准令由財政廳照數先行籌備惟該兩處礦山與箇舊錫務公司及東川礦業公司極有關係此項考察費用應先由該廳商令該兩公司酌量分担以昭公允并呈報查核等因指令實業廳遵照在案合將抄件抄發仰即遵照辦理勿違計發抄函壹件等因奉此查探礦員賓福士等前往箇舊東川兩處考察礦山費用本應遵令先行由廳籌備咨請 貴廳承領轉發惟

查現在庫款支絀更甚於前籌措萬元殊非易易此項考察費用前經而商 貴廳長如調查完畢於箇舊錫務東川礦業兩公司之業務能有裨益則此項費用完全即由該兩公司担任如無所裨益則僅令該兩公司分擔一半政府當承認一半茲奉 省長令飭先由 貴廳商令該兩公司酌量分擔自應咨請 貴廳查照前次會商辦法辦理並請令知該兩公司先行籌備一半考察費銀伍千元由廳庫墊給銀伍千元以資應用除將奉發抄函存查外相應備文咨請 貴廳查核辦理見復此咨

函據兼填換出關票所委員呈復商會函達不照規定時間填換出關各票情形文逕復者案准 貴總商會函開據各商幫聲稱省貨一種向遵變通辦法僅五日內執持原票出關其百貨釐票於進關後分別日期赴換票所填換方能出關一案函請酌核辦理仍冀見復等由准此當即發交本廳填換出關票所查覆去後嗣據簽稱遵查各該商號等換取出關各票依照規定時間到所換取甚屬寥寥惟每日自午後一時至三時到所換取者實居多數甚至派令孩童稚子到所換取擁擠於一二小時之間

勿論票數多寡均須一一填付填發後又須逐票比對俾免錯誤委員自上年奉差以後知該商等換票時間集於午後已成一種習慣票數較多之日即核對亦需刻晷於是將本日應對票根改爲翌晨十時比對自午間十一時起至四時止即致力於本日送到換填各票此歷來辦理出關之情形也又查來函內稱換票只限於一次如已換後又有貨物售出而出關局不允再換等語伏查填換出關各票向未限於次數照票雖已填發票根仍存廳署無一不般般可考又查填換出關票原有五日期限在明白商號翌日出關本日即行取票甚至有本日出關本日換票迫求坐待錯誤堪虞應請鈞廳函覆該總會知照各商嗣後翌日出關上日即行換票其換票時間自上午十時起至下午四時止隨到隨換不拘次數其午前九時爲核對上日票根時間庶於公務商情兩無隔閡等情據此本廳復加核查此項換票時間應自上午十時起至下午五時止隨到隨換不得稍予留難即星期國慶日亦應照換以恤商情除指令填換出關票所委員遵辦外相應函復 貴總商會查照轉知各商號遵照

函覆郵政管理局函送東川局撥交釐款銀元文

逕啟者准 貴局函送東川釐員曾廷杰於九年四月內撥交東川二等郵局釐款銀元函廳查收見覆計函送釐款銀柒拾肆元伍角等由准此查送到前項釐款銀元已由分金庫於九年五月二十六日照數收訖除另案飭庫作為該東川局應解釐款外相應函覆查照

委任令

委任李毓嵩接辦永昌釐金令

案奉 省長令開據本廳呈請以前辦宜良釐金委員李毓嵩接辦永昌釐金一案如呈准以李毓嵩接辦永昌釐金仰即查照給委飭遵此令等因奉此合行令委仰該員即便遵照前往接辦此令

委任丁燦南接辦通海釐金令

案奉 省長令開據本廳呈請以前辦開化釐金委員本廳一等科員丁燦南接辦通

海釐金一案如呈准以丁燦南接辦通海釐金仰即查照給委飭遵此令等因奉此合行令委仰該員即便遵照前往接辦此令

委黃復生任耀龍電燈公司官股董事令

查耀龍電燈公司官股董事梅宗漢另候差委遺差以該員充任仰即遵照此令

委任調查各區釐稅委員令

案奉 省長公署指令開據本廳呈擬委專員調查釐稅一案呈悉該廳因近年厘稅解額虧短過多遴委專員實地調查以定增減自無不合應准照行惟考核章程既有不宜無妨一面調查一面改定蓋此種章程是一種現行法必以適合現情爲原則大可見到即行不必俟調查完畢始爲之至於滇省釐稅弊混叢生久爲世人所詬病非得澈底改造恐不易弊絕風清並應從根本上切實計畫辦理仰即分別遵辦具報並將委員銜名呈報備查此令附件存等因奉此除將分區調查員名呈報外合行令委仰該員遵照速即前往該區厘稅局卡按照廳呈指示機宜明察暗訪確切查明並照

表列調查事項縷晰填註附以說明書專文呈報以憑核辦但所呈各節務須詳盡有則爲有無則爲無不得以疑似情形模稜言辭敷衍了事虛飾塞責又到各境調查時應宜潔身自好尤不得有違背本章程之舉動或有不正當之行爲事屬要政非等尋常將來審核成績攸關幸勿玩忽凜之愼之切切此令附件併發

第一區調查員秦秀毅

第二區調查員李文藻

第三區調查員黃秉禮

第四區調查員陳必達

第五區調查員王嘉績

第六區調查員張永仁

第七區調查員張畢才

第八區調查員鄧鴻達

第九區調查員李煜蘭

第十區調查員李兆芙

委任劉名昭接辦剝隘厘金令

案奉 省長令開據本廳呈請以劉名昭接辦剝隘厘金一案如呈准以劉名昭接辦剝隘厘金仰即查照給委飭遵此令等因奉此合行令委仰該員即便遵照前往接辦此令

訓令

令路南縣知事迅速籌辦牲稅文

案查該縣牲稅前經指令應趕速籌辦不得仍與公益捐混合征收以期雙方並顧免碍通案在案乃昨據該知事報解八年分加提牲稅銀玖拾元仍係照舊辦理視功令如具文實屬不成事體合再嚴行令催仰該知事遵照限文到十日內迅速前次通令頒發稅票簡章即日將牲稅一項提出照章認真抽收據實報解不准再與地方之公

益捐混合征解以裕稅源而維通案仍將遵辦情形先行呈報查考倘經此次明令催繳之後仍敢藉詞推宕玩延定即嚴議呈懲不貸切切此令

令各縣行政員改編各縣團保填報逾限減俸文

案奉 省長公署訓令開案准 聯軍總司令部公函開逕啟者案查改編各縣團保及清查收入團費一案前經擬定章程表式通令各縣知事行政委員查明依限填報在案嗣查期限已滿尙未據報前來復電令各該衛戍司令道尹轉飭趕速造報繼因逾限多月未據遵報者尙有三十餘縣當經令飭各予記過仍勒令填報各在案茲復一再電催又已數月查有邱北永善鎮雄昭通等縣知事干崖猛丁威信等行政委員仍無片紙隻字呈報到署似此要政竟敢任意延宕其玩視功令已達極點若不嚴行懲創則以後上行命令直等具文應將上列未報各縣知事行政委員各減月俸十分之三五個月以示懲戒除分令遵照外相應函請貴署查照并轉令財政廳遵照等由准此查威信一屬昨據填表呈報有案此次所得減俸處分應予取消昭通猛丁兩屬

雖據呈到預算收支書冊惟未遵章列表與案不符應與邱北等屬一律懲創以儆玩
泄除咨復聯軍總司令官查照外仰該廳長即便遵照辦理并轉飭遵照此令等因奉
此查各縣知事行政員應領俸薪公費向來均係由縣署在於征獲糧稅項下坐支支
餘之欸儘數報解並無赴廳請領實銀各縣應得減俸無從核扣應令飭照數解繳
除分令外合行令仰該知事行政員即便遵照文到立即繳解勿違切切此令

奉省長令靖邊行政委員據農民王請等呈請發給田產執照一案查覆文

案奉 省長公署訓令案據靖邊農民王請等狀訴管業無證請飭丈量補給證憑以
資信守等情一案據此除以狀悉泗白虎寨全庄伙頭田爲該民共有之業本年四月
內被無名賊匪將此項田業契據盜擄遺失該民等請飭丈量補給憑證以資信守是
否可行候令財政廳查明飭該行政委員遵照辦理仰即知照此批等因批示掛發外
合將原狀抄發令仰該廳即便核明飭該行政委員遵照辦理呈候核奪等因計抄發
原狀一件奉此查該屬泗白虎寨全庄伙頭田是否係王請等共有之業本廳無案可

稽應由該員切實調查此項伙頭田如果係王請等共有產業被賊匪將契據擄去即照驗契辦法大綱第五條傳飭王請等邀請確實保證出具保結并繳納補契費由該署填印管業執照發給具領管業又查明被匪擄去之契從前如未驗過并照現行案罰收驗契查驗註冊費隨填印驗契紙發給倘非王請等所有之業應勿庸議合將辦法大綱管業執照抄狀令發仰該員即便查收遵照辦理具覆核奪并將收到執照數目日期呈報切切此令

別令知查照文
令各釐局各區商稅局據茂延記商號呈請發還未用之特許証原繳出口稅銀分

案據商人茂延記報稱竊商號於民國八年七月三十日請領黃白絲出口特許証拾貳張計重叁千觔赴四川叙府採買運往騰越出口銷售其應完稅銀當經如數繳清現因叙絲折收未能按數買足僅購獲貳千壹百觔所餘財字第六百肆拾柒號至陸百伍拾壹號特許証伍張共計玖百觔理合具文呈繳註銷並請將此玖百觔之出口

稅銀肆拾伍元並還給領等情到廳當查該商此次採辦之絲鮑既與原報數目未能辦齊所餘之特許証於時效期內遵章呈繳核銷核與定章辦法相符其原繳之出口稅銀並即准予照數發還給領除分令並飭該茂延記商號赴庫承領外合行令仰該釐局商稅局委員即便知照此令

令各釐局奉令准廣西省長咨請飭各釐卡照章收繳稅票文

案奉 省長公署令開案准 廣西省長公署咨據南甯關監督胡銘槃呈稱案准稅務司咨開查本關所發洋貨入內地之票按照定章該貨運至指銷地點由該處稅局將票繳由本關註銷以防弊混前於民國六年二月十五日曾經函請前監督韋轉飭各釐卡查照定章限日繳銷在案現逾三年之久本關發出運洋貨入內地之票甚多迄今無一繳回者用再咨請轉飭各釐卡務須遵照繳回以防弊混至本關所發洋貨入內地之票以雲南貴州兩省爲多應如何轉行並希酌核辦理統希見覆爲盼等因准此除分別令行各統稅局遵照辦理外其雲南貴州兩省各釐卡應如何分別轉行

遵照理合呈請察核分咨貴州省長轉飭遵辦等情據此除指令並分咨外相應咨請貴省長查照希即轉飭所屬各釐局遵照辦理仍希見覆等由准此除分令外合行令仰該廳長即便飭屬一體遵辦等因奉此除分行外合行令仰該釐員即便遵照辦理此令

令武定縣知事據呈報辦理營救史教士開支招待各費請核銷一案核令文案查接管卷內奉 省長訓令開據該知事呈報辦理營救美教士史德文等開支各費請令廳核發一案後開查此案既據稱而呈該廳准其由特別欸項下開支自屬實情惟查用欸較多册列數目又甚籠統並無細數究竟用途是否正當開支有無浮濫合將清册簿據令發仰即遵照逐一詳細核明飭遵具報計發原册簿各壹本等因奉此查該知事辦理營救美教士等一案雖與尋常事件有間不能無所費用然亦不應藉此名目開支至壹千玖百餘元之多且各欸數目概係籠統開報並無細數可稽其用途是否正當開支有無浮濫殊難查考茲姑就册列各款詳加審覈如所列招待美

代表孫爾政等一項支銀肆百柒拾餘元按美代表等住該縣爲日不久而該縣地方又非繁華商埠何至費去多金倘謂係由省購辦舶來酒食等品則數至肆百柒拾餘元之鉅應取有行店之發貨單收款收據乃竟籠統開報總數徒欲以未取收據一語塞責何足以資證明試問此項用款若無細數又憑何合成總數耶應由該知事另行造冊按照以上所指各節分晰開報聲叙以憑復核又如所列委員接洽旅費及偵探費兩項均用銀伍百陸拾餘元按楊匪蹤跡當時祇在該縣附近一帶地方該知事亦當必先行偵探知其在始能委員前往接洽乃查送到收據所派接洽偵探二者多至四十餘人而某人究往某處某處距該縣究有若干程站及某人每站究給予旅費若干均無細數可稽其中更有收據上僅書領到旅費並未提明是接洽費或偵探費者尤屬含混該知事既欲報銷公款何得不向該領款人等索一開支細帳爲據以爲轉報地步耶似此疎漏雖有收據多張殊難盡信亦應另行造冊按照以上所指各節分晰聲叙以憑復核又如所列投遞信件一項支銀捌拾餘元接送並保護各外士由

馬頭山至省各費一項支銀貳百叁拾柒元而信件投至何處遞與何人共投遞若干次數又接送並保護各外士共派若干人由馬頭山至省計若干程站旅費係如何支給外士又有若干人其一路所用旅費等項是否純由該知事支給均無細數可稽亦應按照以上所指各節列冊分晰聲叙又偵探段自喜具領醫藥費一項計支銀伍拾元查送到偵探費收據內段自喜一名曾支旅費叁拾伍元乃復發給醫藥費伍拾元究竟該法警是受傷或是患病爲何支給醫藥費亦應附列冊內聲明總而論之該知事身任地方遇有外人被匪擄劫重案其辦理營救一切事件乃職分內所應爲至開支各費准其作正報銷已屬格外體恤乃該知事竟藉曾經呈准爲口實開報至壹千玖百餘拾元之多縱非虛捏亦屬浪費若不詳加究詰殊不足以肅計政而重度支况同一辦理此案者尙有祿豐羅次兩縣知事及專派之張林趙三委員開支之欸具有比例亦非對於該知事獨予苛求也奉令前因除將發廳原冊暫存外合行令仰該知事速按照以上所指各節另行造具開支細數清冊呈報來廳以憑核辦轉報勿忽勿

延切切此令

令各釐局商稅局各縣知事據商人請發給探買土貨出口特許證文

據商人

復義和
永昌祥

報稱現赴四川叙府探買黃白絲

壹千伍百
叁千

舢運往騰越出口銷售請發給

探買土貨特許證以便運行並將應繳保證稅銀暨邀具妥保填具保證書前來經廳

查核與章相符應准探買除填給財字第九百

四一號至
五十一號

探買土貨特許證

拾壹

張計每張填黃白絲壹百伍拾舢又十一張填黃白絲叁百舢五張肆百伍拾舢貳張

壹百伍拾舢肆張於九年五月三十一日交由該商執持運行外合行令仰該

局知事
局長即

便遵照俟該商前項貨物運經該厘稅局卡時照章查驗明確貨數相符即予蓋戳放

行不得留難阻滯如有洒賣充銷貨數增減以及夾帶影射等弊查出並應照章分別

辦理具報查核切切此令

令鎮沅縣呈請將何前知事募獲內國公債移作靖國公債文

案奉 省長公署訓令據鎮沅縣知事鄒家魯呈前任知事何裕如募獲內國公債請

移作靖國公債報解一案到署查此案既據分呈合行仰該廳即便查案分別核明飭遵具報此令等因奉此並據呈廳查該縣何前知事裕如募獲四年內國公債銀柒百零伍元事隔五年官經三任迭經令飭催促竟不解繳以致人民應得債息數年無著不惟玩視要政抑不解是何居心該知事請以此項內國公債移作靖國公債就兩項公債論原係各爲一事把彼注茲實屬不合本難照准但內國公債早經結束收欸亦屬碍難應准變通移作靖國公債迅即如數解繳思茅富滇分銀行查收掣取收據轉發各認債人收執並造具花名清冊二分以一分呈送本廳以一分連同債欸函送該分銀行查核何前知事給過四年內國公債收證一律收回註銷至所請以九成折解一層核與公債條例不符未便照准惟照條例施行細則得由債欸數內坐扣百分之二之經手費以資辦公其債款仍照足成填給收證奉令前因除呈復外合行令仰該知事即便遵照辦理具報萬勿再延切切此令

令鳳儀縣知事准其採運糧米平糶文

案奉 省長訓令案據鳳儀縣知事葛新銘呈報縣屬連年旱澇相繼災歉頻仍派員前往鄧川洱源兩縣採運糧米請分令轉飭警團驗照放行不准留難阻滯以賑民饑並乞指令祇遵等情到署查前據該知事呈報借墊款項購米平糶請查核立案等情當經核准令據該廳呈覆飭遵在案茲覆據呈稱前情查鄧川洱源兩縣既經該知事查明素爲產米之區且與鳳儀係屬隣封該知事派員分往採運糧米該鄧洱兩屬官紳自應本救災恤隣之誼極力幫助何反禁米出口致採糶各員紛紛携資回報殊屬有碍民食所請分令鄧川洱源兩縣知事轉飭警團凡遇該知事派員馳赴該兩屬採運糧米驗照放行之處應即照准既據分呈有案合行令仰該廳長迅即查核分令遵照辦理並咨騰越道尹查照此令等因奉此查此案昨據該知事呈廳當經由廳核查鄧川洱源兩縣素爲產米之區與鳳儀係屬比隣鳳儀派員購米回縣辦理平糶係爲救濟窮黎起見該兩縣知事當應一視同仁共相維持不得過分畛域故爲阻止致碍荒政即經令飭鄧洱兩縣知事遵照凡遇鳳儀縣派員往該屬採購米石務須驗明護

照立予放行不准遲難留難阻滯並轉飭所屬警團一體遵辦以維荒政等因在案奉令前因除咨會分令外合行令仰該知事遵照此令

令六城厘員准騰關監督咨送商人怡和興採買黃白絲運照到廳令發六城局填

換一案文

案准 騰越關監督知照單開民國九年六月十一日准本關稅務司富函開現有中國商人怡和興赴雲南省昆明縣採買黃白絲共淨重肆千伍百斤請給三聯報單叁拾張前來除填給自第伍千捌百零叁號起至第伍千捌百叁拾貳號止三聯報單叁拾張交本關稅務司轉給該商持赴指地採買外茲將自第伍千捌百零叁號起至第伍千捌百叁拾貳號止空白運照叁拾張寄送貴廳查收俟該商將上項貨物辦齊呈到三聯報單時煩爲照章倒換運照須至知照者等由准此查該商怡和興普省採買黃白川絲既經騰越關監督將運照送廳自應加蓋廳印令發該釐員查收俟該商將貨辦齊呈繳三聯報單時即由該員查驗明確換給運照并將繳到報單連同運照存

根繳廳以憑核明轉咨辦理此令

令各縣知事本廳兼理井務職權移交實業廳接管文

爲通令遵辦事案准 實業廳咨准本廳咨交檔卷內前奉 農商部第四百八十七號訓令開財政廳兼理井務職權應一律移交實業廳接管所有一切手續仍照舊辦理又奉 財政部第一百五十七號訓令開准 農商部咨開案准湖北實業廳呈稱井區稅及註冊費等項已由湖北財政廳移交接收井區稅一項是否應由財政廳代解金庫請核示等因查徵收井稅辦法前由本部會同貴部擬訂簡章十一條於民國三年七月呈奉 大總統批准通行在案按照該簡章井區稅應由井務監督署徵收後解交財政廳核收一面冊報本部轉咨貴部查核嗣以各監督署裁撤財政廳兼理井務該簡章遂無從實行現在各省井務改歸實業廳管理所有徵收井稅簡章內規定監督署職權自應移歸該廳執行以符定案應請通令各省財政廳嗣後征收井稅概照簡章辦理如荷贊同即希見復以便令行各省實業廳遵照接收等因查徵收井

稅簡章內規定區產兩稅由各省井務監督署及財政廳分別征收原爲劃清權限起見現在各省既設有實業廳並由農商部於原呈內聲明一切手續仍照舊辦理等語所有此項簡章內原定監督署職權自應移歸實業廳執行嗣後征收井稅應即查照簡章辦理以專責成除咨復農商部查照令遵外合行令仰該廳長遵照辦理等因奉此查部頒征收井稅簡章第二條載井產稅之收入由各省財政廳派員徵收之井區稅之收入由各區井務監督署直接徵收之等語是井區稅一項按照例章應歸敝廳直接徵收嗣後如有井商解繳區稅時應請飭知逕解敝廳核收俾清權限除通行外相應備文咨請查照等由准此除分令外合行令仰該知事遵照嗣後征收所屬井區井產兩稅務須照章分別將井區稅逕解實業廳務以實銀批解不准以應領之款撥抵井產稅一項仍解本廳核收以免混淆而清界限勿違切切此令

令各厘局委員奉貴州省長庚電准商人運白硝赴滇桂銷售文

爲通令遵辦事案准實業廳咨開案奉省長發下貴州省長庚電開據財政廳

呈萬昌公司擬運白確貳萬伍千觔發滇桂銷售請援案給照等語合電達請飭屬查驗放行至緞公誼電一件奉 批送實業廳核辦等因奉此查黔確來滇銷售或經滇赴桂爲本省單行法所許故上年萬昌公司運確來滇奉令後即轉飭各釐局查照滇省分區承運確礦簡章驗放在案茲奉前因除呈復外相應備文咨請貴廳查照希即轉飭所屬經過各釐局俟該公司運銷到時照章查驗放行實緞公誼等由准此除分令外合行令仰該員即便遵照辦理勿違切切此令

令昆明縣奉令據參謀處呈查獲赴銀行更番掉換現金奸民數名請究辦文

案奉 省長公署訓令案准 聯軍總司令部咨開參謀處案呈據第三部部長錢開甲呈稱案據少校諜查員王承祚上尉諜查員李鯤等呈稱竊諜查員等據諜員董克明諜查余坤元等報稱探得咸和街六十七號春發號楊培正及大東門恒益昌李云洲二米舖每向富滇銀行領出現洋並不用作買米各處米商販米賣與該舖該楊李等則仍用紙幣兌給各米販時向該舖掉換現洋每百元則敷水六元如米商持現洋

百元換與該舖該楊李等則僅補水三元兼之逐日僱用多人往富滇銀行更番兌換現洋輾轉漁利等語當經員等詳查屬實嗣復轉託米販何自朋持紙幣二百元分向楊李掉換現洋該楊李等果然換出每百敷水六元並飭該諜員等又持現洋與之兌換每百元又只補水三元旋於七月十號指派董諜員等仍持紙幣前往掉換經承祚督率各員并會同商埠二署巡長劉昌華巡警劉嘉福向順東陳文啓等潛於僻靜處施設逮捕手續適董諜員等正與掉換之際已將入銀一併拿獲交由商埠二署轉送昆明縣管押等語正核辦間又據報稱竊員等據諜員呂少章等報稱探得東寺街春發祥納春山家私養換洋之八八九名逐日持幣向富滇銀行更番兌換現金每日不下數百元所有兌獲實銀又暗令收買紙幣每百元吃水六七元不等該納尤時常在街外鼓吹紙幣如何低落銀根如何吃緊其用意不外輾轉漁利等情前來當經員承祚親往賡續考查又親持現洋前往試行兌換該納每百加洋叁元復持紙幣兌換現金該納每百要敷水六元嗣於本月十一日籌畫間接偵查務得確據并飭該員等僱一

鄉農使之不疑即令持紙票伍拾貳元伍角與之兌換該納一手收票一手交洋經員督率各諜員並會同商埠一署巡長蕭仲英巡警普開文黃體賢趙金堂等當將該納春山捕獲在案並一面跟同巡警往該號細密檢查所有檢獲銀洋紙幣洋煙各數目另單隨文呈報其人銀一併送交該警署轉送昆明縣管押訊究理合備文伏乞鈞核施行各等情據此查奸商楊培正等兌現漁利既經破獲理合呈請鈞核咨明省長公署轉飭昆明縣知事嚴行訊辦以維幣政等情到部相應照抄清單咨請貴公署查照辦理等由准此查紙幣與現銀一律通用不得故爲增減久經通佈查禁已不啻三令五申乃該米戶楊培正李云州及納春山等竟敢折價收買紙幣日向銀行兌換現銀公然加水買賣輾轉漁利實屬胆玩且據單開檢查各物尙復有收藏禁物情事既經拘獲送交昆明縣管押應飭嚴行懲究以肅功令而維金融合行令仰該廳即速核明飭縣提訊明確分別按律嚴擬呈候核辦勿任縱延切切此令等因計單一紙奉此合行令仰該知事遵照迅即提訊明確分別按律嚴擬呈候核辦勿任縱延切切此令

指令

令雲龍縣呈覆糧額欠缺原由文

呈悉查該縣原額應征民賦稅秋糧九百八十九石四斗八升九合因荒蕪不能照征實只征九百一十一石六斗七升九合七勺九抄戊午年被水冲石壓不能墾復請永免秋糧二石四斗四合八勺八抄九拵外實征九百九石二斗七升四合九勺一拵前據該縣前任知事段韜於改編戶糧冊清出漏糧一石六斗一升四合五勺六抄五拵新墾升科秋糧二石一斗三升一合三抄請自己未年入額起征報解當經核明令飭造具田地等則畝數花戶姓名科征細數清冊加具印結呈道核轉並將該縣屬缺額糧七十六石零認真清釐挨戶擠查務須一律清出照數升科以復原額等因令飭遵辦在案茲據呈稱缺額原因實由雲龍地處崇山之間區域內無五里平地概係緣山開田兩來則耕耨水大則冲沒加以近年荒旱頻仍賊盜滋擾十室九空救死不暇前經荒廢之田或業主流離或田坵改變欲事墾復難期速效等情雖屬實在然當此清

查戶糧改編糧冊之際該縣未經復額荒糧未便任其久缺仰該知事遵照編定戶糧冊辦法大綱督率員書會同紳糧頭人按鄉按村挨戶擠查究竟此項缺額田地或荒或熟務必得其真相如確係荒蕪應即設法墾復升科起征以復原額而重國賦仰即遵辦并將辦理情形先行呈報查核又該縣前任段知事升科田糧應令造具科征細數冊結呈道核轉均勿違延切切此令

令昆明縣知事據呈傳追省城各商虧欠鹽款情形文

呈悉查省城各商虧欠鹽款計在四五十家之多經該知事傳追或稱外資未回或竟潛匿不面或藉故推延不到種種情形殊堪痛恨在各欠商刁狡成性固屬有意拖延而該知事傳催不力亦無可飾以後每傳到一案即知會李劉兩委員前往會同嚴追限期繳款若再有延抗情事立即提案管押勒追以重課款勿再徇延切切仰即遵照辦理此令

令易門縣知事據呈報縣屬米價騰漲請將各鄉倉積穀提五成平糶文

呈悉查保存積穀簡章第十九條內載平糶須視市價爲標準若穀價加漲不及二倍准糶至五成等語該縣本年小春歉薄春夏之交雨水愆期米價日漲民食維艱當此青黃不接該知事請將各鄉倉積穀酌提五成平糶救濟饑民等情核與定章相符應准照辦仰即遵照督紳妥爲辦理務使貧民實惠均沾事竣造冊呈報查核并將糶獲價銀由縣妥爲保存俟新穀登場照數採買還倉具報切切此令

令宣威釐員據呈復宣局征收實在情形文

呈悉查所陳各節固屬征收大概狀況惟該局總分各局卡以現時情形而論全年究能實收正釐若干副課若干未據分別列表呈送碍難查核仰即續行查明據實呈復以憑核奪勿再籠統含混藉故遲延干咎切切此令

令曲靖釐員據呈復奉令飭查釐金收入數目文

呈悉所陳各節固屬一時情況惟該局總分各卡究竟實征收若干未據詳細列表呈送殊碍查核仰仍遵照前令分別列表查復立待核辦勿稍刻延切切此令

令陸良釐員據呈復征收情況文

呈表均悉查來表僅六月零二十日並非全年征收之數殊不適用仰速另列表送廳以憑查核勿稍違延干咎切切此令

令羅平局楊委據呈復奉查征收歲入大宗一案文

呈悉所陳各節均係大概情形與本廳所詢各項毫無關係仰將該局總分各卡全年實收正課若干副課若干迅速查明分別列表呈送來廳以憑核辦勿再含糊藉延切切此令

令緬雲釐員據呈報解款困難請予展限文

呈悉查定章所載甲月之欸限乙月十五以前報解計期已在半月定限不可謂不寬該員仍當自行設法按照規定期限匯解銀行俾符通案而昭慎重仰即遵照切切此令

令興文當據呈送九年春季分管收除在四柱清冊並送月總簿文

呈及清冊均悉查送到九年正月起到三月底止管收除在各款四柱清冊與月總簿比對並按散合總核算數目均屬相符應予備查俟屆年終結報時併案核銷惟冊列開除項下長美當借本銀叁百陸拾兩一柱核與月總簿所列數目雖屬符合然總簿則列爲長順當究竟是否一號或係長美誤爲長順應即查明聲叙又月總簿內三月分總賬列入貫利銀貳百壹拾貳兩伍錢壹分將分字誤爲兩字亦應更正至舊欠各款僅收獲李樹清章美號廣泰隆等款爲數甚少其餘各欠戶仍未歸還足見催收不力本廳前令該當於催收欠款毋徇情而毋惑浮言以後仍應查照前令辦法認真做去萬勿敷衍瞻徇致碍當務仰即遵照並將夏季分收支各款屆時造冊呈送切切此令月總簿蓋印發還冊存

法規

雲南征收釐金暫行章程

第一條 雲南全省征收釐金局卡均適用本章程之規定

第二條 滇省厘局以解欸之多寡分別等次如下每年解欸在伍萬元以上者爲一等壹萬元以上者爲二等伍千元以上者爲三等壹千元以上者爲四等

第三條 一等厘員月給俸銀壹百元二等厘員月給俸銀捌拾元三等厘員月給俸銀伍拾元四等釐員月給俸銀叁拾元

但原係三等局現列人二等者如解欸不足二等規定之數其月薪仍照三等支給

第四條 釐員資格遵照財政部釐稅考成條例第二十五條辦理各機關辦公人員如具有考成條例第二十五條所列五項資格之一者得保薦存記

第五條 各釐局委員均以一年爲任期除有過失者隨時撤換外其解欸不足額者依本章第十第十一各條辦理

第六條 各釐局委員於到差後每經過三個月考核一次年滿統核一次

第七條 各釐局委員於每屆三月考核依照比較額增收一二三成以上者記功一次增收四成以上者記大功一次

第八條 各釐局委員年滿比較增收一二三成以上者就所增收之數提給一成勞績金增收四五成以上者就所增收之數提給二成勞績金滿三成以上者並得留辦半年滿四成以上者並得留辦一年在留辦半年期內比較半年原額平均攤算仍增收三成以上者並得繼續留辦半年至留辦期內無論一年或半年若能較額長解者仍照年滿比較長解給獎辦法按成分別提給勞績金其統核比較辦法則照第九條之規定短解考核辦法則照第十條之規定

上項勞績金應俟將款解清由財政廳發給不得於應解款內坐扣又各局員長收留辦期間至多以一年為限

第九條 各釐局征收委員凡年滿留辦及年滿後曾經委員接替而新委因事耽延不能依限到差者其解額比較及勞績金應自到差日起至交卸日止按照在差月

日平均攤算不得劃清年限分作兩截計算

第十條 各釐局委員征解釐款每屆比較日期應將收獲總數于期滿後十日內據實電陳財政廳核辦如逾限匿不電陳核有短收之款應責令賠償其比較成分及懲罰等差大別如左

三個月比較短收

一成以上記過一次

三成以上記大過一次

六個月比較短收

一成以上記大過一次

三成以上撤換

九個月比較短收

一成以上記大過一次

三 成以上撤換

年滿比較短收

一 成以上停委一年至二年

二 成以上褫職

凡比較分淡旺定數另表列之

第十一條 各厘員在差期內於六月比較應將三月比較之收數併計九月比較應將六月比較之收數併計至年滿比較則將全年收數併計之

第十二條 各厘局甲月征收之款以乙月初十日以前爲起解期限以到庫日期按各局距省程站扣算

第十三條 各厘局委員按月征解厘款投遞文冊確能依限辦理無誤者得照左列之規定核獎

(一) 接續三月無誤者記功一次

(一) 接續六月無誤者記功二次

(二) 接續一年無誤者記大功一次

第十四條 各厘局委員按月征解厘款投遞文冊不能依限辦理任意延欠者應照左列之規定懲戒

(一) 逾限二十日以上至三十日記過一次

(二) 逾限二十日以上至三十日記大過一次

第十五條 各釐局委員遇有交替應將差內所管左列各件先一日造冊移交接差人員點收

(一) 差內收入數

(二) 差內已解數

(三) 征存未解之款及票根

(四) 已領未用釐票

(五) 財政廳委託發行之印花稅票(應造專冊)

(六) 局有財產暨物品

(七) 各種文卷表冊

第十六條 接差委員按照上條所列各項接收清楚應造具清冊出具交替清楚切結呈報財政廳查核所有接收之款並應於五日內起解逾限不到照本章程第二十一條辦理

第十七條 接差委員出具交代清楚切結後倘查出卸差委員有虧挪情事匿不揭報者除將卸差委員照財政部交代條例第十四條褫職追繳外接差委員應受左列規定之懲戒

(一) 事後自行檢舉者記大過一次

(二) 由上級官廳指發者停薪一月

(三) 通同舞弊者褫職並將虧欠侵吞之數責令分賠

第十八條 各局僱用書巡及辦公等費准照收額坐扣一成開支餘不得另行報銷
惟仁和局因分卡太多准坐扣二成鹽井渡局既無分卡收數甚鉅應於一成內扣
回十分之五通海收數亦鉅亦應于一成扣回十分之四

第十九條 各厘局委員於奉委後應繳納保證金凡定額在拾萬元以上者繳納全
年薪俸十二分之三伍萬元以上者繳納全年薪俸十二分之二伍萬元以下者繳
納全年薪俸十二分之一

第二十條 各書巡如有欠款或携款逃跑以及侵吞舞弊各情事各厘員應負擔完
全責任

第二十一條 各厘局經收厘款除奉

督軍
省長及財政廳文電外不得擅自撥用違者除勒令賠償外從嚴議處

第二十二條 財政部征收厘稅考成條例除第四第十第十二第十三第十四第十
五第十八第十九等條於本章程內均分別變通規定外其餘均適用之

第二十三條 本章程如有未盡事宜隨時改定

第二十四條 本章程俟核准後定於六年七月一日實行前定委辦章程即行廢止

第二十五條 本章程自實行之日發生效力

雲南財政廳擬定土貨出口稅章程

第一條 雲南財政廳爲提倡土貨保護貿易起見特就大宗出口土貨專征出口稅以便運銷

第二條 征收出口稅之土貨隨時由財政廳調查指定公布辦理

第三條 土貨出口稅之定率隨前條公布之案核定行之

第四條 土貨出口稅由財政廳直接征納之

第五條 征收出口稅之土貨凡本省境內各厘稅一概免征地方公益捐款亦免其抽收

第六條 征收出口稅之稅單計分兩種一爲特許証由財政廳發給一爲出口稅單由出口所在地之厘局發給

第七條 特許証爲三聯式甲聯隨貨起運由出口所在地之厘局裁繳填給出口稅票乙聯由商人於貨物出關後自行呈繳財政廳丙聯即留廳存查

第八條 出口稅單爲三聯式甲聯填給商人執持出口乙聯呈繳財政廳丙聯存查

第九條 財政廳收獲商人呈繳特許証乙聯時將該商應納出口稅由所繳保證金內扣收餘數發還

第十條 凡商人欲運銷經公布之出口土貨者應邀具妥保赴財政廳將該貨之數量報明並呈繳比照所報貨數應完稅銀加倍之保證金請領特許証前往採辦

第十一條 特許証之時效以十二個月爲期期滿作廢如遇有特別障故得先申明展限二個月

第十二條 商人請領特許証採辦貨物齊全起運至到達出口地之厘局報驗換票出口

第十三條 商人請領特許証所辦貨物若以原報數目未能辦齊或因事故完全未能採辦所餘之特許証如在時效期內得仍繳還財政廳核銷

其原繳之出口稅銀並予照數發還給領

第十四條 商人領取特許証或經過時效期間或致毀損無論貨物採辦與否均照

原報數目征收稅金但遇有意外事故如天災及不可抗力等得另議之

第十五條 特許証所採辦之貨物若不起運出口改銷內地時應仍照完內地厘稅
惟征過之出口稅得計除之

第十六條 特許証須隨貨起運由經過厘稅局所查驗蓋戳放行採貨商人不得將
貨沿途酒賣充銷該厘稅局所若驗無別故亦不得阻滯留難

第十七條 依前條查驗之結果若貨數增減應照所增減之數補稅如以他種貨物
挾帶影射應照他種厘稅例加三倍補征倘挾帶危險禁物則充公究辦所補征之
厘稅款均由該厘稅局所給發印票一面具報財政廳查核

第十八條 商人運銷出口貨有違背本章程之規定時即惟原保人查究征存有保
証金者並沒收之

第十九條 各厘稅局所違背本章程之規定一經告發由財政廳查明懲處之

第二十條 非經財政廳指定之土貨不得援用本章程之規定

第二十一條 本章程自呈奉核准日公布實行如有未盡事宜隨時修正行之

雲南財政廳擬訂查驗採買土貨特許證辦法

- (一) 此項查驗辦法係補原章所未及凡採運絲商均應一律遵守
- (二) 現時各商採買黃白絲有在雲南省城採買及赴四川叙府採買或在雲南之牛街等處採買者其查驗辦法自應分別規定以資稽查而昭實在
- (三) 凡係赴四川叙府採買及在本省之牛街等處採買者於赴財政廳請領採買特許證後即行前往採買於採買足數運抵省城後即應將採買絲勛連同特許証一併報由第一區商稅局查驗確無貨數不符及夾帶影射等弊即由該稅局於特許證內加蓋進關日期圖記暫行扣存換發採買土貨入關票據交由商人執持以爲貨物入關之證
- (四) 前項特許證經第一區商稅局換發採買土貨入關票據後即由該稅局將特許證轉送六城厘局查收復由該厘局轉發小西關分卡收存以便於商人運貨出關時發還給領

(一)前項入關絲舫定限七日出關於起運時由商人執持第一區商稅局所發之採買土貨入關票據連同販運貨物一併報由六城厘局小西關分卡查驗貨數符合並無他項弊端時即由該分卡收回採買土貨入關票據發還該商原領之特許証並加蓋出關日期圖記以便商人執持隨貨運行

(二)採買土貨入關票據分爲甲乙丙三聯甲聯由第一區商稅局於貨物入關之時填給商人乙聯按旬彙繳財政廳丙聯留局備查

(三)六城厘局小西關分卡收回商人採買土貨之入關票據亦應按旬彙繳財政廳備查

(一)採買土貨入關票據另式定之

(二)各商如不能遵限於七日起運出關即由六城厘局小西關分卡將特許証繳還該厘局由該厘局呈繳財政廳註銷並由財政廳查照本省厘稅定章責令該商照繳自進關起至運抵省城止之一切厘稅其原繳之出口稅准予計除

之

(一)前項入關貨物如有他項事故不能遵限出關者須於定限內由該商報明稅局轉呈財政廳查核酌予展限稅局應將原貨加封迨換票出關時驗明拆封起運

(二)凡係在雲南省城採買者應由該商將此項絲觔自進關起至運抵省城止已完本省之一切厘稅證據呈財政廳查驗經財政廳查明屬實存廳註銷方能填發在省採買特許證

(一)各商如不能將已完本省厘稅證據呈驗即視爲漏納本省厘稅之貨物非將應納厘稅照數繳清不得填發特許證

(二)此項辦法專屬於查驗之一部分其一切應行遵守事宜悉照原章規定辦理

(一)此項辦法施行後如尙有未盡事宜得由財政廳隨時修改呈報查核

(二)此項辦法自呈准日公布實行

雲南財政月刊

十六

第二期

雜

錄

雲南財政委員會建議案

積欠軍政各機關經費及富滇銀行墊借款項應如何設法償還以清積累議案

案查金庫收入數截至九年六月十五止實存銀壹萬玖千叁百肆拾叁元而積欠軍事費計三箇半月除已發拾陸萬餘元外尙欠捌拾捌萬陸千伍百肆拾肆元又舊欠榆餉局銀拾伍萬叁千壹百陸拾玖元其行政費一項除外縣撥支不計外每月由省庫支付銀柒萬伍千元計欠兩箇半月銀拾捌萬柒千伍百元以上軍政兩費共積欠銀壹百貳拾貳萬柒千貳百餘元至富滇銀行墊撥軍政各費積欠未還者計銀壹百肆拾玖萬貳千餘元統計上兩項共欠銀貳百柒拾壹萬玖千貳百餘元此其虧欠之大略也今糧賦下忙已過釐稅均在淡月每月收支之數正苦不敷自無餘力更清宿債就軍政費積欠一項言各機關應支之款計授所需且爲經過之事實決無減縮之餘地照目前辦法固以丁月或戊月始發甲月之款中間懸隔過遠應付爲艱函牘交催繹絡不絕於理於勢均無詞以相拒而不知主計者適當其衝所感之困難尤甚也

就銀行積欠一項言富滇銀行爲全省金融命脈所關自當力予維持鉅可長此虧墊顧屢以不得已之情勢向其挪移鉅款久假不歸設不籌償舊欠則銀行終無鞏固之時金融輒有恐慌之象且現世銀行業日盛其營業之競爭日多若我之根基不固行將受人排擠何能與之競爭此則關於百業及民生者極大非特增政府之憂慮而已加以每年實收實支數比較收不敷支已達壹百叁拾餘萬元現款苦費維持欠款安能彌補從前提用各署局存餘款項及變賣官產之辦法今已搜括一空無以爲繼倘長此延欠則日積累重將無復着手之方現擬辦法四項一爲拍賣南較場官地約可得七十餘萬元係呈准指定全數收還富行之款然只足還其半數現賣出者尙不及三成也一爲催收舊欠鹽款查舊欠鹽款總數尙有一百九十萬餘元然數年派員守催收數僅百分之二三即令改訂辦法上緊追收有無良果未敢預斷一爲靖國公債收入之款全數撥還銀行欠款然撥歸之後則還本付息方法均應加以討論一爲催收糧欠各縣自民國元年洎今積年欠賦約銀伍拾萬元今以嚴切之催收或冀收

六成以上可得銀叁拾萬元但除去各縣坐支之款外實解到廳者能有幾何此時殊無把握然勿論多寡究亦可爲清償債款之一助以上四端爲擬議籌還積欠之法然於貳百柒拾餘萬元之虧欠尙不足以彌補現在收不敷支則數月以後欠數之增尤不能免設措愈難茲事體大焦慮實深諸公碩畫宏謨必有惠教究竟如何設法將各機關積欠經費及富慎銀行墊款一律清償之處謹遵章提出議案請付大會公決

提出者財政廳廳長徐之琛

每年度實收實支數計收不敷支約壹百叁拾餘萬元擬求開源或節流之法俾收支得以適合議案

本省最近實收數每年連鹽稅及截留各項解款約共收入銀伍百壹拾伍萬貳千餘元每年實支數軍政各費共支出銀陸百肆拾陸萬貳千餘元計收入不敷支出銀壹百叁拾壹萬餘元此其收支不敷之大略也而積欠未償之貳百柒拾餘萬元尙未與焉茲就支出一項言之軍事費年計叁百陸拾餘萬元游擊隊薪餉年計叁拾柒萬元

其餘各項行政費年計貳百肆拾柒萬元以今日實行民主主義一切教育實業及各項新政正待擴充支數方增加未已收入之不敷更多無米爲炊拖欠而已似此年復一年不謀補救各機關經費欠三月者將遷延而至十月或一年若至一年後始發上一年之欸尙復成何政體富行積虧至此又安有再挪之餘地夫財政原理不過開源節流二端量出爲入此開源之義也量入爲出此節流之義也如謂待大局平靖裁兵節餉斯爲節流之大者然值此國事俶擾之時何易辦到就收入一項言之田賦年收玖拾壹萬元釐金年收肆拾伍萬元或因災荒民欠或以匪擾貨稀僅得此數各項雜稅年收陸拾伍萬元官本紅利年收拾柒萬元各機關雜收入年收拾陸萬元此三項能否加尙待磋商至鹽稅一項年收貳百肆拾肆萬元係由外人管理勿從置喙外其他如造幣廠餘利年收拾陸萬元菸酒稅年收拾陸萬元此不屬於財政廳職掌者整理之責則有專司非本廳所能代謀也收入之實況如此欲求增加收入則振興實業既難收效於目前清丈行而田賦可增顧事體繁重需費甚鉅亦非旦夕所能奏功今之

所計畫者有三第一調查釐金商稅實在征收情形中飽者掃提加額短絀者核實酌減已由本廳派員分途往查俟查畢回報統核改訂冀可達預算收入數八九成以上此一法也第二整理性稅屠宰稅查此項年收十萬餘元以九十餘縣比較攤數無多每年屠宰牲畜恐必不止此數如劍川路南等縣每年收款數千解廳者才二三百元餘均留作地方公用其餘較實收數解半者有之或尙不及半前年由廳擬加解額或派員往辦或招商包辦已呈 省署批准而未實行良由性屠兩稅向無考核比較以至取於民者多用於國者少徒歸中飽莫裨度支現擬設法整理加額嚴核以裕收入此二法也第三清理田賦值此民生困苦之際加賦斷不敢言照經界局之清理辦法亦嫌繁重然各地有田無糧或民實不欠而爲里胥蠹所侵蝕者往往有之聞廣西田賦收入前僅壹百叁拾餘萬經一次清理後即增加一倍以上吾滇地大於桂而年收只九十餘萬豈遂無法整頓稍望增加耶茲擬擇數縣試辦從事清丈以求人民担負之平均如有田無糧者照田升科有糧無田者按田免糧田多糧少或糧多田少者

均斟酌情形分別加減如有成效即當繼續推行此三法也以上三事爲目前整頓收入之計畫刻正切實考量着手辦理就能收效而於支出之不敷尙多擬求收支適合似更當於開源節流二者力謀多數之善法俾財政不形恐慌新舊悉清積欠則豈惟本廳之幸全省實利賴焉謹遵章提出議案請付大會公決

提出者財政廳長徐之琛

滇省以前積欠田賦情形及以後催征方法議案

滇省田賦近年以來因迭受災荒影響以致節年均有帶欠計其間能按年掃數完解者四十餘縣不能按年掃數者五十餘縣或年欠數千元或年欠數百元其欠數以迤西爲最多迤南次之迤東較少截至戊午年止約計帶欠五十餘萬元推其帶欠之由有實欠在民及收而未解兩種廳中催解文牘幾至盈尺而各該帶欠之縣知事循延成習能遵令呈報催收者寥若星鳳方今需款孔急斷難再任延欠現擬就欠數最多之縣仿照清理積案辦法由廳派員會同各縣知事勒限三箇月自本年九月起至十

二月底止爲催收舊欠田賦之期在此期內應將戊午年以前所欠田賦其已收未解者趕緊報解其實欠在民者先將欠賦花戶姓名查出分鄉分村分派紳團糧甲嚴厲催征勿論如何務須於此限期內將所欠之賦悉數征收清楚掃數報解如限滿時不能報收清楚仍飭委員坐催必俟欠賦收至八成以上始能銷差所有委員之旅費由本廳支給月薪則由各縣滯納罰金項下開支不准動支正款并擬合數縣派一委員既可就近分催亦可稍節費用至逾限之各縣知事當專案呈請嚴懲如此辦理或可望早日清完於彌補軍政懸欠各款不無裨益應請公決

提出者財政廳長徐之琛

雲南財政月刊

八

第二期

整理性稅屠宰稅辦法議案

本會第二次會議由財政廳提出每年度收不敷支擬求整理之法俾收支得以適合議案其計畫第二項爲整理性屠兩稅查性稅自民國成立後通令查報始定現行稅額屠宰稅本舊日之湯胖稅原係附於性稅內帶征自民國四年奉部令發專章開辦乃劃出征收照部章規定儘征儘解故未定解額然因漫無稽核始由廳印發三聯稅票令其分別填報各縣所收寔數僅憑填報繳驗一聯以全省九十餘縣之大兩稅合計每年解廳者才拾萬餘元其不足恃也明矣如劍川路南等縣每年收款數千解廳者式叁百元餘均留作地方公用現已分令查寔報解其他各縣就收入寔數解半者有之不及半者有之甚或刊行小票藉飽私囊如前之順寧保山兩縣被控有案者或廳票小票併用於報解時任意伸縮者或並不填票至解欸時始照解廳之數填入廳票繳驗一聯內呈報而將應給商人之執照一聯銷燬者違章罔利其術不窮於民則必取盈在公則無所益苟非發生控案亦孰從而查究之是以吳前廳長於民國七年

擬訂招商承辦之法呈經

省長署核准照辦旋以歲荒民困盜警貨稀復暫緩定行且因保山縣紳民狀訴該縣屠稅之騷擾病民征解不實曾由廳委員查報每年可收壹萬壹千元歷任知事每年所解不過貳叁千元乃令照查報數目懸牌招商認額包辦卒至無人承認而此案遂擱置以迄今茲值此庫帑萬絀之時羅掘已窮自難再任各縣之隱匿中飽而不加整理惟整理之道或就收數較鉅之屬加定解額或派員分往各縣據實查報再行酌加或將屠稅照牲稅之定爲解額而冬季加多或照前擬招商包辦之法而明定標準或研求厲行廳票之法使小票及不填票之弊悉除則儘收儘解即無隱藏之餘地以上各辦法應俟議決采取最善之道而行至謂縣知事公費甚少全恃此種盈餘以資彌補如將牲屠稅盈餘掃解無餘此後各縣辦公將有竭蹶之虞此亦不能不統籌兼顧加以考量者究應如何辦理之處尙希大會研議妥善而惠教之幸甚

提出者財政廳長徐之琛

云南财政月刊

1

本片卷自 1920 年 1 期
至 1920 年 2 期